



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

# JESUS PUER

Poema

**Thomae Cerae**

Soc. Jesu

ad Mediolanensem editionem nova cura recognitum et  
brevis adnotatione instructum

**Er. Laur. Clem. Gratz,**

Professore in reg. bav. Lyceo Dilingano,

et

**Joan. Mich. Broxner,**

Praeceptore in reg. schola lat. Dilingana.

---

**Dilingae ad Danubium.**

In Typographia Aulingeriana,

**MDCCLXII.**

6.

1844-A-2181

2710/1


MLC 368.33.5




HARVARD  
COLLEGE  
LIBRARY

48-C-

San 32





g





Adm. Schlichter sc.

Verh. Schlichter del.

# JESUS PUER

Poema

**Thomae Cerae**

Soc. Jesu

ad Mediolanensem editionem nova cura recognitum et brevi  
adnotatione instructum

a

**Dr. Laur. Clem. Gratz,**

Professore in reg. bav. Lyceo Dilingano,

et

**Joan. Mich. Broxner,**

Praeceptore in reg. schola lat. Dilingana.



*Preis VII. 1842 dono obtinuit.*

**Dilingae ad Danubium.**

In Typographia Aulingeriana.


**MDCCCXLII.**

1842




MLc. 368.33.5

✓



Vyřazeno

dupl




5.VIII.1944.

## **L e c t o r i**

S. P. D.

Nostra aetate quum magis magisque studium latinorum poetarum, qui recentioris sunt temporis, resuscitetur nec non recolatur, a viris, qui in Veterum scriptoribus tractandis et interpretandis, atque in juventute literarum studiosa instituenda consenuerunt, admoniti Cevae pulcherrimum omnibusque numeris absolutum poema „Jesus Puer“, quod in librariorum tabernis prostare desiit, de integro typis describendum et quantum fieri potuit, emendandum curavimus. Quae res nobis, qui non solum veterum poetarum, verum etiam recentiorum studio jam ante delectabamur, gratissima venit, provinciamque demandatam lubentissimo animo suscepimus. Quam ob rem quantum temporis munus publicum, quo fungimur, reliquum fecit, summa voluptate Cevae impertivimus, qui eruditorum virorum



9

## **VI**

Haec habuimus, quae, humanissime lector, de editione nostra paucis moneremus; qua uti si visum tibi fuerit, speramus fore, ut Cevae poema haud parum voluptatis tibi adferat, praesertim quum non magis verborum ornatu et quadam naturae facilitate, quam copia, varietate ordineque admirabili conspicuum sit.

**Dilingae ad Danubium Cal. Jun.  
MDCCCXLI.**

***Editores.***

## ***Vita Thomae Cevae.***

Thomas Ceva Mediolanensis familia ortus honesta plurimum, et, ut tum erat fortuna, locuplete. De hoc priusquam dicam, venia et gratia est a lectoribus postulanda, quo minus nobis succenseant, si de vita excellentis viri brevem admodum scribimus commentarium, quod ei secus conveniret. Sed nobis obscuriora ejus sunt facta pleraque, quod ei ad multam senectutem vita suppeditavit, omnesque ei aequales fere ante nostram aetatem naturae debitum reddiderunt. Illustri ingenio fratres fuere tres \*), utpote qui poetices aut mathematices gloria in literatis habiti sunt viris, nomenque memoria et commendatione dignum reliquerunt.

Hic lustrò minus tertio Societati Jesu nomen dedit \*\*); qui qualis esset in omni futurus vita, initio statim aperuit; partam opinionem virtutis perpetuo auxit, animum vero quotidie magis pulcherrimarum scientiarum cognitione erudit. Quem nihil dubito, ut vere possim dicere ingenio fuisse felicissimo, mirificèque ad res plures accommodato \*\*\*). Nam si gratiae et laudi nobis ducendum esset musicen scire, et commode scien-

---

\*) Joannes Ceva procurator reddituum Archiducis Mantuani fuit, et Christophorus Ceva, clarus versione latina Torquati Tassi, societati Jesu adscriptus. Cfr. Thomae Cevae Silvas. Venet. 1732. pag. 49. Allgem. Encyclopaedie d. Wissensch. u. Künste von I. S. Ersch. u. I. G. Gruber. Leipz. 1827. T. XVI. p. 90.

\*\*) Thomas Ceva, natus XIII Cal. Jan. MDCLVIII, Societatem Jesu ingressus IX Cal. April. MDCLXIII, vota solennia VI Id. Dec. MDCLXXXI professus.

\*\*\*) Des talens fort différens, qui semblent presque incompatibles, et qu'on voit rarement réunis dans un petit nombre d'hommes privilégiés, lui ouvrirent une carrière variée et brillante. Mémoires pour l'histoire des Sciences et des beaux arts. Paris. 1733. Février pag. 323. Eloge du Père Ceva.

## VIII

terque canere, non minima in gloria fuisset. At haec ad nostram consuetudinem non pertinent, igitur videbuntur fortasse leviora aut potius gravitate non digna viri sapientis. Sed non pari modo arbitror apud omnes fore, qui sciam poetas tiliarum cantu ferme delectari et musica solere; vel propter similitudinem, quae inter genus utrumque intercedit, quamobrem qui ex tempore versus fundunt, solent excitari ad chordarum sonum; vel denique quod compositione apta consensioneque commode incidentium vocum, quam harmoniam graece appellamus, poetae familiarissime utuntur. Sed nae sumus putidiusculi, qui haec tam multis.

Igitur poesi praestitit, quo nomine etsi magnus omnium iudicio extitit, tamen matheseos scientia non minus commendationis obtinuit. Qua re utraque praestare quale sit, facilius illi existimabunt, qui iudicare poterunt, quanta sit virtutis excellentiam habere earum facultatum, quae maximarum habent rerum dissimilitudinem. Ceva quidem certe severiorem mathematicis aptam meditationibus et blandam habuit quondam suavitate efflorescentem naturam. Eam rem scio nonnullis singularem haud fore, cum tam multi hac aetate videantur utroque genere florere. Sed qui versus facere, et mathematica delectentur scire, non me fugit plures esse; an mathematici iidem et putandi sint poetae, nihil ego dicam gravius.

Ast excellens atque praestans Cevae natura, quoniam una ferme ad utrumque ejus elicuit ingenium, de mathematica primum dicemus, quae magnam et in primis gravem ei auctoritatem clarissimorumque virorum amicitiam conciliavit. Illi dedit animum tum, cum ad physicae primum studia accessit, ad quorum usum et utilitatem mathematica magnopere pertinent. Sic autem operam dare coepit, ut mira celeritate per se ipse omnes condidicerit Euclidis libros, qui sunt de elementis, deinde etiam qui Archimedis et Theodosii sunt, dies et noctes magnam illis tribuens partem. Qua ex re Cevae tum adolescentis potuit ingenium aestimari. Post vero philosophica quinquennium magisterio scholarum exercitus, quod munus satietate laboris incredibiliter mentis et corporis vires conterit, neque animum tamen a mathematicis revocavit, quin per occasionem subseciva nactus tempora huc se conferret, satisque ingenio faceret. Igitur studium a prima adolescentia incoeptum nusquam intermissum diligentia auxerat tantum, ut in illo juventutem adepto videretur esse perfectum, et suam quandam habere maturitatem. Postea cum ad Theologica rediisset in patriam, quo tempore Braydensis academia \*) uno egebat viro, qui mathematica explicaret,

---

\*) Universitas P. P. societ. Jesu Mediolani fundata a s. Carolo Borromaeo.



is ex omnibus est ea lege delectus, ut neque eo secius studiis obsequeretur suis.

At ejus non minus ingenium eluxit; namque celeriter est eam adeptus auctoritatem, quam postea ad extremam usque senectutem retinuit. Hoc ejus rei specimen, quod in eam urbem cum venisset, in qua Pet. Paulus Caravaggius vir nobilissimus magnam in famam pervenerat mathematices laude, eum consuetudine sua adeo sibi devinxit, ut nemo illi deinceps fuerit carior. Conciliata est autem amicitia Cevaе juventutis prope calumnia. Nam viro summo et in mathematicis tradendis prudentissimo (traheret vero ea publice in scholis Palatinis) hominis aetas vix juventutem ingressi minime Lycel gravitati convenire visa est sic; ut ejus periculum facere vellet problemate. At ille rem universam explanando cum ita esset interpretatus, ut simul plurimam proderet venustatem ingenii, unum ei par misit. Erat in Caravaggio cum summa humanitas, tum mīra comitas, ut supra nihil posset addi. Igitur hominem biduo post convenit, et cum in ejus laudem multa dixisset, ad extremum amicissime declaravit, voluisse se ejus periclitari ingenium. Nunc quoniam haberet virum gratulari plurimum, tum vero postulare, uti missum declararet problema haud aequae sibi perspectum. Sed isthuc longe alio spectabat, quam videbatur initio, quod mediarum, quas proportionales vocant, quaestio callido erat consilio injecta. Igitur quam impeditissimum erat, ita ut evolvi non posset. Postea Caravaggius neminem amicitia antetulit. Quo factum est, ut vir omnium opinione magnus, cujus omni in Europa nomen erat maxime illustre, huc omnes juveni honores tribueret, libros inscriberet, et eum notum facere omnibus studeret.

In hisce versatus est studiis annos amplius quadraginta et quinque; quo temporis spatio multa edidit, quae etsi brevibus sunt voluminibus explicata, ut alia ejus pleraque; nam existimabat hoc eo valere, ut neque multo habeantur aere, occurraturque satietati lectorum: multam tamen laudem adepta sunt propter rerum novitatem. Atque in his est quaestio, quae disputat de vi corporibus indita a natura, ut ferantur deorsum ac perpetuo nitantur, quam gravitatem vocamus. Quo in genere constituit unaquaeque invicem ferri, interque se rapi: ea autem corporum virtute ad vicissim occurrendum, omnibus rebus ad librae leges expensis, contendit quiddam obtineri puncti instar, quod commune gravium centrum appellant. Quae ratio cum propter rei novitatem pluris est facienda, tum vero etiam plurimi, quod ea et diu secum ipse fuerat Ceva meditatus, et postremo scriptis tradidit, anteaquam ad illum notitia pervenisset ejus operis, quod

in Angliā fuerat pervulgatum ab Newtono illo magno incredibilisque ingenii viro.

Postea etiam primam corporum, quae decidunt, velocitatem et aeternas astrorum conversiones indagare ratione coepit. Sed non vacat omnia hoc loco commemorare, quae sunt ab eo tradita in iis libris, qui sunt de philosophia, de natura gravium; quaeque opusculis est iis complexus, quae inscribuntur mathematica, quibus uno tempore praestantiam venustatemque declarat ingenii. \*)

Sane autem vereor, ut, quod volo, dicturus sim: sed mihi videtur Ceva sic mathematicum gessisse, ut ea in ipsa re poetam ostenderit. Nam belle et eleganter res versabat: et quibusdam mentis ferme cursibus volitabat in immensa prope illa mathematica spatia undecumque flosculos legens, ita ut modo, injectis repente luminibus, obscurissimis rebus superfunderet lucem; modo alias, quemadmodum poetis pulcherrimae felicissimaeque imagines incidunt inopinato, quamque minime aptis temporibus, sic ille improvise assequeretur impetu difficillimarum rationes rerum. Exemplo sit inventum, quo licet jam mechanice trifariam triangulum parti percommode, opereque perquam nudo et simplici. Qua de causa maxima est ei tum laus tributa a literatis viris. Invidit illi hanc laudem nobilis e Gallia mathematicus Marchio Hospitaly, libro edito, quo se auctorem praeclari inventi faciebat. Sed notata est in actis Venetis Cevae editio annis decem anterior. Ceterum ea illi praeter opinionem res cecidit, cum urbem circumiens casu oculos ad pervetustae cujusdam januae supercilium convertisset, ut symmetriam universam observaret. Alia his multo essent plura, quae maluit igni dare, aut ad amicos rudia mittere diligentius amicitiae serviens, et hominum fugiens opinionem, quod nollet animi virtutem obteri levioris assentatione famae, a qua plurimum sibi timebat, quod etiam eleganti declaravit hexametro.

Sed enim nomen ejus et fama latissime pervagata omnium gentium doctissimos ei devinxit, ita ut epistolae ad Cevam ab omnibus mitterentur

\*) Th. Ceva hos libros mathematicos edidit: a) De natura Gravium. b) De ratione Aequilibril. c) De sectione geometrico-harmonica et arithmetica. d) De sectione anguli rectilinei in quotvis partes aequales tum organice, tum per quasdam lineas curvas. e) Instrumentum aptum ad hujusmodi sectionem ejusque usus. f) De Cycloide. g) De lineis phantasticis. h) De Flexilibus. i) Machina di Fuochi per il S. Principe Eugenio. k) Rischio che si corre nell' uscire di carrozza, mentre i cavalli sono in fuga. Cfr. *Memoires*. l. c. pag. 325. Chr. Wolf. *element. Math. univ. T. V. c. 1. §. 33. Cap. VII. §. 9.* Montucla *hist. des mathém. Nouv. edit. T. II. p. 95.* (Scheibels) *Mathem. Bücherkennt. Th. I. S. 368. Biogr. univ. T. VII.*

partibus, maxime quidem ab academicis Germaniae. Sed Italiae literatissimi eum familiarissime adhibebant, ut modo iudicium ejus acciperent, modo aliquid tandem requirerent, et elicerent ex eo epistolas. Quo fuerunt in numero Vivianus, Regalinus, Ballianus, Saccherius et Grandius. Hi tum mathematicorum in Italia principes numerabantur. Sed cum Guidone Grandio maxima ei amicitia fuit ad ultimam aetatem; et ille nunquam non ad eum amicissime scripsit, aut ad quenquam huc literas misit, quin cum indulgentissimo quodam sensu Cevae etiam salutem mitteret. Quo magis miramur auctorem cum, qui libello memoriam rerum comprehendit de Grandii vita (*Memorie per servire alla Vita del P. Abate D. Guido Grandi*. Vide ephemerides literarias a. 1743. pag. 4.), quisquis ille est demum, nam in Venetis literatorum fastis, si memini, vapulat, malique animi insimulatur scriptor Anonymus; sed ut est, miramur affirmare, Grandium suscepisse cum Ceva inimicitias (quas ullo non tempore destitit cum clarissimis viris gerere, si fides dubiae fidei sit adhibenda scriptori), itaque etiam eum graviter multasse pervulgato carmine: At Grandii, an secus fuerint versus, non hujus est loci quaerere. Certe quidem ille missis ad Cevam literis, ab se calumniam pluribus est deprecatus, negavitque ejus amicitia quidquam sibi potius esse. Nunc ad incoeptum redeo.

Insubriae, ut tum erant res, latum gerebat imperium pro Hispaniarum rege Didacus Phelippe de Guzman Marchio de Leganes, [cujus doctrinae notitia continetur volumine, quod est ab illo conscriptum hispanice; estque titulus de Palladis schola. \*)] Hic quoniam mathematicis studio plurimum efferebatur, quamdiu Mediolani fuit, Cevam praecipue dilexit, ut nemo ei carior fuerit aut familiarior. Amavit autem cum propter studiorum communionem, tum captus hominis naturâ, in quo virtutis mira indoles elucebat. In eo enim suavitatem constat summam fuisse, lenissimos mores, gratiam mirificam. Erat gravitas et cum gravitate junctus urbanitatis non scurrilis, sed simplex, refertus ingenio et animo lepos; tum vocis suavitas et lenis vocum appellatio in consuetudine dicendi, quae etiam solet bene loquendi famam conficere. Nos quidem, qui eo familiarissime usi sumus, et adolescentes observavimus senem, tam ejus consuetudo delectabat, ut nulla esset amoenitate et gratia conditior; magnoque opere mirabamur quotidie plenos literatae senectutis sermones. Eo factum est, ut Marchio de Leganes illum magna amplecteretur benevolentia,

---

\*) Escuela de Palla, o sea Curso mathematico. Milan. 1693.

crebroque conveniret eo usque, ut officium erga se pati jam nullum vellet; sed mirantibus civibus ventitaret in Braydam, et famulatu ad fores omni relicto solus modo scalas ascenderet, ac Cevae adiret non secus cubiculum, quam si unus esset ex familiaribus: neque non etiam postremo pari modo discederet. Quae quantam indicarent amicitiam, judicabunt, qui sciunt, ut dignitate inter nos sint fere regia Mediolanenses gubernatores, quique non ignorant, quantam declararent eo tempore gravitatem imperii, potestatemque omnium rerum, cum in Hispanorum erat dominatu provincia integra, et nihil uspiam distracta.

Neque vero Leganes minus ei in aulam sui conveniendi causa aditum dedit, quo propter infinitas suas occupationes non minus crebro frueretur amicissimo viro. At ea gratia cum plurimum posset obtinere, tantum abfuit, ut nulla in re usus sit, sed modestiam perpetuo virtutemque praestarit. Atque hic illustre quoddam exemplum videtur habere locum, ne facti memoria intereat. Nam quodam die cum Leganes disputando Cevam demoratus esset ad noctem, cumque jam in eo esset, ut videretur hominem velle dimittere, quasi eum per pinacothecas diaetasque deduceret nihilo minus sermoni intentum, prudens volens duxit eo usque, dum aisterentur repente in rostrum, unde in theatrum erat despectus, habebatque exadversum scenas. Nihil ille non conatus, ut refugeret, sed manu prehensum, perque Superos eam rem deprecantem occlusis foribus jussit simul assidere. Quem constanter oculis humi positis cum videret renuere eos attollere, cumque ei persuadere tentaret, ut scenam ornatissimam et musicos pueros spectaret, qui agebant fabulam, noli, oro te, inquit, ea me velle aspicere, a quibus non abesse cum imperio facis. Quae modestia tantopere illi fuit grata, ut abeundi facultatem paulo post dederit, neque deinde coeperit aliud magis praedicare.

Hanc sibi cum summis viris amicitiam ingenii commendatione cum peperisset, est tamen laude dignum, quod in omni vitae genere et cultu se modestissime gessit, cumque unus a pluribus consuleretur, aliorum iudicio plurimum ipse tribueret. Sed est aliquid magis, quod hac una re facile erit unicuique perspectum. Erat jam Cevae magna autoritas apud omnes et nobile nomen, cum Hieronymus Saccherius Mediolanum venit. Hic tum erat adolescens, sed laus ingeni maxime, adeo ut pauci pares putarentur. At Ceva ut iudicium ejus faceret, cum nihil etiam in mathematicis versatum interrogatiunculis orsus esset lacessere, totum visus est statim corpore omni cognoscere, et admiratus, macta, inquit, esto adolescens, et nos quando plurimum ingenio superas, fac stu-

dio jam et diligentia praestes. Ex eo nihil magis studuit, quam ut Saccherio doctissimorum virorum amicitiam conciliaret. Tantum aberat ab obtreptione et invidia, quae solet etiam amicorum gratiam exulcerare.

Nunc est de altera ejus laude dicendum. Magnus mathesi fuit Ceva, nec minor in poesi; nam mirifice ad hanc factum ejus videbatur ingenium; et praestantiam declaravit ab adolescentia non qualemcumque eclogas scribendo et fabulas admodum elegantes. Mirari autem subit, quid ita certi homines hoc avaritiae flagrent genere, utrumque ut renuant et eas in vulgus edere; et vero etiam cum amicis una communicare. Nos quidem sale esse et lepore multo venustas scimus; videre tamen licuit nondum.\*) Utut est autem, Ceva mihi videtur fuisse poeta non unus e multis, potius inter multos prope singularis. Quoniam enim illud videtur esse proprium poetarum, ut doceant, simul mira animum devinciant jucunditate, utrumque effecit, adeo praecepta exquisitasque sententias molli versu pellucen-que vestiebat. Quo in genere omnis ejus est ratio tamquam vermiculatum emblema: omnis est pulchritudo ab nativa, varia, perpetua novarum rerum imagine, singula suavitatis et animi plena.\*\*\*) Et illud si probatissimum est genus poetarum, qui non solum fabulam ingenio subtexant, sed mores personis accommodatos sic referant, ut earum exprimere imaginem consuetudinis vitaeque videantur, nihil est, nisi plurimum fallor, quod cuiquam magis sit expetendum, modo idylliorum eos libros consulat, qui sunt de puero Jesu. Huc vero omnia pertinent, quo modo Nazarenis sensim se puer prodidit deum; et omnis est Athanasii et gravissimorum innixa scriptorum auctoritati sententia. Igitur ab Aegypto in patriam redeunt mali daemones primum moliri insidias, dolis deinde dubios plebis animos de ejus divinitate facere, miscere captionibus et praestigiis omnia. Sed reiectis ad extremum frandibus sanctissimum omnes puerum agnoscere, cujus pridem amore, admiratione, oraculis ferebantur, eumque magnis

---

\*) Il (Ceva) ne conservoit presque rien de ses écrits, et comme ils étoient recherchés avec empressement, il les donnoit avec une bonté et une facilité qu'on oseroit presque lui reprocher, si ces qualités après tout n'étoient préférables aux talens de l'esprit. *Memoires* l. c. pag. 324.

\*\*) Une pénétration subtile et profonde dans l'invention, une netteté admirable dans l'exposition font le caractère propre de ces derniers (les ouvrages de belle Littérature et de goût du père Ceva). Dans les Poésies brillent la nouveauté des idées, l'élégance, le feu poétique. Faut-il s'étonner des éditions réitérées qui s'en sont faites en Italie et hors d'Italie, des traductions qui les ont fait passer en d'autres langues, de l'empressement à les lire, de l'estime qu'en a faite? *Memoires* l. c. pag. 326.

## XIV

gratulationibus venerari ut Deum. Haec libris novem exposita, opus vero universum poema inscribitur, non eo ut leges epicī sectetur; sed comico—heroicum auctor magis statuebat esse appellandum. Namque est consulto compositum ad ejus indolem gentis, quae Galliam transpadanam incolit, vocanturque Insubres. Itaque in omnibus miram refert quandam facilitatem naturae, et nihil non est eidem consentiens. Quam ob rem ad eos non spectat, quibus paulo est severior natura. At in eo genere, quod Ceva proposuit, nihil videtur aequae posse effici; nam copiam, varietatem, ordinem habet admirabilem; tum est natura iis colqribus oblita, qui maxime populari sunt assensioni accommodati, et mentem possunt recreare; versus vero tam flexibiles, ut nulli videantur esse magis in potestate posse. \*)

Pari modo Silvas confecit, haeque constant plurimum fabulis perfacetis, quibus nihil potest esse dulcius iis, qui poeticae non sunt expertes suavitatis. Ad haec philosophiam versibus exposuit, quae ut illis temporibus tradita magni est facienda. \*\*) Pleraque enim versatur in physicis, et multum habent locum mathematica. Sed in scribendo fuit celeritas mira; sex enim libri mensibus sunt totidem explicati. Breviter omnia et perspicue: inest etiam rebus comis quidam ornatus, excursionsque sunt accommodatae ad oblectandum animum. Magnam haec oppido commendationem habuerunt, eique rei indicio est, quod pluries statim sunt editi, atque ab elegantis ingenii viro italicis deinde versibus redditi. \*\*\*) Ea propter etiam Arcas est dictus magna Mediolanensis academiae gratulatione. Haec carminibus ab eo tractata sunt, in quibus nihil est ferme praeteritum, quod quisquam aut poetae convenire, aut ad poesin pertinere arbitraretur.

Sed quam diligenter totam ejus rationem cognitam et percepta haberit praecepta, declaravit libro, quo posteritati prodidit memoriam Lemēnii vitae poetae, ut illa aetate, clarissimi. \*\*\*\*) Nam quibusdam capitibus explicatis exposuit, quae maxime ad poesin putantur spectare; et

---

\*) Der Jesuit Ceva war ein eben so grosser Mathematiker, als Poet, und wahrer Poet, nicht blos Versificator, wie sein lateinisches Gedicht Puer Jesus in neun Büchern beweist. Lessing.

\*\*) Silvae et Philosophia novo-antiqua Th. Cevae Venetilis MDCCXXXII typis iterum excusae sunt.

\*\*\*) Philosophia novo-antiqua dal verso latino è stata in versi sciolti volgarizzata da Dionigi Andrea Sancassani Magati da Comacchio. Ven. 1730. Dizionario storico, portatile. Dal Signor Abate L'advocat. Transportato in Italiano. Bassano. 1790.

\*\*\*\*) Memorie del Signore Conte Francesco Lemene.

opus est flore plurimo et colore respersum, quod pulchritudine et varietate vincit animorum satietatem. Neque sane facile quem dixerim sive a natura, sive ab ingenio plus habuisse hanc artem omnium artium maximam ad delectandum sine satietate. Hanc ille declaravit in omnibus, majoremque in modum iis in libris \*), qui cum de vita sint virorum vel virtute vel sanctitate praestantium, hoc magis videntur facere difficultatem, quo plus solent inter se habere similitudinis. In omnibus autem inest venustatis quidam color oratione diffusus nec nimis extenuata, sed temperata, leni, et fere dixerim tereti, ad quam cum ordo et delectus accedat, delectatione vincit fastidium.

Igitur minus est mirandum, si huic magistro cum ex nostratibus, tum ex iis, qui una cum ipso simul erant Arcades, praeterea quicunque literarum studio ducebantur, tam se plurimum dabant, nullus ut ferme dies vacuus esset ab illius consuetudine. Qui quamquam longe modestissimus nemini se ad docendum dabat, tamen consulentibus respondendo docebat. Et haud scio, an magister illo esset ullus in instituendo praestantior; namque ad unius cujusque naturam singularem quandam suam accommodabat facilitatem ingenii, ita ut et celeriter, quae opus erant, cogitaret, et eadem explicaret summae usus prudentia ad informandas mentes. Hoc in eo constans fuit et perpetuum, ejusque nos sumus rei testes. Octavum egerat et octogesimum annum, cum eum primo cognovimus, atque hic illi postremus fuit. Ad gravissimam senectutem accedebat, quod ab annis circiter octo lumina oculorum amiserat, quam calamitatem semper moderatè tulit: assiduissime cum illo eramus, studiose exercebamur ipso quidem lubente; modo nostra legebamur, modo aliena ejus iudicium audientes veluti regulam, qua vera et falsa judicaremur, quidque ad scientiam et elegantiam desideraretur. Ita fiebat, ut numquam non quotidie aliquid addisceremus adolescentes ab sene stipato studiis juventutis. Tantum ejus mens nihil, quod in reliquis solet, imbecillior est facta, quam in juventute fuisset. \*\*)

---

\*) Vita dell' Imperatrice Eleonora. Vita di Monsignor Ruzzini Vescovo di Pergamo. Vita del Conte Matteo Tavernà. Vita di san Giovanni di Dio. Riflessioni sopra lo stato presente della Cina. Osservazioni e Riposta sopra le stesse. Funerale alla Regina Maria Anna. Funerale al Signor Manfredo Settala. Le Esperidi per festa, et cetera.

\*\*) Au dedans, au dehors il (Th. Ceva) étoit l'ame de tous les travaux littéraires: il animoit, il aldoit les Auteurs, il contribuoit du sien à leurs entreprises, il les dirigeoit, il conduisoit leurs études. Quelqu' occupé qu'il fût de ses propres affaires, jamais il ne se refusoit au



## XVI

Tam modo cum extremam aetatem compleisset, nactus est postremo vitae exitum maxime optabilem. Namque mortem timens cum egisset vitam sollicitam, posteaquam est correptus apoplexi, coepit nihil formidare; cumque morbus illi mentem integram et loquendi reliquisset copiam, nihil erat amabilius, quam cum de morte loqueretur; adeo elucebat suavitas ingenii pristina mentisque securitas, ut jam non ex vita, sed de domo in domum videretur migrare; idque ei praemium fuit innocentis, moderatae sapientisque vitae. Die sexto postquam morbi eruperat impetus, decessit ad III. Non. Febr. MDCCXXXVII desiderium sui permagnum relinquens omnibus, qui eum cognorant.

---

besoin de qui que ce fût, jusqu' à se donner la peine obscure et rebutante de veiller à l'impression et à la correction de leurs Ouvrages, afin d'en rehausser le mérite et le prix. C'est le service qu'il a rendu en particulier à ceux du P. Charles Ambroise Cattané, après la mort de ce Père, dont il a ramassé les Manuscrits épars en une infinité de petits papiers séparés qu'il a rapprochés, réunis, mis en ordre, imprimés, enfin avec des Préfaces et des Tables convenables: travail peut-être plus pénible, certainement au moins plus désagréable et plus ennuyeux que ce lui de la composition. Mais la bonté naturelle du P. Ceva, sa charité, son inclination bienfaisante, lui en faisoient embrasser les occasions naturellement, et sans effort, sans cet air empressé, qui contente bien plus l'humeur du bienfaiteur, qu'il n'oblige celui qui reçoit le bienfait. En effet, rien n'étoit plus simple, plus humain, plus uni, plus modeste, plus éloigné de cette fierté, de cette hauteur dominante, au prix de laquelle les Sçavans vendent souvent, plutôt qu'ils ne communiquent les lumières qu'on peut tirer de leur commerce. Avec des qualités si aimables il comptoit autant d'amis que de personnes dont il étoit connu, et il n'en étoit presque aucune qui ne lui fût attachée par les liens de la reconnaissance. *Memoires* l. c. pag. 328 seqq.

---

### ***Cere Lectori.***

Jesum adhuc puerum manifestasse paulatim suam divinitatem Nazarenis suis conterraneis auctor est D. Athanasius (Orat. 4. contra Arianos), Titus Bostorum episcopus, Theodoretus, D. Vincentius, atque alii (apud Sebast. Barrad. in Conc. Evang. lib. 10. cap. 15.), qui in ea aetate quandam veluti divini Solis auroram praecessisse putant. Hanc agnitionem omnium pulcher-  
rimam epico poëmate dignam censi. Atque ita rem disposui, ut in hunc finem coelestis Infans ex Aegypto in patriam reduceretur; cui deinde viribus omnibus Daemon moliri primo excidium aperto bello, mox ne-  
bulas offundere suspectae Divinitati contenderet, eventu tamen prorsus contrario. Hinc enim Nazareni multa passi, praestigiis detectis, divinum Puerum, cujus amore, admiratione, atque oraculis suspensi jam diu teneban-  
tur, Deum tandem agnoscunt. Habes, lector benevole, rudem atque informem designationem poëmatis, quod a personis partim humilibus, partim illustribus, a qui-  
bus res geritur, comico-heroici naturam sumit; unde et stylus utrique formae in unum mixtae attemperari

## **XVIII**

debut. Nec aliud mihi proposui, quam ut amorem erga coelestem Infan-tem ejusque sanctissimam Genitricem carmine insinuarem, deformitatem, odia atque artes Daemonum aperirem, et christianas virtutes allegoriis variis adumbrarem: exemplum secutus Jacobi Sannazarii, Ghelfucii, atque aliorum magni nominis vatum; praesertim vero Hieronymi Vidae, qui jussu duorum Pontificum Leonis X. et Clementis VII. res a Christo domino gestas inventis poëticis epice exornavit.



## **Index argumenti.**

---

### **L i b e r I.**

Thema carminis cum dedicatione (vers. 1—30). Moeror inter Nazaridas Maria matre et Jesu puero absentibus (30—45). Ad fontem in medio pago visa volucris fert fausta omnia cantu (45—64). Jonas camelarius ex Aegypto veniens, nuncius incolumis Pueri sanctaeque Parentis, Nazareth patrium oppidum subit (64—113). Munuscula Mariae sibi commissa Debborae et Susannae defert (113—151). Multa de Jesu puero. et matre narrat (151—306). Post prandium nuptiale rusticum ludi puellares celebrantur: oritur dissidium inter Damarim et Juditham, et miro exitu componitur (306—571).

### **L i b e r II.**

Virgo ex Aegypto redux in itinere ab Angelis convivio excipitur (vers. 1—98). Patrios colles subeuntem vindemiares longe prospiciunt (98—163). Oppidani admoniti obviam exeunt (163—203). Domi Susannae

## **XX**

excipitur; inde paternas aedes subit (203—266). Puero, Matri et seni nutritio felices somni nocturno cantu e coelo devocantur (266—418).

### **L i b e r III.**

Daemon livore concitus bellum adversus Jesum molitur (1—57). Speculatores lemures mentito habitu Nazareth praemittuntur (57—101). Armilustrium in Perside instituitur (101—207). In conventu Nazaraearum matrum praesente Virgine Daemon explorator detegitur (207—279). Deipara ab Angelo monetur, ut secedat cum Puero in desertum Joannis Baptistae (279—301). Castra inferna in montes Abarim descendunt, atque ibi rixa exorta, mox classe aërea delapsa, bacchanal celebratur (301—500).

### **L i b e r IV.**

Deipara cum Jesu puero in vallem Aenonis ad divum Joannem Baptistam profiscitur, et leoni sitienti aquam e puteo haurit (1—61). Puellus densos inter vepres sese occultat (61—84). Paella montana amore Jesu capta eidem ferre osculum a Virgine Matre impetrat, ejusque jussu in fonte se intuens mutatam sibi faciem eamque pulcherrimam stupet (84—289). Maria ad Joannem venit (289—325). Angelus in sinum Abrahae nuncius ad Patres mittitur (325—459).

### **L i b e r V.**

Aves tartareae Virginem in valle cum Joanne Baptista observant, idque in castris nuntiant, et bellum sollicitant (1—42). Deus Pater Angelo mandat, ut coelestem Puerum cum Genitrice in paradysum terrestrem transvehat (42—90). Juditha in somnis ab Angelis armatur adversus hostes (90—127). Describitur iter aëreum in terrestre Elysium (127—255), et clades Daemonum in valle Aenonis (255—517).

**L i b e r VI.**

Elias Thesbites in paradiso terrestri Virginem colloquiis tenet (1—169). Divinus Puer superveniens Matrem rosis coronat (168—206). Sera nocte in palatium revertentibus occurrunt animae sanctorum Patrum (206—283). Aulae maximam subeunt, ubi sacra bella in parietibus descripta cernuntur (283—382). Illic drama ab Angelis exhibetur (382—412), atque iterum sancti hospites curru sublatis Nazareth revehuntur (412—415).

**L i b e r VII.**

Nazareni coelestem Puerum magis in diem admirantur, ejusque subobscuram Divinitatem curiose vestigant (1—129). Jonas camelarius iterum ex Aegypto veniens imminentis infortunii metu oppidanos terret (129—179). Agar peregrina historiam de Engaddi vinetis narrat (179—387), qua audita Alcindus senior afflatu numinis vaticinatur (387—423). Vox interim e coelo labitur, quae prosperum aerumnis ac votis exitum pollicetur (423—435).

**L i b e r VIII.**

Simon magus adhuc adolescens puellam virginem Samariae sacrificat Daemoni, et magicis praestigiis se Dei filium uxoremque Selenen Deam jactans vulgo imponit (1—257). Deipara Virgo et Joseph coelestem puerum orant, ut se manifestet (257—317). Sed vere ineunte dum templum de more adeunt, in reditu Jesum amittunt (317—359). Magus impostor Samaritanos in silvam cogit, quos Selene amore sui et pravis erroribus imbuit (359—399).

**L i b e r IX.**

Oppidani irritō successu et novis infortunis Jesum vestigant (1—148). Tandem Deliparae querelis motus Deus Pater Angelum mittit, qui primum viatoris senis habitu Puerum indicat (148—239), deinde excantatoris praestigias in silva dissipat (239—307). Apostrophe poetae (307—334). Jesus in templo Patribus subobscurē se manifestat (334—459). Denique Matri redditus, in patrium oppidum coelesti comitatu regrediens, a Nazarenis agnoscitur (459—566).





### ***Corrigenda.***

Praef. IV. linea 2 lege iisque. Pag. VII. l. natus XIII. Cal.  
Jan. MDCXLVIII.

Lib. I, 196 lege tantisper.

Lib. I, 263 l. abscondere.


Lib. II, 39 l. populus.

Lib. II, ad v. 100 seqq. l. vectant.

Lib. IV, 8. l. ambo.

Lib. IV, ad v. 11. l. cf. II, 351.

---



# LIBER PRIMUS.

## ARGUMENTUM.

Jonas camelarius ex Aegypto veniens Nazareth patrium oppidum subit. Munuscula Mariae sibi commissa Dehborae ac Susannae defert. Multa de Puero JESU et Matre narrat. Post prandium nuptiale rusticum ludi puellares celebrantur. Oritur dissidium inter Damarim et Juditham, et miro exitu componitur.

~~CAELESTEM~~ Puerum canimus, quem Parthenis alma  
E Phariis retulit terris, mox impia contra  
Tentamenta Erebi, primi genitoris in hortos  
Sustulit aërio in curru, rursumque revexit  
In patrios colles, donec vi turbinis atri 5  
Amissum Solymis improvisoque receptum  
Nazarei agnovere Deum. Tu, candida Mater,  
Visa mihi in somnis inter confinia noctis  
Auroraeque, comam niveis conspersa hyacinthis,  
Caerulea argento et gemmis in veste micante: 10

V. 1. Parthenis a graeco παρθένος, virgo.

V. 2. E Phariis terris i. e. ex Aegypto. Pharaones appellabantur Aegypti reges, quod cognomen fuit dignitatis. Flav. Joseph. antiq. jud. I. VII. c. 6. §. 2. Sive Pharius a Pharo insula, in mari medio ad Aegypti oram sita.

V. 3. Erebus (Έρεβος) fluvius inferorum frequentissime pro ipsa inferorum sede accipitur. Val. Fl. 2, 120.

V. 6. Solyma (orum) i. e. Hierosolyma (Jerusalem), quae metropolis Palaestinae in confiniis tribuum Juda et Benjamin antiquissima aetate Salem et Jebus dicebatur. Ps. 76, 3. Judd. 19, 10.

V. 10. in Edit. Veneta deest.

Tuque, Infans, pariter pulchrae Genitricis in ulnis  
 Visus adesse, rubro sublucens candidus ostro.  
 Vos adeo gemini este duces, cursumque docete  
 Per loca nunc primum Latiis peragrata Camoenis.

O decus Austriacae Gentis, cui subditus Ister 15  
 Thracibus ereptas centum praelabitur arces  
 Pannonia in magna, teneris Mavortius annis.  
 Jam nunc aere puer gaudens, et pulvere campi,  
 AVSTRIADE JOSEPH, si qua est via libera musis,  
 Si quid ab hoste vacat sacri inter tympana Martis, 20  
 Et raucos lituos, nostri quoque murmura plectri  
 Excipe, et invicti Genitoris plausibus adde.  
 Hic quoque bellum ingens horrendaque classica utrinque  
 Instructas acies campis, totumque videbis  
 Conjurare Erebum, atque omnem descendere Olymum. 25  
 Quin et sacrilegus conjuncto foedere praedo  
 Fraudibus insidiisque potens seducere frustra  
 Contendet populos, ausus sese addere Diti,  
 Mentitamque Deam falsumque imponere numen.

Unde egressa adeo series intexta supernis 30  
 Deliciis divum, bellisque alterna, beato

V. 14. Camoena (Camena) Dea italica, quae cantui praeerat. Camoenae et Musae juxta habebantur. Serv. ad Ecl. 3, 59. Hor. Od. 1, 12, 39.

V. 15. Ister allo nomine Danubius dicitur praesertim a fonte usque ad cataractas, quae sunt in montibus Daciae: inde deinceps Istri nomen assumit.

V. 15 — 30 Edit. Dilingana omittit.

V. 17. Pannonia sive Hungaria.

V. 19. Josephus I Leopoldi I Imperatoris Germaniae filius (nat. 1678), Hungariae Rex (1687) et Romanorum (1690) creatus, dignissimus erat, cujus nomen poeta celebraret.

V. 26. Sacrilegus praedo i. e. Simon magus. Cfr. VIII, 18 seqq.

V. 28. Dis et Ditis dictus fuit Pluto, Deus inferorum et divitiarum praeses. Cic. Nat. D. 2, 26.

V. 29. Mentitamque Deam i. e. Helenen (Selenen), de qua infra VIII, 18 seqq.

Eventu clausa, incipiam. Jam tempore longo  
 Orba suo infelix sole, obscurisque relictā  
 In tenebris, luctu squalens moerebat Idume.  
 Nec tantum raptō tenera olim sponsa marito 35  
 Indoluit, nec tot lacrymas, tot taedia, tales  
 Pertulit aegra parens noctes, cui funere acerbo  
 Dilectum ante alios rapuit mors invida natum;  
 Nec dolor est ullus, nec tantus fletus amantum,  
 Quos procul avulsos terra, aut mare separat ingens: 40  
 Quantus erat, Diva Pueroque absentibus, inter  
 Nazaridas moeror: profuga cum Virgine quippe  
 Visus abire omnis risus, decor atque juvena,  
 Nec miseris reditura unquam tam dia voluptas.  
 Fons erat in medio pagi, quo saepe solebat 45  
 Lotrices inter reliquas pulcherrima matrum  
 Panniculos Pueri vitreo torquere fluento,  
 Mox herba in viridi puras distendere ad auras,  
 Huc variis plumis nunquam antea visa volucris  
 Purpurea cervice et versicoloribus aliis 50  
 Venerat e Nilo, parvoque assueverat amni;  
 Frondosaeque sibi tectum delegerat inter  
 Aërios ramos et opacae umbracula fagi.  
 Illa igitur, quoties herboso in margine matres

V. 34. Idume sive Idumaea, regio inter Palaestinam meridionalem et Arabiam, olim a terra Israelis erat distincta, sed tandem facta est Judaeae pars et provincia a Davide primum subacta, post a Joanne Hyrcano recuperata: quam ob rem Idume pro ipsa Palaestina accipitur. Lightfoot Chorograph. Marco praemiss. c. 1.

V. 42. Nazareth urbs Galilaeae inferioris in monte sita. Luc. 4, 29. Profuga cum Virgine. Matth. 2, 13 seqq. Aegyptus in rebus adversis Judaeorum erat confugium. Genes. 46, 6. IV. Regg. 25, 26.

V. 49. Edit. Veneta:

Huc variis dives plumis peregrina volucris

V. 51. Nilus (*Νεῖλος*) notissimus Aegypti fluvius, qui in Aegyptium mare septem ostiis se exonerat. Juven. 13, 26.

Constiterant, propius volitare, et dicere quiddam 55  
 Velle videbatur. Quin flavo ubi vertice longos  
 Siccabant crines per eburnea colla fluentes  
 Ad solem viridi in clivo de more puellae,  
 Illa super secura humeros, supraque volabat  
 Distentos funes, quasi dicere nuncius ales 60  
 Virginibus vellet: „Vidi, quam fletis ademptam,  
 Vivit adhuc, vobisque fero fausta omnia cantu;”  
 Carmina sed volucris non intellecta canebat.  
 Has inter curas jam tertius ibat aprili  
 Florifer annus, et exacta post frigora bruma 65  
 Vitiferi colles, atque herbida prata juventam  
 Induerant, floresque novos, nova germina valles:  
 Cum demum, ut visum superis, e rure Canopi  
 Nazareus Jonas, Solymam qui forte camelos  
 Duxerat, atque Arabum merces, ut vere quotannis 70  
 Sueverat, in patrium divertit mulio pagum  
 Nuncius incolumis Pueri sanctaeque Parentis:  
 Visus ab aethereis descendere sedibus, ipsam  
 Visus et auroram, miserisque reducere solem.  
 Nam laeta ante alias mensis Neomenia primi 75  
 Forte recurrebat, viridique in graminc pagi  
 Turba soluta operum, calamis, conisque salignis  
 Et cursu ludisque aliis intenta vacabat,  
 Cum strepitus inter puerorum et gaudia ruris  
 Ecce! aderat multo respersus pulvere vector 80

V. 68. Canopus (nunc Abukir) civitas Aegypti ad Nili ostium, quod Canopicum (καρωπικὸν στόμα) vocant. Plin. 5, 31, 34.

V. 70. In ea Arabiae parte, quae felix (εὐδαίμων) dicitur, in qua Sabaei populi continentur, balsamum, cassia, tus, sardonix gemma et alia nascuntur. Ezech. 27, 22 sqq. Plin. 12, 30.

V. 75. Neomenia (Νεομηνία) novilunium. Veteres ad lunae cursum menses dirigebant, et a primo novilunii die menses suos auspicabantur. Tertull. adv. Marc. 1, 20

Vespere jam sero: cui conterranea pubes  
 Protinus occurrit clangoribus undique laetis,  
 Obsessumque tenet. Quae fors, quae prospera caeli  
 Vis tulerit, quo atque unde rogant: centum heu procul annos  
 Absentem, patriae oblitumque queruntur. At ille 85  
 Nunc hos, nunc illos veteres complexus amicos,  
 Adsum, inquit, Memphi digressus longa viarum  
 Post spatia, et soles terdenos; vosque salutant  
 Et Maria et Ioseph et pulcher Jesusus: omnes  
 Quos liqui incolumes, et quorum laeta reporto 90  
 Nuncia. Ad haec festus sublatus ad aethera clamor,  
 Arrectique animi, vulgatusque illico rumor:  
 O age, dic, hospes, seriemque ab origine pande.  
 Quid Pharia regione struit pater? Ecqua relictæ  
 Cura domus? Quantum misere expectantibus usque 95  
 Restat adhuc? Fesso nunc parcite; fusius, inquit,  
 Cras, ubi per noctem sopor instauraverit artus,  
 Cuncta renarrabo. Sed non turba anxia matrum  
 Ferre moram, similesque rubis, ederaeque tenaci,  
 Vestibus apprensum votis precibusque fatigant 100  
 Circumfusae omnes: siquidem retinere furentes  
 Laetitia, et differre avidis libamina prima  
 Quis poterat? Tunitru interea ter caerulea nubes  
 Insonuit lacto: mox optatissimus imber,  
 Quem dudum campi sitiebant, murmure leni 105  
 Labitur, insequiturque ater rupto aethere nimbus.  
 Ocyus hac illac profugi cogente procella,  
 Qua via, qua propior domus, et qua densior arbor,

V. 85. Editio Veneta: Absentem patria, oblitumve queruntur.

V. 87. Memphis, sedes Aegypti regia, in loco totius Aegypti opportunissimo sita, ubi Nilus duas divisus in partes literae  $\Delta$  speciem praebet. Diod. Sic. 1, 50 sq.

V. 94. Pharia regione. I, 2. 42.



Corbibus in caput injectis, tectique galeris,  
 Quos cuique ingenium tulerat, succedere tectis 110  
 Agricolae, et clausis nimbos arcere fenestris.  
 Atque ita congressum pluvia, et nox atra diremit.  
 Ast ubi deterseo penitus nitidissima Eoo  
 Mane aurora algens humili de colle refulsit,  
 Convenere senem Susanna et Debbora primae, 115  
 Queis Maria ante alias primis assueverat annis  
 Bimula adhuc, utrique olim discrimine parvo  
 Areolae junctis laribus contermina tecto.  
 Huic illa intextum velamen miserat, illi  
 Niliacam zonam; et gnatis quoque Diva gemellis, 120  
 Utriusque memor, cera de candida eburnum  
 Addiderat dono pupum cum crinibus aureis,  
 Vellere compositum niveo; et de vellere eodem  
 Candidiorem ebore et cynnis adjunxerat agnum.  
 Has senior merces ubi protulit, inter odora 125  
 Cinnama quas secum convexerat: Hoc tibi velum,  
 Susanna; hanc, inquit, Phariam tibi, Debbora, pallam;  
 Atque haec Benoni, haec Vasthi munuscula ferre  
 Commisit Maria, inque sui vos pignus amoris  
 Ista tenere rogat: veniam simul usque precatur, 130  
 Si non plura, exul nempe et paupercula, donat.  
 Obstupuere ambae percussae, et multa volentes  
 Dicere, non illas lacrymae gemitusque sinebant.  
 Mirantur, versantque manu tenuissima lina,  
 Vixque audent digitis contingere cerea summis 135  
 Munera, nec cessant alternis reddere grates.  
 Jamque aliae interea matres, nuptaeque, nurusque,

V. 113. Eous est Lucifer (φωσφόρος), stella Veneris. Cfr. VI, 204.  
 Virg. Georg. I, 288.

V. 120. Niliacus i. q. aegyptius. I, 51.

V. 122. Pupus h. l. imaguncula quaedam speciem pueri tenelli repraesentans.

Longaevique senes aderant, confertaque pubes  
 Plurima; perque manus ibat mirabile textum,  
 Rimanturque opus, atque aditu speculantur ab omni, 140  
 Et varia in luce observant, et cuncta tuendo  
 Expleri nequeunt oculi: atque an pinxerit ipsa  
 Mater acu illa Arabum folia, atque ubi fila reperta  
 Tam varia, et vivus color ille an flos amaranti,  
 An cerasi, an citri; super omnia cereus ille, 145  
 Quem roseis labris, quem reddat populus ore,  
 Lis erat, et strepitu vario sententia discors,  
 Vectoremque adeunt, importunaeque lacefsunt,  
 Passeribus similes, ingenti murmure cum se  
 Vepribus atque ebulis aestivo vespere condunt. 150  
 Haec inter Jonas narrabat mira seorsum  
 Longaevae Thamari atque aliis: Audite puellae,  
 Vos quoque, ait Zelphe; et muliebrem voce susurrum  
 Increpuit Jesse ruris pater. Incipe quaeso,  
 Inquit Abra, historiam rursum mirae arboris, unde 155  
 Penniger ille ater depulsus; penniger, inquam,  
 Ille latens ramis vetus incola. Sic ait, atque  
 Sedibus in junceis matres arcisque salignis  
 Consedere alii, fecitque silentia rursum  
 Bethsabaea manu: tum sic bonus institor. Arbor, 160  
 Dicebam, est ingens prope Memphim, ipsique coeva,  
 Ut perhibent, orbi, inque auras altissima visu  
 Tollitur: immanem truncum vix brachia circum  
 Ducta queant novies passis complectier ulnis.  
 Huic horrens inerat bubo, agrestemque putabat 165

V. 152. Edit. Venet. addit: utque ordo ferebat

Et rerum series, ad casum forte volucris  
 Venerat, abstrusam trunco quam rite colebant  
 Silvicolae Aegypti; puerique adventus eandem  
 Egerat ad stygias umbras. Audite puellae,  
 Vos quoque...

Gens ignara deum: dubiis hinc omina rebus  
 Poscere, perfusasque mero cum lacte solebant  
 Porgere primitias frugum, solemnia dona.  
 Forte dies aderat, qua simplex turba quotannis  
 Ad liquidum fontem, fatalis cui super arbor 170  
 Imminet, exercet ludos, epulisque peractis,  
 Obscoeni nemoris velatus tempora circum  
 Deciduis foliis, responsa expectat aruspex.  
 At non e ramis, ut pridem, audirier ales  
 Incola, nec precibus, nec donis flectier ullis. 175  
 Adduxere nigrum mactandum rite juvencum,  
 Instaurantque epulas. Tum vero emissus ab orno  
 Feralis gemitus, voxque exaudita per auras:  
 Me puer Hebraeus, cui tellus astraque subsunt  
 Imperio, huc veniens migrare in Tartara cogit. 180  
 Diriguere metu, et circum tremere omnia visa,  
 Mox nido exhalare niger vapor, inde repente  
 Tartareus volucer coram se sustulit alis  
 Horrendus visu. Ter pennis circuit atris  
 Antiquam sedem; ter summis sidere ramis 185  
 Conatus, rauco ter cum stridore relapsus:  
 Inde fugit, sequiturque fugam foedissimus imber  
 Grandine commixtus; tum glebae, et grandia saxa  
 Conjecta in pateras, revolutaque pocula mensis.  
 Illico diffugiunt, metus et pavor omnia turbant, 190  
 Solemnesque dapes, infectaque sacra relinquunt.  
 Substitit hic senior paulum, interfataque Dina est:  
 Quis puer ille autem, stygius quem dixerat ales?  
 Nunc sequar (hospes ait) siccis permittite labris,  
 (Nam crudis caepis vox aspera faucibus haesit) 195

V. 172. Obscoeni. Ed. Veneta: frondosi.

V. 192. Edit. Venet. I. prodire pro exhalare.

V. 193. Stygius. III. 112.

Tantisper liquido verba irrorare lyaeo.  
 Sic ait, appositoque mero, ut gens prisca solebat,  
 Implevit pateram, manibusque utrinque prehensam  
 (Quod felix, socii, faustumque sit omnibus) hausit,  
 Bisque interruptis sinceris laudibus haustum, 200  
 Inversaue manu barbam, atque ora hispida tersit.  
 Adjecere animos rursum; sic ille secutus.  
 Ecce autem, postquam bis tertia fulserat Eos,  
 Ecce, inquam, Jessaea Parens, complexa puellum  
 Intortum pannis, deserta per avia parvum 205  
 Ferre videbatur tenera inter brachia solem.  
 Bisgemini anteibant juvenes, atque alter eunti  
 Signat iter, prensasque manu regit alter habenas.  
 Aestus erat, medioque dies altissima Olympo,  
 Et lassus senior conjux deponere in herba 210  
 Jamdudum optabat fessum latus, aeger anhelus,  
 Atque oculis circum lustrabat, sicubi rivus,  
 Aut usquam tecta ulla forent, cum rustica forte  
 Filia messoris veniens e rure puella  
 Monstravit fontem, et prope fontem umbracula densae 215  
 Arboris (haec erat illa arbor, quam diximus) atque hic  
 Sarcinulas posuit pater, atque e margine prona  
 Cervice hausit aquam gelidam; et qua purior algens  
 Manabat similis vitro liquidissimus amnis,  
 Fagineam implevit scutulam, uxoriue sedenti 220  
 Optantique tulit; consuetos scilicet haustus,  
 Queis exosa merum teneris assuevit ab annis.  
 Interea fessi dum puri ad murmura fontis

V. 196. Lyaeus. VI. 54.

V. 204. Jessaea Parens. Jesse (Jessai, Jsai) pater Davidis. I. Sam. 16, 1. 11. Maria erat e familia David. Matth. 1, 5. 6. Luc. 3, 32.

V. 209. Olympus. IV. 92.

V. 211. Aeger anhelus. Edit. Venet. legit.: aegraue membra.

Respirant paulum, dum lenia frigora captant;  
 Ex improvise (dictu mirabile) mota 225  
 Inclinari arbos a tergo; et flectere summa  
 Culmina, detortis invertens brachia truncis:  
 Quod simul ac sensit, (nam pronis frondibus ipsos  
 Jam Mariae attigerat crines et mollia colla)  
 Extimuit subito, pressitque ad pectora natum, 230  
 Conversisque repente oculis suspexit opaci  
 Obsequium nemoris, stupuitque tenerrima mater.  
 Nec satis. E curvis ramis nata illico poma  
 Sponte cadunt, pars ante pedes, pars gramen in altum,  
 Pars in stagna, sinusque intergremiumque resultant. 235  
 Improvisum imbrem venientem suspicit ipse  
 Percussus quadrupes, atque ictas concutit aures.  
 Ipsa manu dein casta parens acclinis ad undam  
 Fasciolas pueri lavit, traxitque salubrem  
 Contactu ex illo vim postea vitreus amnis, 240  
 Unde sacro tacti igne bibunt, aegrique cameli,  
 Et laesi jaculis abstergunt vulnera cervi.  
 Haec mihi narrabat Joseph: namque ipsa roganti,  
 Quo fugiat, pudibunda parens tegit omnia risu.  
 „O quae mira, hospes, memoras! Quo deinde puella, 245  
 „Quo gressus peregrina tulit? namque abdita prorsus  
 „Nunquam alias audita refers.“ „Procul, inquit Jonas,  
 „Excepit Memphis, Memphis cui moenia centum  
 „Circum errant stadiis, aeratis undique portis  
 „Pervia, pensilibusque hortis, et turribus, inter 250  
 „Niliacas urbes, terris celeberrima Eois.  
 „Hic vero exulibus nostris conducta prope amnem  
 „Aedicula extra urbem lactissima; namque fenestris  
 „E geminis Nilum, supraque infraque meantes  
 „Prospiciunt toto amne rates, solatia fessae

„Interdum nuptae, quae sola, et cognita paucis  
 „Interiora domus servat.“ „Sed quis labor olli?  
 „Quo vitam infelix tolerat tot saucia curis?“  
 „Nempe manu industri, digitisque intenta laborat,  
 „Pingit acu, pictasque stupet vicinia telas. 260  
 „Haec chlamys, hoc peplum Mariae labor est; puer iste  
 „Cereus ejusdem pariter labor. „Hinc,“ Berenice,  
 „Teque tuosque potes Phrygios absondere flores;  
 „Aspice quos flores pingit Jesseia.“ „Jam quid  
 „De puero JESU narras? Grandiusculus ille 265  
 „Creverit, aequaevo venturus namque december  
 „Quartam hiemem Benoni addet: quid jam ille tenellis  
 „Incipit enodare labris? Quae gratia dictis?  
 „Quid senior conjux? Ecquando in patria tecta  
 „(Nam quid adhuc metuit?) gnatum uxoremque  
 reducet?“ 270

Hic bonus illacrymans hospes plorantia tersit  
 Ora oculosque, manusque ad sidera sustulit ambas.  
 „Delicium nostrum puer ille est, ipsaque mater  
 „Transtulit e gremio saepe in mea brachia, sed non  
 „Oscula ferre genis potui unquam, nam sacer obstat 275  
 „Continuo pavor, et pulchri reverentia vultus.  
 „Ille mihi curas vultu aspectuque serenat.  
 „O belli crines! o labra corallina! Vellem  
 „Audires, Susanna, semel cum matre loquentem:  
 „Audiui ipse semel, nec possum audita referre.“ 280  
 „Certe aliquid plusquam mortale est pupulus ille,  
 „Et dixi toties, Maria, hic puer, hic tuus infans

V. 259. Formam industris apud Veteres fuisse putamus. Cfr. Doederlein Synon. T. I. p. 130.

V. 263. Phrygia, Asiae minoris regio, orientem versus ad Sangarium fluvium sita. Phrygii flores i. e. arte Phrygum acu picti. Virg. Aen. 3, 483.

V. 281. Ed. Venet. habet: ille puellus.

„Non est, quem caecum vulgus putat esse: fatere,  
 „Altior est illi quam sit mortalis origo,  
 „Tuque haec mira siles, sed et ipsa silentia nosco. 285  
 „Tum pater: Audite hoc, Memphi quod nuper in horto  
 „Contigit, et nostris sit meta haec ultima dictis.  
 „Venerat alma parens Phariae molitricis in aedes,  
 „Hortus ubi exiguus fuerat; sed frigore nondum  
 „Exacto nec dum rupto se prodere primum 290  
 „Folliculo, quos fagineis servabat in urnis,  
 „Audebant flores, caryophila pleraque, pictae  
 „Hesperides, nasturcia sera, rosaeque Damasci.  
 „Illa tamen puero optanti decerpserat unum,  
 „Cui calycis scissi e rima jam coccina vestis 295  
 „Exibat distincta croco. Pulcherrimus infans  
 „Ut tenuit, risit paulum; (mirabile dictu!)  
 „Flosculus ipse etiam risit, nexusque virentes  
 „Rupit, et explicuit sese; exemplumque secuta  
 „Caetera turba etiam pictis caput extulit urnis. 300  
 „At caepae quotquot fuerant, atque allia in horto  
 „Continuo traxere luem, morboque peremptis  
 „Successere alii frutices, flosque aureus inter  
 „Purpureos reliquos, cui crux et tristia quaedam  
 „Symbola, malleoli in foliis, et virgea flagra.“ 305

Talia narrabat cunctis mirantibus hospes:

Nec finis fandi, tot millia poscere rerum  
 Instat adhuc denso circumfusa agmine turba,  
 Effugiumque vetant. „Satis est: permittite jam nunc,  
 „Ut pagum, et patrios agros atque arva revisam; 310  
 „Namque diu hunc haustum puri aetheris exul anhelō.  
 Sic ait, atque iterum in pateram reliqua amphora versa est,

V. 288. Pharius. I, 2.

V. 292. Edit. Venet. pro caryophila (καρυόφυλλα) emendans legit colocasia.

Libavitque merum pleno tibi, Partheni, vitro.  
 Inde domo egressus circum ibat florida rura,  
 Vitiferos laudans colles auramque salubrem. 315  
 Donec longaevi ventum est Simeonis in hortum,  
 Nupta ubi Bethlaeo juveni pulcherrima Elisa  
 Traxerat agrestem festa ad convivia turbam.  
 Mensa ibi structa ingens sub opaco tegmine lauri,  
 Impositaeque super lances metretaque nigro 320  
 Stannea plena mero, et similis Phario obelisco  
 Caseus in medio, atque anates, fumantiaque exta,  
 Convivaeque boni circum, puerique operaeque,  
 Messoresque, viri, nuptae, innuptaeque puellae.  
 In medio Jonas pater in cathedra abiecta, 325  
 Thoraca exutus, geminos interque molossos  
 Iura dabat. Non hic famuli, nec inutile pondus  
 Argenti, et vanae lites cui debita primum  
 Ante dapes manibus lymphæ, et subsellia circum  
 Bellum importunum qui prima in sede locandus, 330  
 Quive locus princeps; nec dignior expectandus  
 Qui bibat ante alios, totque inter fercula tricae,  
 Juscula, pulticulae, pastilli, et glutina rerum:  
 Sed quales natura dapes creat, atque labore  
 Empta fames, vultusque boni, et super omnia curis 335  
 Libera mens, qua pauperiem clementia Divum  
 Temperat, humanis ex aequo provida rebus.  
 Talibus ergo diem solemnem turba trahebat.  
 Interca Virgo et Pharia regione Puellus,  
 Absentes quamvis, disjunctique aethere longe, 340  
 Gaudia sincera, atque animos, atque otia pagi  
 Laeta vident: utque alma suum tunc forte gerebat  
 Infantem gremio complexa, utque ambo vicissim

V. 317. Bethlaeus. Cfr. VII, 231.

V. 326. Molossos sc. canes. Virg. Georg. 3, 403.



Muneribus super et dictis, atque hospite Jona  
 Plurima contulerant, roseo sic ore locuta est: 345  
 „Alme Puer (paulumque metu, non ausa fateri,  
 Continuit se: mox iterum formidine pulsa  
 Institit) „alme Puer, tua si mihi certa voluntas,  
 „Pulchrum aliquid caeleste hodie permittere nostris  
 „Agricolis inter solatia rustica vellem; 350  
 „Idque rogo, et meruere boni. Jam tempore longo  
 „Quae miseros nobis absentibus aegra fatiget  
 „Cura laborque, vides. Quid si manifestus uterque  
 „Laetitiae et ludo intentis, dum gaudia fervent,  
 „(Idque potes nutu) coram improvisus adesset? 355  
 „Quae tibi mens? quid ais, pulcherrime?“ Dixerat. Olli  
 Dius amor (quid enim matri neget?) ardua quamvis  
 Grandiaque, atque insueta poposcerat, ore sereno  
 Annuat: atque diem festum, et bona gaudia ruris  
 Claudere successu libuit genialia miro. 360  
 Assensit coelo Genitor quoque summus ab alto,  
 Altius hinc orsus quae post memoranda canemus:  
 Inventusque modus, condictaque tempora, lusus  
 Agrestes inter, sero post prandia sole:  
 Tantus amor patriae, atque absente in Virgine cura. 365  
 Iam virides ergo platani majoribus umbris  
 Undique opacarant hortum: tres circiter horae  
 Restabant siquidem solis, fusique per herbam,  
 Aggestasque trabes super, et sub vitibus altis  
 Agricolae pransi jam dudum taedia ventris 370  
 Distenti inter se vario sermone levabant.  
 Cum senior juvenes lentos in terga jacentes

V. 345. Edit. Veneta: Plurima contulerant, sic Parthenis ore locuta:

V. 349. Edit. Veneta: Pulchrum aliquid nostris hodie permittere, si fas,

V. 358. Edit. Veneta: Illa quidem pro: Grandiaque.

V. 359. Edit. Venet. pro bona gaudia l. convivia.

V. 368. Edit. Veneta: Restabant solis, fusique hinc inde per herbam,

Increpuit dictis pater Ammon: Oh quid inertes,  
 Ut pasti saturique boves in stramine fusi,  
 Tamdiu, ait, segnes horas consumitis? io! 375  
 Macti animis, pueri, deterosa oscedine, ludo,  
 Dum vacat, hoc reliquum traducite; surge, age, Laban,  
 Surge, Joas piger, heus! ohe! Simul Abra puellas  
 Parte alia hortari, atque omnem undique cogere pubem,  
 Nomine quamque vocans: Esther, Sulamitis, Elisa, 380  
 Ad ludum: ludo pulcherrima praemia victrix,  
 Quae socias pedibus praeverterit optima, habebit.  
 Continuo succensi animi, atque arrecta juvenus.  
 Convenere omnes. Tumulo Susanna virenti  
 Explicuit manibus velum, quod miserat alma 385  
 Parthenis, hesternum munus. Quae vicerit, inquit,  
 Hoc Mariae peplo cingat sibi tempora, sed dein  
 Restituat post tres soles memor, atque rosarum  
 Dona dabo innexam philyra violisque coronam.  
 Inde alium, juvenes, ludum celebrabitis; ipse 390  
 Praemia, ait Jonas, victori pocula servo,  
 Pocula plena mero. Praecedite rite, puellae.  
 His dictis festus sublatus clamor ad auras,  
 Injectusque alacris furor, et nova gaudia cunctis.  
 Pratum erat, et salices inter longissima visu 395  
 Semita lata virens, longeque erecta sub auras  
 Silvestris morus, cui quae prior oscula ferret,  
 Atque manu viridem ramum divelleret, illa  
 (Sic statuunt) roseum sertum et velamen haberet.  
 Ergo locis pariter captis Alphaeus utrisque 400  
 Percussis manibus signum dedit. Illicet omnes  
 Effugiunt nimbo similes, studiisque juvenus

V. 382. Edit. Veneta: Quae socias cursu valeat praevertere, habebit.

V. 394. Edit. Venet. pro. alacris l. alacer.

V. 396. Edit. Venet. pro lata l. utrinque.

Instigat variis: urge vestigia, Rachel,  
 Te Damaris propior jam jam tenet: Hei mihi! rhamnus  
 Vestibus implicitus; Zambrim fuge, Dina, sequentem: 405  
 Perge alacris Juditha prior. Sonat undique laeto  
 Circumjectus ager strepitu, vocesque per auras  
 Congeminat nemorosa echo. Verum omnia pastor,  
 Pastor amans Nymphae, nimiaque cupidine flagrans  
 Turbavit Daniel ausis agrestibus. Ille 410  
 Juditham sibi promissam, qua pulchrior ulla  
 Non erat aequali in coetu, praecedere cursu  
 Ardebat; studiisque et nisu corporis omni  
 Incumbens, votis oculisque impellere euntem  
 Instabat; sed postquam ultra perducere posse 415  
 Non aliter videt, heu! Damari nil tale timenti,  
 Heu lassae, quae jam metam prope anhela tenebat,  
 Vicino e rivo faciem vestemque capillosque  
 Irroravit aqua, et festum maculavit amictum  
 Reticulumque, et syrma novum, calceosque nivales. 420  
 Illa furens animis sorbum, quod forte gerebat,  
 Conjicit in caput invisum toto impete, multa  
 Vociferans, oneratque probris, et fuste reperto  
 Nequicquam insequitur: dumque iras luctibus explet  
 Femineis; raptum interea Juditha redibat 425  
 Ostentans manibus ramum. Non liber habenis,  
 Effusisque jubeis tanto redit impete victor  
 E stadio Massylus equus, plausu incitus, ardens,  
 Ut campos fugiens nivcis quatit illa cothurnis,  
 Crinibus in ventum sparsis. Sed virgo secuta 430  
 Aemula par zephyris, et denique crine prehensam  
 Injectaque utraque manu tenet, atque virentes

V. 410. Edit. Veneta: Turbavit Daniel. Hic primo in flore juventae

V. 422. Edit. Venet. legit: Conjicit in tergum fugientis plurima frustra

V. 428. Edit. Veneta: E stadio Massylus equus, non Parthica arundo,

Multa reluctanti frondes rapit; inde citato  
 Ipsa prior cursu redit, et sibi debita dona  
 In medio coetu exclamat, sparsique recentes 435  
 Deplorat maculas rivi. Sed et altera plorans  
 Sublatum repetit ramum, atque humeralia scissa,  
 Et laceras queritur vittas: atque hinc pater Ammon,  
 Inde utramque bonus dictis compescere Jonas.  
 Quin et ridiculus Nabal se gutture pingui 440  
 Arbiter in medio statuit; quem plurima fantem,  
 Qua peponi agresti par struma excreverat ingens,  
 Ambabus Damaris repulit facto impete palmis.  
 Labitur ille putre in stagnum resupinus, ut ipso  
 Margine constiterat lubrico. Risere cadentem, 445  
 Nec sese tenuit Juditha, nec altera, coeno  
 Ut videre atro emergentem, quē excita circum  
 Turba canum insequitur lutulentum, et, qua fugit, anser,  
 Atque anates raucis quatiunt clangoribus alas.  
 Hinc paulum sopiti ignes, et fractior ira: 450  
 Mitior hinc animis furor, et pax deinde secuta.  
 Concordes junxere manus, et foedere justo  
 Res ita composita, ut victrix Juditha referret  
 Praemia: sed moestae Damari promisit in aurem  
 Debbora partheniam chlamydem solatia victae. 455  
 Sed non hic finis. Lis altera deinde secuta,  
 Inque repentinum subito versa omnia luctum.  
 Stabant intentae matres, et virginis auream  
 Cervicem textis ornabant floribus. Illa  
 Namque acubus fixis accommodat; altera subtus 460

V. 445. Edit. Venet. pro lubrico l. propior.

V. 458. seqq. Edit. Veneta:

Stabant intentae matres, et virginis una  
 Circum omnes textis cingebant tempora flore.  
 Illa acubus...

Virgineum peplum nōdo implicat; altera flavos  
 Educit crines; haec denique corrigit omnia,  
 Atque aliter crines et velum et sēta reponit  
 Florea: nec finis tricis muliebribus. Ast heu!  
 Heu Daniel miser! heu miserae qui praemia nuper 465  
 Abstuleras Damari! Nunc sacro denique velo  
 Clausa, inter veluti nimbos argentea luna,  
 Ut stetit in medio tua Judith compta amarantis,  
 Et vernis redimita rosis; heu nox tua Judith  
 Amplius, heu sponsum, heu thalamos aversa repente, 470  
 Et tedas exosa fugit, pactosque hymenaeos,  
 Conjugiumque palam, et veteres detrectat amores.  
 Nequicquam mater, nequicquam caetera turba,  
 Atque avia, atque soror dictis lenire furentem:  
 O gnata, o miserae dolor, et spes vana parentis! 475  
 Unde odia? unde irae? et subita haec insania mentis?  
 Ipse amens pastor flens, atque in genua volutus  
 Crimina scitari lacrimans, veniamque precari.  
 Aspera sed virgo, dictis haud mollibus, alto  
 Abnuit ore minax: quantumque miserrimus ille 480  
 Obsequiis ambit, tantum illa ferocius arcet.  
 Dein versa ad matrem, thalami jam desere curas  
 Hinc, ait, o genitrix, lacrimisque absiste precari;  
 Nam mihi Carmeli sacra inter culmina florem  
 Virgineum, atque aevi illaesum servare pudorem 485  
 Est votum: hanc certam injiciunt mihi sidera mentem.

---

V. 465. Edit. Venet. pro heu miserae l. immeritae.

V. 470. Edit. Venet. pro heu thalamos l. thalamosque.

V. 476. Edit. Venet. pro et subita haec l. subitaeque.

V. 494. Carmelus Palaestinae promontorium ad meridiem Ptolemaidis Eliae prophetae commoratione celebratum, in quo complures cavernae inveniuntur, in quas nullo non tempore solitarii se receperunt. Amos 9, 2. I. Regg. 18, 19 seqq. II Regg. 2, 25. c. 4, 25.

Tum vero infelix sponsus quatiens pede terram,  
 Et scissa endromide et chlamyde, abjectoque galero,  
 Ingratam, immemorem, infidam, agrestemque vocare,  
 Premia cui ludo victae nil tale merenti 490

Heu demens tulerat: nunc donis nempe superba  
 Promissos fugit illa toros. Furit improbus amens,  
 Et nisi vi teneant conantem solvere capta  
 Brachia, forte ruat praeceps moriturus in amnem,  
 Aut sanctum properet manibus rescindere textum: 495  
 Tantus agit caecam furor et vesania mentem.

At non passa diu tristes mitissima Mater,  
 Nec donis turbare suis solatia ruris.  
 Audiat haec, exosa domum, siqua innuba virgo  
 Nubere caelesti sponso velit: audiat illa 500  
 Cui thalamo felix, cui sese obstringat amanti.

Forte in secessu viridi, dum talia fervent,  
 Tres pueri teneri atque boni, qua carpinus ingens  
 Floruerat, summo speculati in vertice nidum  
 Lusciniae jactis glebis saxisque per auras 405  
 Dejicere instabant; parvis tamen irritus omnis  
 Jamdudum conatus erat: cum visa repente  
 E latebris silvae ante oculos pulcherrima imago,  
 Incessu prorsus gestuque habituque Maria.  
 Illa erat, illa manu Puerum de more trahebat; 510  
 Seu visa in speciem tantum, seu vecta per auras  
 (Quidquid id est) medio coram nitidissima luco  
 Substitit, arridensque suo de more locuta:  
 „O pueri, teneros haud fas convellere nidos,

V. 492. Edit. Venet. pro amens l. ira.

V. 503. seqq. Edit. Veneta:

Tres pueri summo speculati in vertice nidum  
 Lusciniae appensum ramis, qua carpinus ingens  
 Floruerat, jactis glebis saxisque per auras

Atque suos miserae matri subducere foetus, 515  
 Quos illa instruit ad cantus; nam deinde solutis  
 Illi etiam linguis, cantu nemora avia mulcent."  
 Huc, ait, et positis saxis accedere coram  
 Improbulos, coenoque manus abstergere jussit;  
 Eduxitque sinu tria persica, et oscula rite 520  
 Ferre prius manibus docuit; primumque Manassi,  
 Tum Jonathae, Phineique dedit: dein jam fugientes  
 Acceptis donis, cupidos ostendere, rursum  
 Ad sese revocat, prohibensque ea laedere morsu,  
 Ferre intacta jubet: Vestris 'et matribus, inquit, 525  
 Si vos forte rogent, Maria haec Jesseia nobis,  
 Dicite, dona dedit; gravibus jam libera curis  
 Huc reditura brevi. Memores hoc deinde tenete:  
 Dicite Juditham mihi servent, quam meus Infans  
 Vult castis thalamis jam nunc sibi nubere Jesus. 530  
 Audistis? Juditha meo desponsa Puello est:  
 Hic meus, hanc, inquam, sibi nuptam destinat Infans.  
 Sic instat, nomenque iterum, et mandata reposcit,  
 Ut memores servent, recitentque fideliter omnia;  
 Et plaesas voces, semesaque dicta reformat. 535  
 Tantaque simplicitas erat, ut jam ferre docentem  
 Praecupidi haud possent: Ite ocius, ite, puelli.  
 Ocius exiguos per culta virentia gressus  
 Accelerant laeti; procul et clamoribus altis  
 Donam manu ostentant: Maria haec pulcherrima donat: 540  
 Mirantesque adeunt matres, gremiisque reponunt,  
 Et Mariam quandam, haud sibi notam, haec pulchra dedisse  
 Munera. Ubi? qualis? quaenam? rogat undique circum  
 Anxia turba. Illi vestes describere et ora,

---

V. 515. Edit. Veneta:

Atque suos matri per vim subducere foetus.

V. 536. Jesseia. I, 204.

Et digitis monstrare locum, et promittere certos 545  
 Quamprimum in patriam reditus; atque insuper addunt  
 Juditham Jesu desponsam, hanc nubere certis  
 Promissis Puero. Tum facta silentia linguis,  
 Injectusque pavor, sopitaque jurgia amantum,  
 Illico deproperant certatim e colle virenti 550  
 Praecipites, ducibus pueris. Ubi vero? ubi visa?  
 Solliciti intentique rogant. Illi omnia circum  
 Vestigare oculis: Hic primum objecta Manassi,  
 Hic erat. Ast illic jam fons argenteus unda  
 Stagnabat vitrea; violaeque, rosaeque marinae 555  
 (Sic Itali appellant albas) cernuntur in herba.  
 Illa tamen nec per salices quaesita, nec inter  
 Pineta et larices, iterumque iterumque vocata  
 Ulli usquam responsa dabat. Viden', Ismaris, illam!  
 Eccilla! At subito ex oculis eyanuit; at mox 560  
 Visa iterum tilia super alta: at visa refugit.  
 En rursum in stagno! Rachelis sed fuit error;  
 Namque erat in nube, et vitreo apparebat in amne  
 Nec deinde ulterius visa ulli. At territi agrestes  
 Collectis cedris silvestribus atque ligustris 565  
 Juditham Jesu desponsam rite sacrabant,  
 Ignari quanto se nomine tollet ad astra  
 Bellatrix quondam; quantum feret ardua palmas  
 Juditham super antiquam; quaeque inclita rerum  
 Hinc series oritura ingens, Jesseia postquam 570  
 Parthenis in patrios remigraverit alma penates.

V. 569. Juditham super antiquam scil. filiam Merari celebrem ob liberatam, quam Holofernes obsidebat, Bethuliam. Cfr. lib. Judith.

V. 570. Jesseia. Cfr. lib. I, 304.





# LIBER SECUNDUS.

---

## ARGUMENTUM.

Virgo ex Aegypto redux in itinere ab Angelis convivio excipitur. Patrios colles subeuntem vindemiatores longe prospiciunt. Oppidani admoniti obviam exeunt. Domi Susannae excipitur; inde paternas aedes subit. Puero, Matri, et seni nutritio felices somni nocturno cantu e coelo devocantur.

Candida jam coelo reparabat cornua Phoebe,  
Spiciferamque manum radianti proxima soli  
Erigone stellis gemmatam absconderat axe,  
Cum laeti auguriis tandem caelestibus almae  
Nazarii adventum Divae sensere propinquum. 5  
Scilicet haec illis reditus certissima signa  
Discedens dederat Jonas: Tria lilia quando  
In Mariae specula niveum de cespite florem  
Protulerint, coelo lunas exinde recentes  
Observe, inquit; bistertia namque reducet. 10  
Lilia vernerant, bis tertia lunaque primum  
Clara inter roseas visa est argentea nubes.

Et jam Diva Parens Mareotica regna relinquens  
Caelesti monitu, saevi post fata tyranni,

- 
- V. 1. Phoebe (Diana) soror Apollinis sive Solis, i. e. Luna. Virg. Georg. I, 431.  
V. 3. Erigone sidus, quod Virginis appellatur. Hyg. fab. 130 et 254. Apollod. III, 14. 7.  
V. 13. Mareotica regna. In Aegypto erat Marea s. Mareotis lacus: inde Mareoticus idem quod Aegyptius.  
V. 14. Caelesti monitu. Matth. 2, 19.
-

Cum sene cumque suo tandem expectata Puello, 15  
 Nazareos laeta in colles atque arva redibat.  
 Olli puniceis interflaventibus ambit  
 Texta umbella comas paleis, et tempora inumbrat,  
 Coccina quam propius substringit taenia nexu:  
 Obliqua ex humero descendit janthina zona, 20  
 Qualem fusca genas et multo torrida sole  
 Singario veniens e pago Aegyptia mater  
 Ferre solet: niveos cyclas tegit ima cothurnos:  
 Fraena regens senior custos it praevius: ipsa  
 Foemineum in morem vehitur, nigrosque capillos 25  
 In spiram tortos mundissima lina coercent.  
 Silva fuit tamarice virens elatisque recurvis  
 Palmarum, torto qua scrupea calle nitentem  
 Exigui laticis ducebat glarea venam.  
 Haud procul inde Cison it campis murmure rauco, 30  
 Praetextus glaucis cannis limoque palustri,  
 Laeta Palaestinae per pingua culta volutus.  
 Hic fluvii haud procul a ripa sub colle virenti  
 Biseni alati juvenes nemus inter opacum  
 Floriferam mensam secreta in valle pararant 35  
 Parthenidi et nato: opportunaque tempora nacti  
 Ramorum e latebris laeto clamore repente  
 Erupere. Dolos timuit deprensa viatrix  
 Extemplo: risit caelestis Populus: ipse  
 Improvisum epulum, senior, distentaque in herbis 40  
 Candida lina stupes. Circumfusi undique ephebi,  
 Pars onere infantis longo relevare parentem,  
 Quadrupedis pars fraena manu prensare fugacis,

V. 22. Singara (orum) urbs Mesopotamiae in ripa Tigris. Plin. 5, 24,

V. 30. Cison (Κισών, hodie Mokata, Mekatta) Palaestinae torrens, qui in vallem Esdrelon, ac deinde ad Acci (Ptolemaidis, St. Jean d'Acre) portum in mare medium defluit. Judd. 4, 12 — 14. c. 3, 19. 21.

Sarcinulas servare alii. Mitissima Virgo  
 Officiosa queri, superum se fraude petitam, 45  
 Se circumventam; simul interiora subibat  
 Frondentis silvae, qua subterlabitur alnis  
 Hinc atque hinc torrens. Illic gratissima lassis  
 Parta quies paulum, et viridi mora dulcis in umbra.  
 Crinibus alludunt Zephyri, strepit undique pennis 50  
 Pictarum volucrum festus chorus, anthuli, alaudae,  
 Ardeolaeque, canarinique. At rite ministri  
 Dant manibus limphas; alii mantilia tonsis  
 Expediunt villis: alii cerealia liba,  
 Mora, oleasque ferunt. Magno prius alma Parenti 55  
 Attollens oculos purasque ad sidera palmas  
 Libabat Regina dapes: quas ordine pulchro  
 In niveo alabastrite, inspersis amarantis  
 Desuper effusisque crocis et amaraco odoro,  
 Imponunt famuli, lac pressum, cerea pruna, 60  
 Et mella, atque suis adopertas frondibus uvas.  
 Haec cernens limis oculis terterrimus Orci  
 Rumpitur invidia genius malus. Inter amoenae  
 Anfractus vallis procul observarat euntes  
 Jampridem scopulos circum, et juga celsa pererrans 65  
 Capripedi Satyro similis: nunc anxius amens  
 Circum ibat nemus, ut mensam qui olfecit herilem  
 Villosus canis, at metuens oleagina tergo  
 Verbera, stratus humi lances patinasque tuetur,  
 Hinc atque hinc mota fallens jejunia cauda: 70  
 Haud aliter Stygius lustrabat singula gurgis,

V. 45. Superum scil. Daemonum. In epistola ad Ephes. 2, 2. Diabolus  
 (Satanas) quodammodo in aëre dominatur, et in inferiores daemones  
 principatum exercet.

V. 59. Edit. Veneta:

Effusisque crocis, adianto et amaraco odoro,

Exertans oculos, nunc hac, nunc pervagus illac.  
 Audit ebur pulsasque fides, ceu bubo, canoras,  
 Ante ortum solis collectis horridus alis,  
 Contemplatur aves: audit, mortalibus arces 75  
 Sidereas, legio unde olim dejecta rebellis,  
 Servari, his patrias sedes, his regna parari;  
 Intenditque animos, arrectisque auribus adstat.  
 At circum erranti et per ramos cuncta tuenti  
 A tergo alatus fidicen cornu inter utrumque 80  
 Barbiton infregit medium, quod forte gerebat:  
 Nam tibi quo, petulans, aditus? ten', lurida pestis,  
 Huc inferre? Apage hinc citius procul, heluo. Vento  
 Ocior ille fuga pedibus quatit arva bisulcis,  
 Tuta petens; summi scandentemque ardua montis 85  
 Cernere erat pavidum, celsa de rupe tuentem,  
 Atque utraque manu plagam cervice tegentem.

Inde iter ingressi accelerant. Strepit aethere aperto  
 Laeta phalanx, pennisque supervolat, arvaeque inumbrat.  
 Pars florum manibus plenis effundere nimbos 90  
 Virginis alba super velamina: pars pedes ire:  
 Ille equitat croceas nubes, hic cruribus exit  
 E mediis nebulis, hic summis prominet alis:  
 Mille alii variis nectuntur in aëre nodis.  
 Sic peregre incedens patriis pulcherrima campis 95  
 Virgo propinquabat, vultu allatura beato  
 Solem improvisum insperataque gaudia ruri.

Tempus erat, quo laeta novo gens munere terrae,  
 Grandinis atque austri immunem illaesumque pruina  
 Frugiferis e vinetis in rustica tecta 400

V. 73 — V. 78 incl. in Edit. Venet. non leguntur.

V. 100 seqq. Editio Venet. legit:

Autumnus plaustris, et sera legumina vertant

Frugiferis e vinetis in rustica tecta.

Jamque fere medio octobri vindemia circum

Convehit autumnum plaustris ingentibus. Et jam  
 Plus medio, ut solet, octobri vindemia ferme  
 Exacta in campis fuerat: restabat apricus  
 Azariae collis, quo se gens rustica brochis  
 Atque uncis tulerat cultris, confertaque passim 105  
 Vimina erant nigris uvis: sonat omnis agresti  
 Laetitia et cantu clivus. Cum raucus arator  
 Auditus procul e sulcis intendere vocem  
 Ingentem, et monstrare manu quiddam eminus: Heus o!  
 Vos, inquit, Mariae redeunti occurrите; namque hic 110  
 Bos cornu petit, et nequeo discedere. Sed vox  
 Tam procul audiri haud poterat, frustra per auras  
 Itque reditque idem venoso e gutture clamor.  
 At Jerichunta emensa oculis late undique campos,  
 Atque arcens manibus phoebea spicula utrisque, 115  
 Per callem exiguum vix multo in lumine solis  
 Agnovit reduces, intentoque indice matri  
 Monstravit Zebidae, haec Miriae atque Orphae, Orphaque  
 Osiae,  
 Atque hic Romeliae, haec Liae (sed non tamen illam  
 Credere vult Jonathas): „illa est, illa, inquit Elisa, 120  
 Quam te ego praesentem video.“ „Quo pignore certas?“  
 „Quo tu cunque velis:“ signabatque indice certo,  
 Nec jam amens animo poterat, nec colle teneri.  
 Interea observant alii, qua Silvia monstrat,  
 Silvia Idumaeas inter pulcherrima nymphas, 125  
 Intentisque oculis et hiulcis oribus adstant.

V. 104. Brochus a graeco βρόχος, retinaculum, quo vindemiares utebantur, significat etiam vas vinarium. Edit. Venet. emendans legit ben n is.

V. 114. Jericho in tribu Benjamin inter Hierosolymam et Jordanem urbs palmarum (πόλις φοινίκων) dicta (Deut. 34, 3), agro admodum fertili gaudebat. Strabo lib. 16. Plin. H. N. 5, 14.

V. 125. Idumaeas. Cf. lib. I, 34.

At pueri jam praemissi garritibus altis,  
 Illa est, unanimes geminant: illa, inquit arator,  
 E sulcis iterum clamans. Tum protinus altis  
 Decurrere jugis, cistis in colle relictis, 130  
 Viscatis manibus raptim ad femoralia tersis.

In corbem praeceps Zabulon, in mulctra Barucchus  
 Prolapsi, atque agiles iterum (tanto impete oborta  
 Gaudia) deproperant laeti. Quis murmura vero  
 Explicit et voces vultusque hilaremque tumultum? 135  
 Illam omnes in tecta sequi velle: at bona mater  
 Id vetat, et qualis vindemia quantaque laeto  
 Ore serena rogat, comitari iterumque volentes  
 Abnuit omnino. Tamen uvas rite ligatas  
 Et puer et custos et formosissima Virgo 140  
 Quisque suas manibus gratissima dona ferebant.

Hinc iter accelerant. Mater blandita puello  
 Purpurei autumnus donum sibi laeta poposcit,  
 Ille dedit, manibus sublatum munus utrisque  
 Ostendens. Dictu mirabile! Juncta racemo 145  
 Improvisa ceres mixtis flavebat aristis,  
 Quale amethysto aurum nexum insertumve pyropis.  
 Obstupuit genitrix: unde haec, unde aurea messis?  
 Cui puer: Hac olim gemina sub fruge, cruento  
 Jam propior letho, instituam solemnia  
 sacra, 150

Atque utroque tegam Numen mirabile velo.  
 Nec plura: attonitam dictis trepidamque reliquit.

Corripuere viam, qua multo semita girat  
 Autumno dives. Dextra laevaue frequentes

V. 131. Femoralia i. q. tegumenta femorum. Isid. Or. 19, 22.

V. 138. Edit. Venet. pro comitari iterumque legit: comitesque anteire.

V. 149 seqq. Confer Matth. 26, 26 — 29. Marc. 14, 22 — 26. Luc. 22, 14 — 20.

V. 142 — 152 in Edit. Veneta non leguntur.

Juglandes prunique humilique ex arbore ficus 155  
 Consortis ramis, praetexunt undique callem.  
 Cernuntur veteres turres atque oppida longe,  
 Immensum camporum aequor nemorumque recessus,  
 Auditurque fragor torrentis, quem cava subtus  
 Vallis agit per semesae declivia ripae: 160  
 Hinc iter in patriam nemoroso tramite villam,  
 Quam sol purpureo devexus lumine inaurat.  
 At pueri interea, quos non retinere potestas  
 Ulla fuit, raptim celeres in tecta volarant,  
 Aegre animam prae laetitia cursuque trahentes, 165  
 Nuntia laetitiae pubes. Volat illico fama;  
 Fit clamor tectis; Mariae evulgata propinquae  
 Nomina laeta sonant: strepit omnis murmure pagus.  
 Ad Deboram Samuel, ad Saram devolat Esther,  
 Contiguam Zambrim foribus Susanna vocabat; 170  
 Haec specula ex alto Sulamitim, haec laeta fenestris  
 Ore exerto Amarim: Jessea puella, sodales,  
 Clamat, io! reducem jam nuncius alter et alter  
 Retulit. Exoritur clamor, variaeque vicissim  
 Scitantum voces: sed et ipsi cruribus hirtis, 175  
 Audito strepitu, lacubus qui vina premebant,  
 Attoniti cessant, et quae nova gaudia poscunt,  
 Prodibantque rubro depicti corpora musto.  
 Jamque iter accelerans processerat obvia campis  
 Susanna, huic Judith comes ibat, pulchraque Elisa. 180  
 Nec longum in medio tempus, cum visa per ulmos  
 Perque humiles vites herboso incedere clivo,  
 Pomiferos inter peregrina Puerpera ramos.  
 Agnovere procul vestes, lacrimasque dedere:  
 Mox plausum ingentem tollunt, quo personat aether 185  
 Et circumjecti colles vallesque resultant.

Exiguum restabat iter, spatiique, quod usque  
 Nazareum ad pagum superest, absolvere Virgo  
 Vult pedes: arreptis fraenis deducere asellum  
 Inter se pueri certant: Judithaque pulchrum 190  
 Implicitum manibus Jesum trahit: ipsa sodales,  
 Mirantesque inter pergis, Jesseia, matres,  
 Respirans placide, atque oculos per singula ducens,  
 Sustentans manibus vestes, qua semita aquosa est.  
 Sarcinulas humeris Jonathas gerit: obvia passim 195  
 Armenta occurrunt agrestumque agmina. Jamque  
 Apparent humiles muri turresque vetusti  
 Oppiduli vestitae ederis, antiquaque tecta,  
 Quae procul agnoscis, Senior bone, flensque salutas.  
 Ipse diem nollet jam seram absolvere Phoebus 200  
 Tam cito, deque suo dolor est descendere curru,  
 Atque utraque manu roseos tenet axe jugales.

Ast ubi Susannae bona Virgo evasit in aedes,  
 Hic fragor, hic strepitus, amplexus, oscula mille,  
 Mille hilares voces, mixtumque sine ordine discors 205  
 Undique murmur erat. Nec viso litore nautae,  
 Nec genitrix nato, nec conjuge nupta recepto,  
 Quem bello, aut pelago extinctum miseranda putarat,  
 Nec quidquid possunt laeti sibi fingere noctu  
 Insomnes vates, aequare haec gaudia possint. 210  
 O tandem post secla redux! o denique sospes  
 Reddita lux orbae patriae, expectata tot annis!  
 Ut formosa redis nil coelo decolor illo!  
 Quae via, qui cursus, quae sors inopina revexit?  
 Ecce humeris curvis octogenaria conjux 215  
 Alphaei explicitis ulnis edentula voces

---

V. 194. Edit. Veneta:

Sustentatque manu vestes, qua semita aquosa est.

V. 208. Ed. Venet. pro miseranda legit: decepta.



Non intellectas labiis conatur utrisque,  
 Et gnatam (sic illa vocat) complexa fatigat.  
 En Beroe, en veniens e torcularibus Abra,  
 Musta recentia utraque manu laetissima portans, 220  
 Cui puer hinc Ammon, hinc Ruben vestibus haerent.  
 Mox Debora ascensu subit improvisa repente,  
 Ingenti clamore ruens in colla, lacertis  
 Injectis haerens non extricabilis: ipsa  
 Candidior nive Cissa latrans formosa catella 225  
 Agnoscit reducem, et circum mille implicat orbes,  
 Et vestes scalpit, genibusque audacula reptat.  
 Utque animam Debora assumpsit: Mella, inquit, in horto  
 (Attraxitque auram toto ore et pectore anhela)  
 Mella, inquam, e ceris dum seligo, nuncius Helis 230  
 Te advenisse tulit, mea lux; huc protinus amens  
 Advolo; sed fari vix possum, namque cucurri  
 Praepetibus cervis, et fulminis ocior alis.  
 Ut tandem amplector! Quae sors, dulcissima rerum,  
 Quae reducem fausta aura tulit? nam patria nunquam 235  
 Oppida visuram, et prorsus mutasse Canopo,  
 (Me miseram!) hos agros et tecta antiqua putaram.  
 Ut te versicolor decet haec Aegyptia palla!  
 Hiccine Niligenis cultus habitusque puellis?  
 Te sinito huc paulo propiorem in luce videri. 240  
 Haec inter festus sublatas clamor ad auras,  
 Illataeque faces, et lux face pulchrior omni:  
 Namque aderat pulcher Jesus Samuelis in ulnis,  
 Atque una longaevus Amos, et vertice glabro  
 Nathanael; veteres Joseph quos inter amicos 245  
 It lacrimans; interque manus pulcherrimus Infans  
 Stabat, ut in mediis nivibus rosa nata decembri

V. 236. Canopus. I, 68.

V. 239. Niligenis. Cf. I, 51.

Quam circum canae glacies mirantur et imbres  
 Vernantem, nec duram hiemem nimbosque timentem.  
 Hinc Bethsabaea, hinc Rachel, et Silvia ridens, 250  
 O quae bella humero vestis niveique cothurni!  
 Quae manus haec nevit, quae licia candida torsit?  
 Ille ori digito inserto placidissimus adest,  
 Nec pavet hirsutum mentum Samuelis, et horrens  
 Brachia circum, semiadapertaque pectora linum. 255

At satis est, matres, satis est: discedere lassam  
 Jam sinite in patrias aedes: nam tempora fando  
 Haud deerunt: sic Beris anus, sic Debbora dictis,  
 Sic jubet ore gravi Samuel; nam sistere votis,  
 Nec precibus potuere ullis, facibusque praeibat 260  
 Iuditha, inque diem (ne quicquam, Diva, recusas)  
 Debbora jam statuit convivia festa sequentem.  
 Talia Virgo tulit patrio solatia ruri,  
 Post noctem obscuram, suspiria votaue multa,  
 Mercedem luctus primaeque crepuscula lucis. 265

Nox ruit. In nidis volucres, in frondibus aura,  
 Ipsa etiam ripis stagna acclinata quierant,  
 Et dormire putes, pictasque in gurgite stellas  
 Esse quiescentis nitidissima somnia limphae.  
 Cum levis in nimbo delapsa volucris alis 270  
 Laetitia in terras stellato ex aethere venit:  
 Cui comes ille ciens animos, et pectora versans  
 Spiritus, a capreis montanis nomen adeptus,  
 Ignotum Latio nomen; pictoribus ille  
 Interdum assistens operi, nec segnius instans 275  
 Vatibus ante alios Musis gratissimus hospes.

Pastor erat Didymus, qui quondam captus amore  
 Caelesti sese comitem sociumque puello  
 Addiderat Jesu. Is ventos praedicere doctus,

Quidve obitus ferrent varii, astrorumque meatus, 280  
 A strepitu procul et turba silvestribus annos  
 Egerat intentus calamis, haud noxius ulli.  
 Felix, cui vigiles nondum prudentia curas  
 Attulerat veniens; quin rerum incuria et ipsa  
 Inconstans mens et vaga conciliarat amorem. 285  
 Huic levis in noctem jam seram Spiritus ille  
 Laetitiae comes insiluit; quo plurima secum  
 Ibat agens animis, insueto percitus oestro.  
 Namque injecta hilaris mens improvisa: sub ipsis  
 (Cogere si posset sociorum plectra) fenestris 290  
 Virginis instruere ad citharam melos; atque sereno  
 Hospitibus fessis coelo deducere somnos.  
 Sed quid tum poterat? quos importunus adiret?  
 Aut pulsare fores obscura auderet in umbra?  
 Ecce autem, vario secum dum fluctuat aestu, 295  
 Ecce, inquam, socii vates, quos entheus idem  
 Spiritus excierat. Citharas hic vertice eburno,  
 Ille lyram ex ebena, hic sistrum, sua munera quisque,  
 Delicias atque agrestum intervalla laborum  
 Attulerant secum. Non gratior ulla voluptas, 300  
 Quam quae improvise condita, ex tempore nullis  
 In longum trahitur dilata ambagibus. Ergo  
 Una omnes pariter per opaci compita ruris,  
 Quo furor immissus, quo mens incensa vocabat,  
 Elpinus, pastor Ligus, Alcindusque secuti, 305  
 Montanusque (haec nomina erant; sed Montius iste,  
 Hic Magius vulgo dicti, Pastorius ille,  
 Hic Lemene) papaveribus sertisque rosarum

V. 293 — 296 in Edit. Veneta desunt.

V. 294 inter et 295 Edit. Venet. inserit:

Haeret inops animi, mentemque per omnia versat.

V. 301. Edit. Venet. pro ex tempore l. acceptaque.

Et violis crinem praecincti: nec mora. Postquam  
 Ventum est stellato sub dio ad limina nota 310  
 Summissim inter se primum, intentique canoras  
 Auribus explorant chordas, tenduntque remittuntque  
 Ad numeros calami certos. Cunctisque paratis  
 Dum quisque officiis certat, primusque recusat  
 Rumpere prae reliquis nocturna silentia voce; 315  
 Ipse canam, finem positurus, Didymus inquit:  
 Nam vereor, si forte puer vos candidus ille  
 Audiat, haud unquam vigilantes claudet ocellos;  
 Usque adeo vestras dulce est audire camoenas.  
 Insidiatricem venatricemque soporis 320  
 Fabellam meditor, quae taedia languoremque  
 Paulatim insinuet. Simul ergo per aëra somnos  
 Videritis coelo delapsos, illico nobis  
 Cessandum; inque humiles nullo clamore fenestras  
 Cogendi belle. Facile est agnoscere: plumae 325  
 Sunt humeris variae, sunt alba papavera circum  
 Tempora, populeosque agitant sine murmure ramos.  
 His ita compositis per opaca silentia pastor  
 Concordes inter citharas sic ora resolvit:  
 a) Humanus peragrabat Amor sine viribus, aeger 330  
 Jamdudum: furtim namque ille comederat horto  
 Aurea poma, latens quae forte infecerat anguis:  
 Optabatque miser quiddam, nec quid sibi vellet,  
 Infelix norat; sed erant medicamina quaedam,  
 b) Quae tamen haud ullis poterat conquerere terris. 335

V. 317. Edit. Veneta: Nam vereor, si forte puer vos ille canentes

V. 319 inter et 320 Edit. Venet. ponit:

Ipse autem, quantum rauco modulamine possum,

a) Amor humanus aeger. (Adnotationes, quas sub lit. a) b) etc.  
inferimus, ipsius Cevae sunt).

b) nusquam invenit remedia.

Venit ad auriferum Gangem, sed acerbior inde  
 Facta sitis, rursumque Tago sitis altera crevit.  
 Sedit Erythraeum ad pelagus, sed littore conchas  
 Dum teneris aperit digitis, digitum una momordit,  
 Quem laesum intorto religabat taenia filo. 340  
 Venit et in Cyprum lassus. Quid singula narro?  
 Nullum erat in terris aegro solamen Amori.  
 O miser, ignarus quae pars tibi cognita nondum  
 Terrarum profugo restet! Tibi restat Idume:  
 Haec regio, hoc coelum, haec certam feret aura salutem. 345  
 c) Venit Idumaeas tandem.... (subsistite paulum;  
 Nam quiddam, instar avis, visum est considerare opacos  
 Hosce inter ramos. Sopor est pulcherrimus: et mox,  
 Spero, alios pariter deducam in retia cantu)  
 Venit Idumaeas tandem, inquam, fessus in oras, 350  
 Jordanemque bibit: dumque agris devius errat,  
 Lamentisque vias, atque auras questibus implet;  
 Illum moerentem vidit pulcherrima mater,  
 d) Coelestis pueri mater, tenuitque fugacem,

V. 336 seq. Edit. Veneta: Venit ad auriferum Gangem, sed acerbius inde  
 Aucta sitis,

V. 336. Ganges (Γάγγης) maximus Indiae fluvius, qui ulteriorem a citi-  
 riore India disternit.

V. 337. Tagus (Hisp. Tajo, Lusit. Tejo) Hispaniae et Lusitaniae fluvius,  
 qui ad Ulyssiponem urbem in Oceanum influit.

V. 338. Erythraeum pelagus i. e. mare rubrum Arabiam inter et  
 Aegyptum.

V. 338. seq. Edit. Venet. pro conchas l. in ipso: et pro teneris  
 l. conchas.

V. 341. Cyprus et Cypros (Κύπρος) insula magna maris mediterranei.

V. 344. Idume. Cf. I, 34.

c) Venit ad Jordanem.

V. 351. Jordan (descendens) fluvius Palaestinae celeberrimus, qui ad  
 radicem montis Antilibani oritur, et in lacum Asphaltitem (mare  
 mortuum) exit. Cfr. Bachiens Palaestinae descriptio. Vol. I. P. I.  
 §. 50 — 62.

d) a Maria hospitio excipitur.

Plorantique dedit bellaria: verbaque dixit 355  
 Blanda adeo, dulcesque minas adjecit, ut ille  
 Captivum dederit sese; subiitque penates,  
 Assuevitque puer lacti mellique; nec auro  
 Sortem hanc, nec gemma quavis pretiove dedisset.  
 Hic aeger passus curam est, hic jungere utrasque 360  
 Edidicit palmas ad solem versus eoum,  
 e) Curvatis genibus supplex; hic denique lenta  
 Sensim convaluit febri... (subsistite rursum;  
 Nam tecto insedit, ni fallor, penniger alter  
 Somnus; at exiguus latet, et vix prominet alis 365  
 Undique stellatis: superest nunc tertius; at mox  
 In viscum veniet) febri, inquam, denique lenta  
 Sensim convaluit: sed quam brevis, ah! fuit ista  
 Parta salus, miserande puer, mox, heu! moriturus  
 (Aspera nam sic fata volunt) moriturus acerbo 370  
 Funere. Namque aderat sub eodem paupere tecto  
 Alter Amor, sed coelestis, sed natus olympo;  
 Terrestremque illum dedignabatur eodem  
 Sub lare, quippe levem, cui vox, cui mellea tantum  
 Vis inerat verbis, sed nullae in corpore vires. 375  
 f) Ergo aliquando miser fando dum plurima jactat,  
 Ut solet, atque alium vocat in certamina demens,  
 Seu lusus, seu lucta fuit, (quidquid fuit) ictu  
 Stratus humi cecidit; nec profuit illico vitam  
 Poscere, nec cubito manibusque avertere vulnus; 380  
 Vulnus atrox lethale imo sub pectore fixum est,  
 Nec lacrimae, gemitusve ulli valere precantis.  
 Saucius ergo, aegreque trahens vestigia, tecto  
 Successit, jacuitque toro; sed amabilis illa

---

e) convalescit.

f) Sed ausus provocare divinum amorem ab eodem vulneratur.

Plaga erat, atque adeo dulcis, ut ferre medelam 385  
 Nollet, nec rivos calidi retinere cruoris,  
 g) Nec fomenta pati: donec cum sanguine vires  
 Paulatim exanimis abiere, exhaustaque vita est.  
 Ah puer! ah! jaculis quis te concurrere, demens,  
 Talibus incautum traxit non viribus aequis? 390  
 Accipe nunc, quae non sentis, solatia mortis.  
 Nam pulchram ut vidit faciem, et fera vulnera victor,  
 Effudit lacrimas: implevitque astra querelis,  
 Incubuitque super, dixitque tenerrima verba.  
 Dumque sinu toto foyet, et dum brachia collo 395  
 Injicit, atque artus tenerisque amplexibus haeret;  
 Tam valide exanimum pressit, sic membra lacertis.  
 h) Frigida strinxit, ut, e geminis amor unus et idem  
 Exiterit pueris. Sic terris irrequietum,  
 Humanis rebus lassum, misereque vagantem, 400  
 Diva, trahis nostrum mira dulcedine amorem,  
 Aegrum quem reficis blande; mox viribus auctus  
 Paulatim exuitur terrenis sensibus: inde  
 Evadit coelestis amor. Jam ponite plectra:  
 Fabellam cecini; nec fas producere carmen. 405  
 Nam bene si video in tenebris, tandem ultimus axe  
 Labitur ecce sopor nitidis argenteus alis.  
 Jamque omnes gradiuntur humo; jam tecta volatū  
 Sacra petunt: jamque ille Senis frontem insilit; alter  
 Lucentes digitis tibi, pupe, resignat ocellos: 410  
 Ille utraque manu furtim nivea ora parenti  
 Obtegit a tergo. Tranquilla silentia labris  
 Admoto digito subeunt: Genii nocturnas

g) Exuitur sensibus.

h) In Amorem divinum vertitur.

Lampadas extinxere omnes: tuque humida velum  
 Nox super extendis, procul et discedere mandas: 415  
 Namque horae sex nigricomae, quae somnia portant,  
 Somnia bella, ebene textis inclusa canistris,  
 Haud inferre pedem nobis praesentibus audent.

Pergimus: at vobis, vates, pro munere tanto  
 Hic Puer et Pueri custos formosae Mater, 420  
 Supremus somnus cum sero advenerit, adsint.

V. 414 et 115. Edit. Veneta: tuque humida velo

Nox super extento procul hinc discedere mandas.

V. 417: Edit. Veneta: Somnia pulchra.



# LIBER TERTIUS.

## ARGUMENTUM.

Daemon livore concitus bellum adversus Jesum molitur. Speculatores lemures mentito habitu Nazareth praemittuntur. Armilustrum instituitur in Perside. In conventu matrum praesente Virgine Daemon explorator detegitur. Deipara ab Angelo monetur, ut secedat cum puero in desertum d. Joannis Baptistae. Castra inferna in montes Abarim descendunt, atque ibi rixa exorta mox classe aërea daemonum delapsa bacchanal celebratur.

Qualis formosum nivea cervice catellum,  
Virgineo in gremio manibus quem comit eburnis  
Foemina, sic meritum cernens dolet invidus, ore  
Allatratque rudi turpis quandoque molossus,  
Dilectus dominae ille etiam, cum candidus olim 5  
Et tener et blandus fuerat, nunc vincula collo  
Gestantem absterrent mensis, et postibus arcent:  
Haud aliter Puerum coelestem dum videt hostis  
Luridus, ipse etiam quondam, cum degeret astris,  
Delicium coeli, ringit, totusque veneno 10  
Livescit miser, et partes se versat in omnes,  
Laedere si tenerum queat, atque absumere letho.  
Quin etiam infelix jubet arma capessere vulgus  
Taenarium, atque iterum superis indicere bella:

V. 14. Taenarium. Apud Taenarum, promontorium Laconiae (in extrema Peloponneso meridiem versus) orci introitus esse putabatur. Itaque taenarium vulgus idem valet, atque inferum sive orci vulgus.

Demens, qui rursum tentare pericula Martis 15  
 Ausit, et unde miser cecidit, se credere coelo;  
 Tartareum quamvis sceptrum soliumve tremiscat,  
 Indicioque Puer non uno extrema minetur.  
 Unde adeo incensus furiis huc turbidus usque  
 Praelia distulerit, causas evolvere ab alto 20  
 Longa foret series. Pharii namque arva Canopi  
 Ut primum tetigit Deus infans, illius omnis  
 Horruit adventum jam tum Mareotica tellus,  
 Oraque torserunt signa aerea, templaque passim  
 Traxere ingentes rimas; simulacraque mutis 25  
 Adventante Deo pressere oracula linguis.  
 Hinc rabies collecta ingens, semperque recenti  
 Clade auctus dolor et virus: centum acta sub Orco  
 Concilia: innumerae fraudes textae atque retextae:  
 Conscripti expunctique duces. Mens omnibus anceps, 30  
 An vates, an forte aliquis de gente supremi  
 Ordinis, an demum (quod non est credere) Numen  
 Humana lateat sub imagine. Nec minus acti  
 In diversa animi, quid agant, quibus artibus obstant;  
 Num simulent, num marte palam concurrere certent. 35  
 Ac veluti, prius abruptis quam nubibus imber  
 Praecipitet, longe clausum inter nubila raucum  
 It murmur, ventique fremunt, noxque ingruit atra  
 Paulatim coelum eripiens; et jam tonat axis,  
 Jamque cadunt guttae ingentes: tum denique fractus 40  
 Horrisono bombo ruit inter fulgura nimbus:  
 Haud aliter coecus furor, atque odia aspera tandem  
 Evasere modum; bellicae obstacula rupit

V. 16. Edit. Venet. pro miser l. olim.

V. 17 et 18. omisit Edit. Veneta.

V. 21. Pharii Canopi. Cfr. I, 2. 69.

V. 23. Mareotia tellus. Cfr. II, 13.

Ille explorator quondam teterrimus, ausus  
 Os inferre epulis, reduci quas coelica turba 45  
 Virgini adornarat. Probro ignavissimus impar  
 Per deserta vagus Samareia, tempore longo  
 Abditus in silvis latuit: Stygiosque reversus  
 Postremo ad manes inhonorum in vertice vulnus,  
 Quod nemore in sacro citharista infixerat Ales, 50  
 Ostendit coram; quaeque illic viderat, et quae  
 Audierat, retulit. Tunc imis atra medullis  
 Exarsit rabies, penitusque ignavia tristis  
 In flammam abiit: tum fracta repagula Ditis,  
 Tum sociis data libertas, patefactaque claustra, 55  
 Emissae furiae ex adytis, decretaque bella.

Principio lemures praemissi Nazareth, ore  
 Mentito atque habitu agresti, qui tempora nacti  
 Insidias struerent, atque explorata referrent.  
 Illi autem, ne quid male comptum turpia Avernii 60  
 Proderet, his dictis menda erroresque monebant:  
 „Hanc tu cornigeram frontem melius nisi celes,  
 „Dignoscere statim; atque aliquis fortasse choraules  
 „Capripedi ut socio cithara tibi rursus ad aures  
 „Carmen idem recinet. Tibi vero haec bubula calceo 65  
 „Ungula se nimium prodit. Tu pellibus uncas  
 „Hos digitos: Tuque auriculas has obtege: Tuque hanc,

V. 47. Samareia. Samaria (Σαμάρεια) regio Palaestinae mediae.  
 I. Macc. 10, 30. Luc. 17, 11. Flav. Jos. bell. jud. III, 3. 4.

V. 57. Lemures (μορμολύχαι) i. q. Manes sive Larvae, spectra et  
 huiusmodi nocturna terribilia. Apulej. de Deo Socrat. Ovid.  
 Fasti V, 421 seqq. Hic daemones significant.

V. 60. Avernus (ἄορρος) lacus Italiae prope Neapolin, qui pestiferis  
 exhalationibus notus erat, ita ut aves supervolantes perirent (inde  
 ἄορρος). Quo fiebat, ut et hic, sicut in Taenaro aditus ad inferos  
 esse diceretur. Cf. Virg. Aen. VI et Excurs II Heynii. Tzetz. ad  
 Lycophr. 704.

„Quae male serpit humi sinuosa, recollige caudam.  
 „Nescio quid siet hoc: quoties mentirier ora,  
 „Incessumve hominum libuit, quid semper iniquum 70  
 „Prosilit, atque Orci frustum, aut mala lingula pendet.”  
 Nunc, Stygii, huc animum, fratres. Nōs Belphegor istos  
 Exploratores mittit, qui nunc Babylone  
 Eductos Erebo pedites equitesve recenset  
 Adversus Puerum, cui centum millia fama est 75  
 Aligerum lateri advigilare. Puerne, Deusne,  
 Incertum: remque hanc scabere, et sibi cuncta referri  
 Continuo mandat. Vos ergo advortite mentem,  
 Quid mediter, quae se primum sors optuma pandat.  
 Caesorum est hodie infantum lux annua. Rite 80  
 Convenient matres in silvam, ubi cespitem ficti  
 Sunt tumuli septem lactentum: atque huc quoque mater  
 Adveniet pueri Je.. (vau! ferme excidit ore  
 Flammivomum nomen, quod sulphure pejus adurit).  
 Hic ego plorantes inter lacrumabor anilem 85  
 In speciem curas acuens, mixtoque dolorem  
 Felle ciens, spargamque ignes et nigra venena.  
 Vos, simul in vulgus paulatim serpere virus  
 Coeperit, extemplo facies assumite matrum,  
 Quae peregre Aegypti veniunt ex urbibus, atros 90  
 Appensos pueros zonis ad colla gerentes.  
 Atque ibi clade pari (cum Memphi degeret infans

V. 71. Edit. Veneta: Prosilit, atque aliquod frustum Orci, aut lingula pendet.

V. 72. Belphegor nomen ideli Moahitarum, quod libidinose et turpe colebatur. Num. 23, 1 sqq. 31, 16. Jos. 22, 17. Hic satanam principem subintellige.

V. 73. Babylon celeberrima olim Asiae urbs in regione compestri Sinear (Sennahar) ad Euphratem.

V. 80. Caesorum infantum. Cfr. Evang. Matth. 2, 16 sqq.

V. 92. Memphi. Cf. I, 87.

Jesseus) caesos pariter sine more puellōs  
 Dicite, vosque aegre elapsas, mediosque per enses  
 Perque neces, vestros rapuisse e funere gnatos. 95  
 Sic fraus egregie mihi nodo intexta; nec impar  
 (Spero equidem) merces operi promissa sequetur.  
 Talia jactantes, densa caligine septi  
 Ibant, et muros pagi portasque subibant,  
 Atque locum, insidiisque modum tempusque parabant. 100  
 Atque ea dum lemures obscurae noctis in umbra  
 Consilia et fraudes agitant, jam Persidos arvis  
 Constiterat legio Ditis; tanto illa paratu  
 Flammarum atque aeris, quanto si funditus orbis  
 Vastandus terrae, aut repetendum ultricibus armis 105  
 Sidus hyperboreum soliumve Aquilone locandum.  
 Non tot ad Euphratem vastis tentoria campis  
 Victor Amurrathes quondam Babylonia circum  
 Moenia distendit; nec tot Mustaphus eoīs  
 Viribus excitis, totoque Oriente coacto, 110  
 Austriacam implevit nuper terrore Viennam,  
 Quot Stygias turmas sub signa Beelphegor Orci  
 Egerat ad ripas Chaldaei fluminis, ipsam  
 Atque urbem flammis et fumo atque aethera et omnes

V.102. Persis Asiae ampla provincia ad mare persicum, a Perse vel Perseo rege sic dicta. Pl. Pers. 4, 3, 28.

V.107. Euphrates Asiae fluvius, qui in Niphate monte Armeniae majoris oritur, et cum Tigride in sinum Persicum cadit. Plin. V. 24, 20.

V.108. Amurrathes sive Murad IV anno 1637 Bagdad et Erivan urbes Persis bello ereptas regno suo adiecit.

V.109. Mustaphus militiae Turcicae praefectus, qui anno 1680 Viennam oppugnavit.

V.112. In Edit. Venet. pro Beelphegor Orci legitur: coegerat Orcus.

V.112. Stygias turmas. Styx, fons Arcadiae, quem Homerus anxitis Inferni paludem, ponitur pro ipsis Inferis. Paus. VIII, 13.

V.113. in Edit. Venet. desideratur.

Afflarat campos. Callotti quisquis eremum 115  
 Infernasque acies pictas portentaque vidit,  
 Totque illic Erebi formas, Antonius olim  
 Numine confusus quae dispulit omnia in auras;  
 Ille satis nondum sibi spectra haec horrida fingat.  
 Quid primum, quid deinde canam? Namque aëre toto 120  
 Plena avium stygiis rostris, plena omnia gryphis,  
 Atque ipso emergunt orcae atque acherusia cete,  
 Attolluntque caput fluvio, et vada turbida verrunt.  
 Tercentum in leucas latis exercitus horrens  
 Porrigitur campis; quantumve interjacet arvi 125  
 Harpyiae Scyllaeque tenent, nigrique elephanti,  
 Phantuae, Onoscelides, Phonique levesque Paredri;  
 Vexillumque Erebi ferrata e cuspidē pendet  
 Daemonis hirsuti pellis, quam ventilat Auster,  
 Ipse etiam ex Erebo perflans. Quid murmura circum, 130  
 Quid raucos fremitus castrorumque otia cantem?  
 Pars piceos infraenat equos, pars aerea stipat  
 Tormenta ingestis lemurum in cava viscera turmis,  
 Atque alius bombo horrissonō displodit in auras.

V. 115. Jacobus Callot, chalcographus celebris, natus Nanceji (Nancy) anno 1593, mortuus 1635.

V. 117. S. Antonius Abbas, qui patientia et abstinētia, labore ac studio litterarum ac multos superabat, Constantino M. imperante in vastissimam Aegypti solitudinem se contulit, ubi daemonum tentationes vanas reddidit.

V. 119. Edit. Venet. pro haec horrida l. horrentia.

V. 126. Harpyiae (Ἀρπυΐαι), Furiarum genus, ad homines puniendos emittebantur. Virg. Aen. III, 216. 226. Hoc loco cacodaemones, uti eod. vers. Scyllae. Scylla, monstrum marinum in freto Siculo. Odys. XII, 73 — 99. Virg. Aen. VI, 74.

V. 127. Phantuae (α φαίνονται), Onoscelides (ab ὄνος et σκέλος), Phoni (α φόνος), Paredri (α παρὰ et ἔδρα) sunt gentes mali hominibus infesti. Cf. August. de civ. Dei. Lib. 15, c. 23. Hieronym. vit. Hilarii.

Hic Centaurorum submisso poplite calces 435  
 Atro praecinctus corio, convitia jactans,  
 Aeratis soleis ferruminat: ille retusos  
 Exacuit mercede ungues et cornua passim  
 Cum stridore rota circum acta, quam pede versat,  
 Doliolo e nigro in silicem stillante cremore. 440  
 Tum dirae facies, quales e marmere summis  
 Delubris Gothicis prostant, coelove cadentes  
 Excipiunt pluvios imbres; vel qualia in hortis  
 Romuleis Tiburtino spirantia saxo  
 Ora labris bifidis, magnoque patentia rictu 445  
 Albunae jaculantur aquas. Haec omnis apertis  
 (Assyria postquam late consederat ora,  
 Jamque aderat toto miles collectus Averno)  
 Ibat ovans legio campis. Praeit horrida cantu  
 Buccina Taenario Phlegethonte audita, cavernisque 450  
 Aemula respondet stygiis. Prima agmina Alastor  
 Millia centum agitat lemurum, quibus omnibus ora  
 Effuso varioque sonant distorta cachinno;  
 Omnibus aequoreae summa pro casside conchae,  
 Ac frustillatim scissae per corpora abollae. 455  
 Hi campos habitant imi aëris: aethere magno

V. 135. Centauri, monstra superiore parte homines, inferiore equi, hoc loco cacodaemones.

V. 142. Delubra, quae Gothica (a Gothis, Germanorum populo) sive antiqua vocantur, variis hisque deformibus simulacris ornata erant.

V. 144. Mulus Romae Tiburtini lapidis usus.

V. 146. Albunea fons in Tiburtinis montibus.

V. 147. Assyria, regio Asiae, a Mesopotamia Tigride fluvio divisa.

V. 148. Averno. Cf. III, 60.

V. 150. Phlegethon (*Φλεγέθων*) fluvius Inferorum igneis fluens undis. Cf. Pomey Panth. myth.

V. 151. Alastor (*ἀλάστορ*) unus e quatuor equis, qui currum Plutonis, regis Inferorum, trahebant, inter alia ulterem, punitorem, pestem et hic daemonum ducem significat.

Namque ferunt olim discrimina neutra secutos,  
 Nec styge, nec coelo admissos, volitare per auras.  
 Post hos implicitus nimbo nigraque procella  
 Arbiter Oceani Typhon sese ardaus infert: 160  
 Quem sequitur Ruminus, Rummus qui devia saxa,  
 Quique sinus habitat Locarni, et vertice ab alto  
 Margutii veniens Verbani exasperat undam.  
 Centum illi lamiae comites, anus Orchia, et Afra  
 Euganaeae; Nannasaeque, Faeque junior, ambae 165  
 Vindelicae, et Rhaetae innumerae, Marsaeque, Sabellaeque,  
 Atque aeris fabri fumosoque ore caminis  
 Assueti furvis pannosa in veste banausi.  
 Hinc stridor varius, veluti cum summa domorum  
 Rivales glaucis oculis se torva tuentes 170  
 Noctibus hibernis percurrunt culmina feles.  
 Una omnes spissa pluviali in nocte feruntur,  
 Terrificosque cient nimbos. Heu vindicis ira  
 Numinis! heu quantum pulcherrima sidera Olympi

V. 158. *Styge*. cf. III, 112.

V. 160. Typhon, unus Gigantum, apud Veteres haud raro ventum procellosum (Hesiod. Theog. 820 sqq. Pind. I, 29 alios) et hoc loco malum daemonem designat.

V. 161. Rummus, genius malus. Fortasse i. q. Ruminus, Deus alitor, Jupiter. Augustin. de civ. Dei 7, 11.

V. 162. Locarnus lacus Italiae superioris i. q. Verbanus (lago maggiore). Larius lacus, lago di Como.

V. 163. Margutium (Mergozzo) ad Lacum Verbanum.

V. 165. Euganei populi Galliae transpadanae. Praecipue vero Euganei dicti sunt, qui agrum circa Patavinum incoluere, ubi Euganei colles. Lucan. 7, 192.

V. 166. Vindelicia regio inter Vindam et Lycum Bavariae fluvios, et Rhaetia hodie Tyrolis. Marsi, populus Latii (Abruzzo ulteriore) juxta lacum Fucinum, rebus magicis erant dediti, uti Sabinorum mulieres. Solin. 2. med. Horat. Epod. 17, 28.

V. 168. Banausus (*βάρανος*) artificem, qui ad ignem operatur, itemque servum mercede conductum vilemque significat.



Deformare scelus quondam; quantum impia regni 175  
Ambitio potuit solique insana cupido!

Postremo insignis maculosi pellibus hydri  
Quadrijugo it curru Dramelech, qui praelia primus,  
Quique arcus Scythicos docuit, volucresque sagittas.  
Mille repertoires secum trahit ille nocentes, 180

Qui ferri infandos usus, qui dira venena,  
Qui pestes morbosque novos, et Thessala philtro,  
Atque alia in populos miseros inventa tulere  
Noxia: quos sequitur clauditque nigerrimus unus  
Vertice demisso, qui seris invehet annis 185

Flammiferas bolides; jam nunc secum ille volutat  
Triste magisterium flammae pandasque carinas,  
Arcanique ignis non evitabile fulmen.

Singula quid memorem? quid formidabile murmur?  
Quid rictus varios, quos haud fas dicere? namque 190  
Ipsae etiam balistae, ollae, tentoria, carri,  
Tympana erant stygii Cacodaemones; oraque et igneos  
Abstrusos oculos hac illa in parte gerebant.

Ad stagnum obscuris piceis atraque cupresso,  
Illicibus septum nigris postquam undique turba 195  
Litore constiterat (dictu mirabile) signum  
Taenariae cecinere tubae: tum protinus omnes  
Quadrigae, pedites, equites, carpenta, cameli,

V. 178. *Dramelech* (pro *Adrammelech*) falsum Assyriorum et Samaritanorum numen, in cuius honorem incolae *Sepharvaim* parvulos suos igni comburebant. Cf. Regg. 17, 31.

V. 179. *Scythae*, populus ad Pontum Euxinum, egregii erant sagittarii. Plin. 56, 57.

V. 182. *Thessali* veneficiis et incantationibus infames fuerunt, praecipue feminae. Tibull. 2, 4, 53. Plin. 30, 1, 2.

V. 196. Edit. Venet. pro dictu mirabile legit: tumuli de vertice.

V. 198 inter et V. 199 Edit. Venet. interjecit:

Quot non vastator Totilas, non Attila secum,  
Aut Tamerlanes olim convexerat, omnia

Emissis alis ingentibus aëre sparsis,  
 Tartareo in nimbo pennis subvecta volabant. 200  
 Talibus horrendus spectris eruperat Orcus  
 Multa timens: nec enim mortali pugna gerenda  
 Cum stirpe, aut simplex aliquis fallendus eremo  
 Silvicola; at dura in superos atque ardua in ipsum  
 Pro templis arisque Deum, spoliisque repostis, 205  
 Bella fore armatum, gens praevidet impia, Numen.

Nazariae interea matres, ut rite quotannis  
 Mos erat, Infantes, quorum annua fata redibant,  
 Unanimi in coetu flebant. Nam myrtea silva,  
 Et silva in media pratum circumque frequentes 210  
 Colliculi exigui monumentaque tristia passim  
 Extra urbis muros fuerant. Fueratque ibi, gnato  
 Dina ubi moesta suo, atque suo moestissima Rachel,  
 Atque aliae aggesta terra tenerisque cupressis  
 Ornarant tumulos, tumulos tamen intus inanes, 215  
 Quippe ignotus habet procul hinc corpuscula agellus.  
 Nil miserabilius visum unquam. Namque ut acerbis  
 Aerumnis aderat quae dictis blanda mederi,  
 Solarique aegras Virgo mitissima voce  
 Et vultu poterat; juvat omnem evolvere coram 220  
 Flebilis historiae seriem, quam dicere saepe  
 Consuerat Rachel, sed nunquam sic lacrimata est,  
 Nec lavit velum uberius, quo lumina tergit  
 Interdum narrans calido manantia fletu.  
 Heu natum illa suum caesum crudeliter ipso 225  
 In gremio parvasque manus, atque utraque collo  
 Brachia tendentem lacrimis reminiscitur aegra.

---

V. 200 et 201. Tartarus sive Tartara (orum) locus Inferorum profundissimus; Orcus (Deus Inferorum, idem qui Pluto et Dis Pater) pro ipsa morte et loco Inferorum accipitur. Virg. Aen. 6, 273.

Quo gemitu concussae aliae, luctusque secutus  
Ingens; foemineis resonat nemus omne querelis.

At medios inter ploratus cuncta scelestus 230

Ille explorator stygius terrore repente  
Ridiculoque metu implevit. Nam sederat herba  
Ipse etiam in viridi lugens, spissoque nigroque  
Se abdiderat panno, viduae ore habituque Phenemnae,  
Ereptosque sibi geminos ululare nepotes 235

Conabatur: eratque adeo sine more modoque  
Expresso in luctu deformis, ut ipsa modestum  
Quaquam dissimulet vultu, vix, credo, teneret  
(Conscia quippe doli) Virgo pulcherrima risum.  
Namque utraque manu complectens tempora labris, 240

Barbula queis inerat, misere hinc atque inde reductis,  
Singultusque trahens crebros, velut antlia sicca;  
Hos frontem caperans vultu lugentis amarum,  
Perfida turpis anus questus dabat: Ah miseram me!

Ah meus ereptus fato Nehemillus acerbo, 245

Cui furvi crines, vultusque oculique nigelli,  
Nec dum etiam exerti unguiculi! Nunc viveret ille;  
Et lassae aetatis fulcrum quoque viveret Abner,  
Eheu, quem pariter lictor mihi sustulit ense!

Eheu me miseram geminis lactentibus orbam! 250

Heu, non posse mori, meque his exsolvere curis!

Causa mali tanti Puer ille. Hic indice Jesum

Lurida signabat; sed clauso gutture vocem

Edere non poterat. Nequicquam tempora quassans

Eluctatur iter, veluti qui faucibus arctis 255

---

V. 231. Stygius. Cfr. III, 113.

V. 241. Editio Venet. pro misere l. foede.

V. 247. Edit. Veneta:

Cui nondum pro: nec dum etiam.

Justo majorem transmittere nititur escam  
 Transversam jugulo. Dumque improba fingit acerbo  
 Se fletu nimio oppressam, nec posse loquelam  
 Exerere, et velo interea sese arctius abdit  
 Intentos oculos metuens (res foeda relatu!), 260  
 Paulatim rupto prodibant utraque lino  
 Cornicula exacta ad tornum turpissima visu;  
 Emicuere ignes oculis et tempore eodem  
 Pes lubrica e solea fugit, vitulinaeque coram  
 Ungula subducta in solem foedissima venit. 265  
 Diriguere metu cunctae; simul agmine facto  
 Terga dabant: tenuit Virgo, excussoque pavore  
 Obscoenam vetulam certatim murmure magno  
 Sandaliis jactu alterno, saxisque petitam  
 Turba puellarum insequitur. Fugit illa, cavernamque 270  
 Occupat: inde eflat grave olentem in limine fumum.  
 Quo socii haud longe tremefacti, in veste latentes  
 Foeminea, falsos pueros, luctumque parati  
 Inferre in medium; conductae ubi fraudis inanem  
 Successum videre, nemus subiere, nec ausi 275  
 Prodire in scenam: densis in nubibus errant  
 Nazareos colles circum vicinaque rura,  
 Ancipites quid agant, quo res meditataque vergant.  
 Ecce autem, postquam jam dudum Virgo penates  
 Intrarat, purasque manus tendebat Olympo, 280  
 Fundens rite preces, stygii haud ignara pericli,  
 Ecce, inquam, foribus patefactis nuncius Ales  
 Astitit ante oculos, roseoque haec ore locutus:  
 „Diva poli, his Puerum teque ocius eripe tectis;

---

V. 262 seqq. Edit. Veneta:

Cornicula; emicuere ignes, et tempore eodem

Lubricus e solea pes fugit equinaeque coram

V. 265. Edit. Venet. pro foedissima l. teterrima.

„Jordanisque sacri pete ripas. Est ibi vallis 285  
 „Umbriferumque in valle nemus, cui proxima rupes,  
 „Atque in rupe domus. Tuus haec silvestria parvus  
 „Antra nepos habitat, praecursor Numinis. Illuc  
 „Protinus ire jubet superum Pater atque hominum Rex,  
 „Atque haec ferre dedit celeres mandata per auras. 290  
 „Surge age, clara prius quam solem proferat Eos.  
 „Nam qualis quantusque cavo se carcere fudit  
 „Turbo niger coelum, terras et tartara miscens!  
 „Dicere plura vetor.“ Sic fatus, multa volentem  
 Poscere deseruit, tenuesque recessit in auras. 295  
 Ocius illa sequi coelestia jussa parabat  
 Auroram expectans. Rutilus nitidissima stellis  
 Cernit adhuc convexa poli: procul ignibus ardent  
 Aëris immensi tractus; atque arva lacusque  
 Et nemora et montes nox obtegit alta tenebris. 300  
 At metuenda acies Erebi vecta aëre coeco  
 Ibat more gruum, totamque immanibus alis  
 Assyriam late, atque Arabum deserta tegebat;  
 Nulli visa tamen, nisi felibus armentisque,  
 Et canibus noctu sine fine latrantibus, ore 305  
 Sublato aëria ad spectra horribilesque phalanges.

V. 285. Jordanis. Cfr. II, 351.

V. 288. Praecursor Numinis i. e. Joannes Baptista, Zachariae et Elisabeth filius. Cfr. Matth. 3, 1. cap. 17, 13. Luc. 1, 5 sqq.

V. 293. Turbo (onis et inis) idem ac turbator i. e. diabolus. Apoc. 9. 11.

V. 299. Edit. Venet. pro Aëris immensi tractus l. Taenariis celsi montes.

V. 301. Erebi. Cfr. I, 3.

V. 303. Assyria. Cfr. III, 147.

Arabes partem Asiae incolebant, quae terminos habet a septent. Syriam & Euphratem, ab orient. sinum persicum, ab occas. sinum arabicum, et a merid. mare arabicum sive partem Oceani indici.

Ter lapsa ad terram nubes Cocytia, turmas  
 Exceptura novas: nam passim e rupibus illis,  
 E nemorum latebris, e quercubus atque cavernis  
 Cornigeri egressi socii bella armaque poscunt. 310  
 Noctes atque dies it flammeus aethere turbo  
 Horrendus, terrisque minans: lateque per omnes  
 Judaeae fines sparsis se turbinat alis.  
 Donec ter circum gyris ingentibus actus  
 Ter rauco accitis sociis agrestibus ore, 315  
 In montana Abarim praeceps cadit; atque ibi quotquot  
 Vallibus, et sterili in sabulo loca vasta tenebant,  
 Accolae Avernales occurrunt undique Mormi,  
 Obscoeni Triptes, Aquili, Lamiae, Eurynomique,  
 Lucifugique alii innumeri, et socia agmina jungunt. 320  
 Musa, mihi infernas curas miserosque labores,  
 Rixas atque lues memora, erroresque viarum,  
 Et studia et mores insanique orgia Ditis;  
 Quaeque procul ratibus miris delata per auras  
 Extremis Asiae turba adventarit ab oris: 325  
 Utque ingens castris lis orta, utque arma vicissim

V. 307. Cocytus (Κωκυτός) fluvius Inferorum, e stygia palude enascens, pro Tartaro ponitur.

V. 313. Judaea, quae primitus Chananaea et Palaestina dicebatur, stricte regionem complectitur, quam tribus Juda & Benjamin incolebant, latius vero de omni Palaestina usurpatur. Cfr. Jos. bell. jud. III. 3, 5.

V. 316. Abarim sunt montes citra Jordanem, quorum pars Nebo, ubi Moses e vita decessit. Num. 33, 47. Deut. 32, 49.

V. 318. Mormi (μορμών) formae terrentes, spectra.

V. 319. Triptes (τριπτης a τριβω) hominum vexatores & cruciatores. Aquili i. q. fuscī, nigri scil. cacodaemones. Lamiae (λάμναι) veneficae mulieres (h. l. cacodaemones), quae infantes et adulescentes devorabant. Hor. A. P. 340. Eurynomi (ab εὐρύς & νέμειν) late imperantes h. l. genii mali. II, 45.

V. 323. Ditis. Cfr. I, 28.

Conversa in socios ac demum foedere diro  
Omnia compositis turbis sedata quierint.

Mos est, igniferas quoties in bella catervas  
Tartarei eduxere duces, seu litore turmae 330  
Constiterint, seu desertis in montibus aspris  
Noctes atque dies exercere agmina campo,  
Nec minimam lassus unquam indulgere quietem.  
Ni faciant, aut hac illac sparsa aethere aberrent  
Continuo, aut inter se ineant asperrima bella; 335  
Tanta animos rabies, furor atque insania versat.  
Ergo locustarum, deserta per avia summam  
Principio exigere, et rutae atque hypericonis, ervi,  
Absinthique omnis, censumque indicere arenae:  
Durum opus, infestum, stygioque molestius igne. 340  
Hinc adeo memores visa execrantur olentis  
Nunc etiam rutae folia atque hypericonis umbram.  
Inde huc atque illuc transferre horrentia castra  
Per loca inaccessa, abruptis asperrima saxis;  
Caetera diversis legio dum sparsa per orbem 345  
Paulatim coëat terris, praemissaque turba  
Exploratorum redeat. Pulsum ossibus albis  
Tympanum equo praeithorrisonum, sonat ungula equorum  
Plurima pone sequens; flammisque horrentia lucent

---

V. 330. Aspris pro asperis. Edit. Venet. l. illic.

V. 338 & 339. Ruta (*πήγανον*, Raute) herba hortensis, olim graece  
*ρίσα*. Duplex est, sativa et silvestris. Plin. 20, 13, 51.

Hypericon (*ὑπέρικον*, Johanniskraut) i. q. chamaepitys et corion.  
Ervum (Erve) genus est leguminis siliqua cylindracea fructuque  
lignoso. Colum. 2, 11. Absinthium (*ἄσπιθος*, Wermuth) herba  
est foliis multipliciter fissis insignique amaritiae praedita.

V. 340 — 42 incl. in Edit. Venet. desiderantur.

V. 349. Edit. Venet. pro flammisque horrentia l. flammis ardentia.

Ad lunam Mathanae deserta, atque ardua Moab 350  
 Regna, Edomitarum pendentiaque oppida saxis.  
 Ventum est semiruti pagi in magalia noctu.  
 Hic Satyrus Behemoth dum quaedam rudera versat,  
 Legiferi Mosis cineres ubi forte quierant,  
 Gramineo e saxo flamma improvisa reluxit, 355  
 Hircinamque illi barbam, et crura hispida adussit.  
 Capripedesque inter socios dum saltitat, ignem  
 Corripuere alii villis. Hinc excita rursum  
 Injectis stimulis rabies; hinc triste per agmen  
 Augurium, fractae vires, penitusque medullis 360  
 Infixus dolor impatiens: tum sulphuris atri  
 Addita proluvies alvi, stranguria, cancri;  
 Unde gravis labor, atque exosae taedia lucis,  
 Inque duces varium murmur, dira omina belli.  
 Ergo ubi prima polo surgens aurora refulsit, 365  
 (Ne mora jam coeptas intenderet acrius iras)  
 Rursum castra movent petrosa per avia Marae,  
 Mosis ubi jussu cortex demersus in undam

V. 350. Mathana locus stationum Israelitarum in finibus Arabiae desertae & terrae Moab, quae regio ad orientem Jordanis et maris mortui sita est. Num. 21, 19 sqq. Fl. Jos. bell. jud. III, 2, 3, IV, 8.

V. 351. Edomitae (*Ἰδουμαῖοι*) in montibus Seir ad euronotum finem Palaestinae habitabant. Gen. 32, 3. Ezech. 35, 15. Fl. Jos. Antiqq. II, 1, 1.

V. 353. Edit. Venet. legit:

Hic Satyrus Behemoth pedibus dum rudera versat.

Poetae satyros fingunt bipedes, superiori parte homines, inferiori feras. Hor. Od. 2, 19, 4.

Behemoth (*ἑπὶ τοῦ Νεῖλον, ἑπὶ τοῦ ποτάμου*, Nilpferd, Flusspferd) monstrum marinum, h. l. daemonem significat.

V. 358. Edit. Veneta pro rursum l. primum.

V. 367. Mara (amarities) locus in deserto arabico, ubi Israelitae aquam amaram invenerunt. Num. 33, 8. Exod. 15, 23.



Tersit amaritiem stagni; nunc omnis Avernus  
 Ore hibit salsos latices, et flumina turbat. 370  
 Atque hic, intento rictu dum singula lustrant,  
 Calceus in ripa niger et vetus Ismaelitae  
 Inventus, soleis longo jam tempore adesis;  
 Quem circumfusus rostris dum Daemones atri  
 Naribus olfaciunt, et morsum dentibus inter 375  
 Se rapiuntque trahuntque, Bavum Phegor ore momordit:  
 Gruniit ille, nigroque armo Babuelis inhaesit,  
 Atque is restituit morsum Zabulo, iste Molorcho.  
 Hinc iterum furor et rabies, et stridor ad astra  
 Excitus horribilis, veluti cum exorta canum lis 380  
 In trivio, aut stridens nexo pede protrahitur sus.  
 Cornibus infestis concurritur undique, fumum  
 In faciem, piceosque ignes sibi mutuo inhalant:  
 Hic ruit ex alto praeceps, hunc ille veruto  
 Trajectum impositumque humeris rapit: ille reluctans 385  
 Infoditur penitus sabulo: atque hinc Euphius, inde  
 Per medias turbas Belial, nec non Melusina  
 Strix anus, et proceres alii compescere dictis,  
 Fustibus et quernis palis certamina saeva  
 Conantur medii. Furiis exercitus amens, 390  
 Horrendum stridens, montes secessit in altos,  
 Dissidiumque ingens oritur. Pars plurima bellum  
 Detrectare palam, nisi dux regat arbiter agmen

V. 369. Avernus. Cfr. III, 60.

V. 372. Ismaelitae, posterl Ismaelis, filii Abrahami ex Agar ancilla, Arabiam incoluerunt. Gen. 16, 15. c. 21, 14 sqq. c. 25, 12 sqq.

V. 376. 377. 378. Bavus, Phegor, Babuel, Zabulus, Molorchus — diabolorum nomina.

V. 385. Edit. Venet. pro reluctans l. sub alto.

V. 386. Edit. Veneta:

Infoditur sabulo: Hinc Babel, hinc Euphius, inde

V. 386. Euphius fictum diaboli nomen.

V. 387. Belial. V, 334.

Humana de gente satus: nil viribus Orcum  
 Posse suis, atque acceptis id cladibus olim 395  
 Compertum toties: quidquid feliciter actum  
 Flagitiis hominum referunt. Pars altera contra  
 Abnuere invisum genus, eventusque sinistros  
 Mortali pariter toties sub principe foedos  
 Objicere: Haec testis rupes, haec conscia saxa 400  
 Perfidiae: hoc ipso nos quondam in monte fefellit  
 Sacrificus Balaam. Castra execrariet olim  
 Isacidum jussus, vates nequissimus ante  
 Consuluit coeli Numen: dehinc proditor ore  
 Fatidico cecinit Sidus fatale oriturum 405  
 Abramidum populo. Sidus fatale refulsit,  
 Splendoremque novum Solymaea in regna sequuntur  
 Memnonii Reges. Confestim hos perdere letho  
 Herodi sumus auctores: ille urbe domoque  
 Excipit: Infantis quin et cunabula demens 410  
 Indicat. Elusis votis, ferro ocus ire  
 In puerum hortamur: fit strages, undique terror,  
 Ira, pavor, luctus: mediis e millibus unus  
 Interea impune elapsus subterfugit hostis.

V. 394. Orcus. Cfr. III, 200 & 201.

V. 401. Edit. Venet. legit:

Hoc ipso, ajebant, nos quondam in monte fefellit

V. 402. Balaam (Bileam) pseudopropheta ex urbe Pethor ultra Euphratem.  
 Num. c. 22 — c. 24 v. 17.

V. 406 & 407. Edit. Venet. legit:

Abramidum populis. Hoc sidus deinde sereno  
 Ostensum coelo Solymaea in regna sequuntur

V. 407. Solymaea. Cfr. I, 6.

V. 408. Memnonius i. q. aethiopicus (Virg. Aen. I, 493. Lucan. III, 284)  
 h. l. memnonii reges sunt illi tres viri sapientes (*Μάγοι*), qui  
 stella duce ab Oriente Hierosolyma venerunt, ut Judaeorum regem  
 natum quaererent. Cfr. Matth. cap. 2.

V. 409. Herodes Magnus, Ascalonita, ex Idumaea stirpe Antipatro patre  
 natus, infantes Bethlehemiticos trucidari jussit. Matth. c. 2.

Heu probrum! heu sero quaesitum turpe timori 415  
 Praesidium! Et quisquam tantarum credere rerum  
 Perjuro generi, infido totiesque rebelli  
 Nunc summam velit? Haec illi. Tanto acrius ira  
 Aestuat. Hinc atque hinc mens, et sententia constans,  
 Obnixique animi studiis discordibus. Et jam 420  
 Indomiti, infraenes, nec passi excedere castris,  
 Nec tolerare moras, in mutua fata ruebant,  
 Tartaream aggressi litem decernere campo.  
 Ecce autem (horrendum visu, et mirabile monstrum!)  
 Ecce, inquam, obscuro in nimbo procul aethere visi 425  
 Veliferi ingentes gauli, centumque triremes  
 Aëriae, innumeraeque rates, cimbaeque minores,  
 Informes cattae, lintres, piceique phaseli;  
 Classis ab Eois quae formidabilis Indis  
 Solverat. Huc Sinae, et Bactra, et Malabarica regna 430  
 Transtulerant rictus varios, et spectra Deorum  
 Innumera. Illa rotis se circumat aëre magnis,  
 Paulatim ad terras spiris ingentibus acta.  
 Vela alii antennis religant, carchesia summa  
 Ascendunt alii; fragor undique nauticus, atque hac 435  
 Atque illac per transtra ultro citroque celeustae  
 Nuda in terga sonant scuticis. In puppibus altis

V. 415 & 416. Pro his verss. Edit. Venet. legit:

Proh scelus! Et quisquam tantarum credere rerum

V. 428. Cattae navium genus. Gell. 10, 25.

V. 430. Sinae (hodie Cochinchina, h. l. pro incolis Chinae, qui Chineses sive Sinenses vocantur.

Bactra (Balk) pro regione Bactriana (Afghanistan).

Malabarica regna (Malabar ora Indiae intra Gangem, quae est occidentem versus) pro India.

V. 431. Rictus h. l. certe larvae (*μορμολύκεια*) sive genii mali. III, 127.

V. 436. Celeustes (*κελυστήρ*) hortator remigum, portisculus. Xen. Oec. 21, 3.

Reginae apparent, fulvo quibus omnibus ora  
 Sparsa vitro, caliendra argentea, vinctaque taxo  
 Tempora inauratis foliis, spartoque ligati 440  
 Horrendum in morem summa cervice capilli.  
 Mox ubi demissae terras tetigere carinae,  
 Continuo immanes volucres, animalia, cephi  
 Exiluere cavis ratibus, Fauni, Satyrisci,  
 Dorcades, omnigenumque Deum sine nomine turba. 445  
 Has inter facies varias regina Amilida  
 (Japones appellant contracto nomine Amidam)  
 Sparsa comas nigro vehitur pulcherrima capro  
 Per medias turbas: quaque infert ardua gressum,  
 Armigero obsequio vexilla hastasque phalanges 450  
 Subjiciunt. Stygii proceres stant undique circum;  
 Quaeque atrox nuper lis orta, utque agmina scissa

- 
- V. 439. Caliendrum (a *καλινδεῖν*, vel *κυλινδεῖν* involvere) mullebro capitis ornamentum, galericulo simile. Italice cuffia vel perruchino (Perücke).
- V. 443. Cephus (*κηφος*) animal apud Aethiopes pedes posteriores humanis pedibus et cruribus, et priores hominis manibus similes habens. Plin. 8, 19.
- V. 444. Fauni ab ethnicis dii agrorum et montium, Satyrisci (parvi Satyri) dii silvarum campestrium sunt habiti. Antiqui Faunos eosdem esse ac Incubos (Paredros, Cf. III, 127), ab iisque infestari dormientes et opprimi credebant. Augustin. de civ. dei 15, 23. Plin. 25, 4, 10. Serv. ad Aen. VI, 776.
- V. 444. Edit. Venet. inter vers. 444 & 445 addit:  
 Semihominesque canes, et tortis cornibus hirci,
- V. 445. Dorcades (a graeco *δορκάς*) damae, caprae, h. l. genus caecodaemonum quoddam.
- V. 446. Regina Amilida. Ceva annotat: Daemon repraesentans Idololatram.
- V. 447. Japones incolae insularum Asiae orientem versus (prope Chinam), ex quibus Imperium Japan constat.
- V. 451 — 454 incl. Edit. Veneta contrahit:  
 Subjiciunt. Stetit illa gravi imperterrita vultu  
 Hinc atque hinc geminas adverso in monte catervas

Turbatis castris geminoque in monte catervas  
 Ostendunt. Stetit illa gravi imperterrita vultu  
 Nunc hos, nunc illos averso lumine lustrans: 455  
 „Et quae vos, inquit, mentis vesania coecas  
 „In furias agit, o miseri? Hoc erat, hoccine bellum?  
 „Huc socias tulimus vires? haec foedera nuper?  
 „Haec jurata fides? in nos condiximus arma?  
 „Plagiferi, ambusti torres, per numina Ditis 460  
 „Horrendi, infernumque Chaos, discordibus ultro  
 „Exitium commune fero. Concurrite utrinque,  
 „Pergite, io! sedeo spectatrix, tertia Erinns  
 „Ex aequo ambobus cladem allatura, scelesti,  
 „Viribus una meis par bello.“ His territa dictis 465  
 Lucifugum mens versa: animis subsidere sensim  
 Irarum fluctus: summis e rupibus acti,  
 Visendi studio, Babel et Mabo bicornis,  
 Et Faunus Simiel Onocentaurusque Molorchus,  
 Atque alii innumeri in mediam descendere vallem. 470  
 Mollius illa animos verbis lenire feroces,  
 Hortarique omnes, dum tempus, dum vacat, et res  
 Integra adhuc, numerusque auctus, spem ponere in armis:  
 Arbitriumque sibi poscit, quo foedera certis  
 Legibus instituat, dirimatque obstacula belli. 475  
 Hic epulae instructae; atque inter carchesia magna,  
 Obscoenasque dapes et ferrea pocula tandem  
 Consilio ducis et procerum, jussuque Amilidae

V. 461. Chaos (a *χάω* vel *χαίρω*) materia coeli & terrae confusa atque informis, qualem initio mundi fuisse dicunt, h. l. pro Inferis ponitur. Ovid. Fast. 4, 600. Lactant. 1, 5.

V. 463. Erinns, Ἑρινός (ab ἐπὶρρύειν indignari) una ex infernalibus furis, saepe ut nomen commune omnium Furiarum accipitur. Propert. 2, 16, 29. Virg. Aen. 2, 337.

V. 468. Edit. Venet. pro 468 — 470 incl. unum versum habet:  
Visendi studio, in mediam descendere vallem.

Lis ita composita : Ut primum discrimina Martis  
 Principe sub Stygio collectis viribus omnes 480  
 Concordes ineant; sin vero prospera pugnae  
 Sors minus acciderit, nec soli obsistere possint,  
 Tunc aliquis demum mortali e sanguine cretus,  
 Foedere conjuncto, belli moderetur habenas,  
 Succedatque oneri. Clamorem ad sidera tollunt 485  
 Assensu unanimes cuncti. Ter flumine salso  
 Et pice liquenti, ter plumbo et sulphure regi  
 Inferno libant, ter nigri felle veneni.  
 Tum choreae enormes. Quatuor cacodaemones, orbi  
 Lumine utroque, hirsuto pectine, pegmate ab alto 490  
 Sambucas chordis gravioribus, et monochorda  
 Unanimes feriant. Pedibus tremit icta bisulcis  
 Saltibus et magnis tellus : ululatibus antra  
 Atque cavae resonant valles. Vae, turba Acherontis!  
 Vae tibi, vulgus iners! vae, nigra examina Ditis! 495  
 Tot strepitus, tot spectra Erebi quo denique vergant,  
 Expecto. Juvat hanc animis modo tergere nubem,  
 Atque meum sidus, nitidumque revisere solem,  
 Quem dudum haud video nebulis inclusus opacis,  
 Vixque adeo intueor, fuligine plenus et umbris. 500

V. 493, Edit. Venet. pro et magnis l. horridis.

V. 494. Acheron (ab a priv. et χαρά, gaudium) fluvius Inferorum a poetis dictus saepe pro ipsis Inferis ponitur. Serv. Aen. 6, 107. Cic. in senat.

Edit. Venet. legit:

Umbrosaeque sonant valles.



# LIBER QUARTUS.

---

## ARGUMENTUM.

Deipara cum Puero in vallem Aeonis ad Divum Joannem Baptistam proficiscitur. In itinere leoni sitienti aquam e puteo haurit. Puella montana, amore Jesu capta, eidem ferre osculum a Virgine Matre impetrat; ejusque jussu in fonte se intuens, mutatam sibi faciem eamque pulcherrimam stupet. Angelus in sinum Abrahae nuncius ad Patres mittitur.

Ergo in valle atra dum talia praeparat Orcus,  
Parthenis interea exierat sub luminis ortum  
Nazareo e pago, parvum visura nepotem  
Elisabe natum; cui summam arcanaque rerum  
Secretis Puer alloquiis committere nondum 5  
Nota genitrici decreverat. Haec tamen olim  
Post casus variosque metus durosque labores  
Evenient. Nunc una amho per iniqua locorum  
Et steriles saltus (ut nuper jusserat Ales),  
Qua via per scopulos gressum in deserta ferebant. 10  
Est prope Jordanem nemorosa et inhospita vallis,  
Zacharidae statio pueri, quem cernere nulli

---

V. 1. Edit. Venet. pro atra l. procul.

Orcus. Cf. III, 200 & 201.

V. 2. Nazareo e pago. Cf. I, 42.

V. 11. Jordanem. Cf. II, 551.

V. 12. Zacharidae pueri. Cf. III, 298.

Scrutarique datum: quodque admirabile dictu,  
 Illius in tota resonabat vocula cremo,  
 Exigui in morem litui argentique canori. 15  
 Saepe viatores mirus sonus ille fefellit,  
 Implexosque diu tenuit; noctesque diesque  
 Erravere jugis alii, quos antra vocabant,  
 Speluncaequae cavae nemorum, et vocalia saxa.  
 Ille habitat rupem non vestigabilis ulli, 20  
 Et modo venatur silvestria sicubi mella,  
 Nunc scabra silice immissa, digitisque pusillis  
 Sollicitat rimis, sua pabula nempe, locustas.  
 Huc igitur peregrini ambo per opaca viarum  
 Delati obscuris lucis et vallibus ibant. 25  
 Ventum erat in montana Endor silvestria; summus  
 Aestus erat; puteus sub collibus unicus, unde  
 Hauribat gelidas omnis vicinia lymphas.  
 Heu fuge, Diva poli; torvus leo circuit undam  
 Egressus silva, atque oculis loca saevus oberfat: 30  
 At non illa ferae ingentis deterrita rictu  
 Continuo ut vidit: Misera haec sitit, inquit, anhela  
 Bellua: tanta illi pietas maternaque cura,  
 Et teneri sensus; abiegna protinus urna,  
 Compede ferrata inserta, lapsuque sonoro 35  
 In praeceps missa, teretis vertigine torni  
 Hausit aquam. Impatiens quadrupes pede rectus utroque,  
 Ut stillans educta udo stetit hydria saxo,  
 Aeger hians gelidæ incubuit, cui mater amoris,  
 At tu, inquit, gregibus posthac ne noxius ullis, 40  
 Neu pueros laede insontes, tenerisque juvencis  
 Parce ferox; catulisque tuis hos praecepe mores.  
 Dumque bibit large mersa cervice comantes

V. 26. Endor urbs in tribu Manasse prope montem Tabor. Cf. Josue 17, 11.  
 Flav. Jos. Antiq., VI, 14. 2.



Illa toros, manibusque júbas mulcebat eburnis.  
 Ut satur eduxit torvum caput undique rorans, 45  
 Rugitum dedit ingentem, quo lucus et omnis  
 Insonuit late tremuitque exterrita vallis,  
 Hermonisque procul montes piscosaque Salim;  
 Caeteraque acta metu subiere animalia silvas.  
 Nulla magis memor officii fera, nulla salute 50  
 Grator accepta; Usque adeo benefacta feroces  
 Submittunt animos. Jam saltum evaserat omnem  
 Parthenis; ecce autem retro conversa jubatum  
 Miratur comitem vestigia pone sequentem.  
 Perge, ait, in silvam, perge, inquam; iterumque morantem 55  
 Supploso increpuit pede terrens, bisque nivales  
 Percussit palmas. Illa aegre in tecta redibat,  
 Instar ovis gradiens placidae timidique catelli;  
 Moerenti similis, quod non pro munere tali  
 Par quidquam obsequio meritoque reponere posset. 60  
 Hinc via per lucum umbriferum, quae ducit ad amnem,  
 Castaneis nemorosa solo fruticantibus, arctos  
 Concisa in calles: folia arida deflua ramis  
 Terram augent intermixtis passim aspera echinis.  
 Hac iter implexum per opaca umbracula agebant 65  
 Maeandris tortis, variisque ambagibus acti.  
 Et prior extricans dumos, ramosque coercens  
 Sedula, per callem exiguum bona Virgo praeibat;

V. 48. Hermon, mons Palaestinae, pars Libani. Jos. 11, 17. cap. 13, 5.  
 Salim (Σαλίμ) nomen loci prope Jordanem & urbem Aenon, ubi  
 Joannes baptizabat. Cf. Joann. 3, 23, I Sam. 9, 4.  
 Hic versus in Edit. Venet. deest.

V. 53. Edit. Venet. pro Parthenis scribit: Nazaris.

V. 66. Maeandrus fluvius in Phrygia magna sinuosus flexibus: hinc om-  
 nes obliquitates et ambages Maeandri dicuntur. Plin. 5, 29, 31. Cic.  
 Pis. 22. Gell. 16, 8.

Edit. Venet. pro Maeandris tortis l. Maeandro inflexo.

Cum densos inter vepres pulcherrimus Infans,  
Cui matris dolor atque exercita cura parumper, 70  
Et tenera anxietas fletusque placebat amantis;  
Populea furtim sese occultavit in umbra.

Illa tamen coeptos sermones nescia fraudis  
Usque sequebatur, ventis verba irrita jactans.  
Ah misera! ut vertit sese, nec vidit; ut omnis 75  
Extemplo fugit praecordia in intima sanguis!

Jamque adeo lacrimans implebat cuncta querelis,  
Pallidior buxo, vestigans omnia circum:  
Cum media erumpens inter lamenta Puellus  
Ex improvise coram stetit. Ah! meus infans, 80  
Quam pene exanimis rigui! Amisisse putaram.  
Sic ait, arripuitque manu nive frigidore:  
Pectora adhuc gelido saliunt concussa timore.

Multa hic praetereo, quae si memorare canendo  
Cuncta velim, diversa nimis mihi carmina aberrent. 85  
Rem tamen obscuram fama juvat ordine totam  
Eruere in lucem, et seris committere seclis,  
Si quis honos musis post longum accesserit aevum:  
Unde queant olim silvestres discere Nymphae,  
Simplicitas quam cara Deo, quam grataque Divis 90  
A teneris exacta annis sine labe juvena.

Jam medium ferme sol conscensurus Olympum  
Hortabatur equos, et fraena resolverat aurea;  
Cum Maria et pulcher Jesus deserta per arva  
Thaboris ad laevam frondoso colle relicto 95

V. 78. Edit. Venet. pro vestigans l. lustrabatque.

V. 89. Nymphae silvestres i. q. puellae rusticanae.

V. 92. Olympus (Ὀλυμπος, ὄλος λάμπων). Complures montes Olympi vocabantur. Praecipue a poetis Olympus mons Thessaliae celebratur. Saepe pro coelo ponitur. Mela 2, 3. Virg. Ecl. 6, 86.

V. 95. Thabor (Ἱαβύριον) mons mediae Galilaeae prope Nazareth in finibus tribuum Isaschar & Zebulon. Jer. 46, 18. Jos. Antiqq. 5, 5. 3.

Transierant vitreum, qua glarea sicca, Cisonem.  
 Jamque propinquabant Sunae, quae vertice in alto  
 Eminent aërii collis, cui pascua circum  
 Tractibus et nemorum longis juga consita olivis.  
 Hic capreas inter tondentes gramina vallis 400  
 Invenere bonam succincta in veste puellam,  
 Vecte duas tereti ac lento quae forte gerebat  
 Fagineas humeris situlas et vertice plenam  
 Lacte urnam tepido, cui laevam admoverat; ore  
 Illa quidem fusco, nam dudum exercita campis 405  
 Sole sub aestivo; at simplex et candida, nec dum  
 Saucia amore ullo, quanquam tres circiter annos  
 Jam tribus addiderat lustris. Haec numine viso,  
 Quo non in terris puer unquam pulchrior ullis  
 Ore fuit, qualem nequicquam fingere ceris 410  
 Cinnabari ad vivum Lucensis cura laboret,  
 Coelesti exarsit flamma correpta repente,  
 Atque sui atque oblita gregis sic ore locuta:  
 O mater, quo pulchrum adeo per iniqua viarum  
 Delicium trahis, heu, Titan dum flammeus axe 415  
 Saxa coquit, flagratque dies ferventibus horis?  
 Haud procul hinc mihi parva domus: secedito ad umbram  
 Paulisper, donec coeli desaeviat ardor,  
 Adspiretque brevi quae temperat aura calorem.  
 O quam te memorem? Dic o quibus advena ab oris? 420

V. 96. Cisonem. Cf. II, 30.

V. 97. Suna (Sunam), urbs tribus Isaschar in via, quae ducit a Gilgal ad Carmel montem. Cf. Josue 19, 18. II Regg. 4, 8.

V. 99. Edit. Veneta:

Et longo nemorum tractu juga consita olivis.

V. 111. Lucensis cura i. e. cura Lucae. Lucas, auctor tertii Evangelii et Act. Apost., insignis pictor fertur fuisse (Niceph. hist. eccles. lib. 6, c. 16), quae vero res non omnibus probatur. Cf. Montfauconii Palaeogr. p. 21. Sixti Senensis biblioth. lib. 2.

V. 115. Titan, Hyperionis filius, qui passim pro Sole ponitur. Tibull. 4, 1, 50.

Quid tantum potuit vallis deserta mereri?  
 Nam puto te Solymis natam, quam fors mala nostris  
 Errantem impulerit terris; non ista puellas  
 Fert siquidem regio tales, nec parvulus iste  
 Agresti de rure venit. Tum regia Virgo 125  
 More suo arridens, risu quo cuncta serenat,  
 Quove genis accedit honos visque aurea dictis:  
 O gnata, o nostros, inquit, miserata labores,  
 Quae tibi pro meritis, paupercula et ipsa, referre  
 Dona queam? Siquidem nobis quoque parva supellex, 130  
 Assuetaeque manus calathis; atque hic bonus infans,  
 Qui mecum graditur, sortem fert aequus eandem.  
 Nazarides sumus: Aenonis nisi dissita vallis,  
 Quam petimus, celerare gradum, solemque praeire  
 Cogeret, haud equidem (tanta est tibi gratia fandi) 135  
 Hospitium abnuerem. Hic studio queribunda puella  
 Extenuare viam, digitoque ostendere colles,  
 Vicinumque amœnæ, et multum superesse diei.  
 Quanquam etiam noctem si fas traducere nostris  
 Montanis laribus, non pauperis, inquit, agelli 140  
 Munera, quinctiles uvae, melimelaque deerunt,  
 Atque olera et poma, et foliis suffultus acernis  
 Lectulus; et quidquid locus asper, et invida votis  
 Pauperies tulerit. Dein subdidit, ut prope silvam  
 Jordanis nulli deprensa huc usque per auras 145  
 Vox incerta sonet, scopulisque et montibus erret.  
 Multi illam studio nequicquam, atque aure secuti  
 Saepius amnicolae; multos per devia traxit,  
 Implicuitque error. Sed non his Diva moveri,

V. 121. Edit. Veneta: Quid tantum haec potuit.

V. 122. Solymis. Cf. I, 6.

V. 133. Aenon (*Αἰών*) urbs prope Jordanem juxta Sallm (IV, 48).

Cfr. Joann. 3, 23. Ludov. de Dieu Critica sacra p. 495.

Neo comitem velle; et manibus retinere sequacem, 150  
 Ac vultu officiosa bono lenire dolentem,  
 Seque brevi reducem multis promittere. At illa  
 Obsequio precibusque moras innectere: Saltem  
 Vicinum liceat tecum mihi scandere montem,  
 Unde, ait, angustum callem flexusque viarum 155  
 Ostendam paucis compendia nota: meisque  
 Interea, supplex oro te, quaeso, parumper  
 Filiolum committe ulnis, qui jam nequit ultra  
 Exiguos passus trahere inter saxa. Nec istud  
 Diva tulit, variisque modis fallebat amantem, 160  
 Quam nullis poterat procul inde avellere dictis.  
 At saltem, ajebat, saltem hoc ne despice lactis  
 Lassa viae exiguum, quod fas mihi porgere donum:  
 Ipsa manu expressi nuper. Simul haec, simul urnam,  
 Et situlas posuit, mersitque in lacte salignam, 165  
 Eduxitque gravem pateram, quam Virgoprehendit,  
 Admovitque labris Pueri; tum nectaris hausit  
 Quod reliquum fuerat: nec, rursum ut sumeret, ullae  
 Obtinere preces. Rursum instaurare querelas,  
 Rursum inopes offerre lares. Sed denique victa 170  
 Haud tenuit lacrimas; atque utraque brachia tendens  
 Exigui pretium potus (ah quale!) poposcit.  
 Mater, ait, quando famulam comitemque recusas,  
 Nec te alias reducem forte unquam lassa revisam;  
 Per te, per superos, perque haec gemina ubera, pulcher 175  
 Quae Puer hic quondam pressit; permitte puello  
 Suaviolum libare tuo: nil poscimus ultra.  
 Quid non ingenuus candor moresque pudici,

V. 154. Edit. Venet. pro mihi scandere l. conscendere.

V. 172 in Edit. Venet. desideratur.

V. 178. Ed. Venet. pro ingenuus habet: virgineus.

Caraque pastorum simplex audacia possint!  
 Nam meruit felix (quod non permiserat ulli 180  
 Coelica sors) unum labris, duo ferre tenellis  
 Oscula pura genis. Tum candida Parthenis: I nunc,  
 Sisque memor nostri. Procul hinc seatet exiguus fons:  
 Quam primum invenies, pecora illuc cogito: postquam  
 Grex omnis biberit, vitrea te respice in unda. 185  
 Dixit, et in viridem collem vestigia torsit!  
 In collem, unde amnis longas nemus inter opacum  
 Cernitur ire vias, et amoena serpere valle.

Multa movens animis ibat quoque rustica virgo,  
 Fragrantemque via redolentis lychnidis auram 190  
 Attonita hauribat: qualem violaria nulla,  
 Nec rosa, nec salianca recens, nec amaracus halant.  
 Unde odor hic mirus? quae vis? quae copia florum?  
 Unde aura e coelo adspirans tam suaviter ori?  
 Constitit explorans vestes, et singula mirans 195  
 Ter circumspexit; patulis ter naribus ambas  
 Admovitque manus: sed quis deprenderet unquam?  
 Quippe labris fragrans ille haeserat halitus; illis,  
 Queis tria Nazario nuper dedit oscula Flori.

Venit ad umbrosam platanum, quam subter opacus 200  
 Alluerat rivus: rivum obsedere capellae  
 Continuo, saturique haedi: atque, ubi pura quievit  
 Lympha vitro similis, super astans vertice prono  
 Se liquido in speculo vidit: deceptaque visu  
 Restitit extemplo. Vix primum credidit undae: 205  
 Lumina bis vertit retro, si forte puella  
 A tergo peregrina foret, quae cerneret amnem;

V. 179. Ed. Venet. habet:

Ingenuusque amor, et simplex audacia possint!

V. 190. Edit. Venet. pro lychnidis l. aromatis.

V. 194. Ed. Venet. omittit.

V. 207. Ed. Venet. legit: insisteret amni pro cerneret amnem.

Bis mersit furtiva manum, si forte sub undis  
 Altera virgo foret, stagno quae pulchra lateret.  
 Non erat illa prior. Dictu res mira! capillos, 210  
 Ora, genas, vultus speciem mutaverat omnem.  
 Nympha videbatur, quales finxere poëtae  
 Corycias nymphas venatricemque Dianam.  
 Quae nova mi facies! quo nuper fusca recessi?  
 Atque ubi meme ipsam demens oblita reliqui? 215  
 Me rapuit certe latrunculus ille Puellus,  
 Atque aliam mihi substituit. Sic illa furebat;  
 Miraturque anceps, cur fons crystallinus illi  
 Non aliter vestem pariter, crateraque pingat.  
 Ter frontem rugis contraxit, terque serena 220  
 Explicuit, formam experiens; ter candida risit:  
 Mille modis variis finxitque corallina labra,  
 Composuitque comas, humerisque aptavit utrisque,  
 Intenditque oculos, et movit eburnea colla:  
 Quasque magis decuit formas se flexit in omnes, 225  
 Nec potis est amens viridi discedere ripa.  
 Discessit tandem notis incognita silvis.  
 Utque domum rediit, matremque patremque fefellit,  
 Cuncta renarravit; dubium quibus abstulit omne  
 Vox prior, et naevus faciei in parte relictus, 230  
 Nativaeque genis picae. Miracula fontis

V. 213. Edit. Veneta:

Corycias divas nemorum armigeramque Dianam.

V. 213. Coryciae nymphae antrum Corycium ad Parnassi montis radices in Phocide, Graeciae regione, incolebant. Ovid. Heroid. 20, 231. Metam. 1, 320.

Diana (*Ἀρtemis*) filia Jovis et Latonae, venando silvas incoluisse fertur, quam ob rem silvarum et nemorum Dea putabatur. Mela 1, 17. Cic. de nat. Deorum, 2, 27.

V. 218. Edit. Venet. pro *anceps* l. *etiam*.

V. 224 in Edit. Venet. omittitur.

Continuo pagos vulgavit fama per omnes;  
 Atque illuc multae indigenae venire puellae,  
 Quae miserae elusis votis in tecta redibant.  
 Multi etiam thalamo pulchram sibi jungere nympham 235  
 Optavere proci, quos illa exosa maritos  
 Aversata fugit, nemora inter frondea vitam  
 Exactura brevem; namque illam funere acerbo  
 Mors tulit impatiens septem post invida lunas.

Historiae haec series. Nomen longinqua vetustas 240  
 Improba surripuit, quae saxa atque aera maligno  
 Dente terit. Verum ne, virgo, ignota vageris,  
 Dictaque ad arbitrium vulgi, ut solet, ora pererres,  
 Non ego de plebe obscura, nec perbrevis aevi  
 Cognomenta feram. Magnum et memorabile nomen 245  
 Ipsa suum, agresti quamvis, tibi commodat Anna  
 Auria, Pamphylliae gentis decus; ipsa vocari  
 Pamphylliam sinit, et patrio cognomine donat.  
 Tuque, genus claro Heroum de sanguine ducens,  
 Silvestris meritum ne dedignare puellae: 250  
 Namque hic antiquus mos cunctis vatibus, aevum  
 Adversus ferrugineum immortalibus uti  
 Nominibus, quoties Musis gentilia desunt.  
 Nec mihi fas modo (nam properant jam proxima metae  
 Carmina) longaevi causas evolvere juris. 255  
 Est tibi Romuleo in Pindo germanus Apollo,

---

V. 234. Edit. Venet. pro miserae l. tamen.

V. 248. Pamphyllia regio Asiae minoris ad mare mediterraneum.

V. 256. Pindus (*Πίνδος*) mons Thessaliae, in quo, uti in Parnasso et Helicone, Musae collocantur. Plin. prooem. 4 et ibid. 8, 15. Virg. Eclog. 10, 11. Romuleus Pindus i. q. sedes Romm. poetarum.

Germanus Apollo. (Cova adnotat: Bened. Pamphylius S. rom. eccles. Cardinalis). Pamphilius (nat. 1653, mort. 1730) poeta et orator, Epigrammata, Odae, Orationes aliaque scripsit. Cfr. Mando sii bibliotheca romana.



Cui cithara, et Tyrio fulgentes murice vittae;  
 Illius ergo soror, pariterque Ligustica Phoebe  
 Magna Quirinali scitare oracula colle:  
 Vatibus ille praeest sacris, teque ista docebit. 260  
     Talibus illecebris blandissima Virgo solebat  
 Jam tunc illa suos felices reddere amantes;  
 Quo nos extimulet pariter tam pulchra cupido,  
 Exiliique moram fallat spes alma fruendi.  
 Nam si quando domos superas det adire beatas 265  
 (Spero equidem) Puer ille Deus, quem reddere cantu  
 Praesentem, ut possum, caeca in regione laboro;  
 Quanta erit illa animis exundans dia voluptas  
 Cum Genitrice tua, et tecum, pulcherrime rerum,  
 Per magni stellata poli convexa vagari, 270  
 Et reputare annos, et laeta, perennia lustra,  
 Aeternumque illic obeunda expendere secla!  
 Quam vobis, superi, invideo! vobisque, tenelli  
 Lactentes, Libitina manu quos vellit acerbos,  
 Ut ferrugineas violas, ut persica nata 275  
 Primitias ruris, veniens quae sedula agrestis  
 Urbanis dominis consuevit ferre canistris,  
 Laetitiam exactae brumae spemque uberis anni.

V. 257. Tyrio murice. In mari circa Tyrum, urbem maritimam Phoeniciae, laudatissimae purpurae capiebantur, ex quibus optimus color Tyrius dictus. Propert. 4, 5, 22. Ovid. Met. 6, 222.

V. 258. Ligustica, i. e. ad Liguriam pertinens, regionem Italiae alpi- bus maritimis, Apennino, Etruria et Ligustico mari circumscriptam. Phoebe Cf. II, 1.

V. 259. Collis Quirinalis (Monte cavallo) unus ex septem Romae urbis colli- bus. Ovid. Fast. 2, 511.

V. 263. Edit. Venet. pro tam pulchra l. divina.

V. 265. Edit. Venet. pro superas l. fessis.

V. 274. Libitina i. e. Proserpina, Plutonis uxor, regina Inferorum, mor- tuis praeesse putabatur: metonymice pro morte ipsa. Juven. 14, 122. Hor. Od. 3, 30, 6.

(Quantum restat adhuc lasso maris aequor arandum!  
 Septem adeo vitae superesse miserrima lustra 280  
 Quantum fila trahens in longum extendere possum)  
 Fingo mihi; atque his exactis, cum spiritus istis  
 Se primum exuerit membris, erit alea jacta  
 Alterutra, heu! seclis jam non revocabilis ullis.  
 Tu mihi Divinum Puerum, sanctissima Mater, 285  
 Redde, oro, facilem; fac, oris anhelitus ille  
 Supremus sit Virgo tuus; Te nomine saltem  
 Ter vocet; et toties repetat vox ultima Jesum.

Me rapuit subitus sublimem in sidera fervor:  
 Nunc Mariam et Puerum sacra in deserta sequamur, 290  
 Et celeremus iter; nam lux jam sera propinquat,  
 Jordanesque procul nebulis surgentibus albet.

Huc Peregrina Parens jam lassa ad fluminis undam  
 Venerat, et tenera paulum requierat in herba,  
 Culmina suspiciens sacri procul ardua montis: 295  
 Cum pueri vox clamantis audita per omnes  
 Anfractus virides nemorum auditumque canorum  
 Per juga, per valles carmen: „Sit semita recta,  
 Aequalesque vias Hominique Deoque parate.“  
 Haec erat illa sonans per celsa cacumina eremi 300  
 Vocula, quae plures saepe errabunda fefellit.

---

V. 292. Jordanesque. Cfr. II, 351. Edit. Venet. mutat surgenti-  
 bus albet in: albescit aquosis.

V. 298 seq. Sit semita recta etc.

Matth. 3, 3. Marc. 1, 3. Luc. 3, 4.

V. 301 inter et 305. Edit. Venet. hosce sex versus, qui in ed. princ. Me-  
 diol. non leguntur, addit:

Nam modo de scopulis resonat, nunc exit ab antris,  
 Perque umbras nemorum, lucosque lacusque resultat.  
 Haud secus interdum densis abscondita ramis  
 Parva avis ingentem replet modulamine silvam.  
 Ipsa latet, trepidis nisi quantum intermicat alis,  
 Perque nigras volitat frondes umbrosaue tecta.

Atque haec vox eadem perplexum denique nodum,  
 Exacto bello postquam bis fractus Avernus,  
 Nuncia divini Solis postrema resolvat.

Et jam vesper erat, clivo cum visus ab alto 305  
 Parvus eremicola ad fluvium decurrere anhelus,  
 Lactitia exultans; cui villis hirta cameli  
 Tergum pellis obit, sunt cruscula nuda lacertique,  
 Et parva in manibus crux lignea nexa papyro.  
 Jamque aderat cursu exhaustus, gressusque tenere 310  
 Per declivia vix poterat, tenuitque ruentem  
 Parthenis ipsa ulnis, gremio complexaque toto.  
 Una omnes pariter viridem conscendere collem.  
 Hinc Jesum, hinc tenerum, Virgo, trahis alma nepotem,  
 Speluncamque subis. Intus scabra pumice tecta, 315  
 Exiguusque sonat rivus: circum humida tophis  
 Saxa madent vitreis guttis: cras ire secundo  
 Unanimes Jordane parant, dehinc vespere colles  
 Circum ire umbriferos, perque herbida prata vagari  
 Conducunt. Nunc somnus adest, quem confraga vallis 320  
 Conciliat, passimque altis de rupibus acti  
 In praeceps rivi. Tacitis it Cynthia bigis  
 Picta vadis late stagnantibus: illius altis  
 Clara interlucent argentea lumina ramis.

Atque his deliciis placida dum nocte fruuntur, 325  
 Abrami interea sub terris abdita regna  
 Nuncius aetherius coelo delapsus adibat,  
 Captivis Patribus summi mandata Parentis

---

V. 312. Edit. Veneta:

Parthenis ipsa ulnis, gremioque amplexa recepit.

V. 322. Cynthia i. e. Diana, Luna. In Cyntho, monte Deli, Apollo et  
 Diana nati altique sunt: hinc Cynthius ille appellatus, haec  
 Cynthia. Plin. 4, 12, 22. Hor. Od. 3, 29, 12.

V. 326. Abdita regna. Cf. Ps. 16, 10. (Vulg. 15, 10) I Petr. 3, 19.

Laeta ferens. Urbs antiquis circumdata muris  
 Ima in valle jacet; quam primus dicitur hospes 330  
 Abeliā dixisse suo de nomine, caesus  
 Invidia fratris. Turres et tecta domorum  
 Praetexunt ederae et myrti, semperque virentes  
 Intonsae pinus, oleaeque aeternae laurus.  
 Aëre sed tristi lux intermortua fulget, 335  
 Albentesque lacus circum ardua moenia lucent:  
 Atque oculis quantum pacatus subjacet amnis,  
 Aëriae in ripis platani, atque aurantia mala,  
 Egressaeque altis stirpes arbustaque muris  
 Incumbunt stagnis, et opaco tegmine inumbrant. 340  
 Ipse sui in foribus lethi caelaverat Abel  
 Casum infelicem. Genitor super, orbaque mater  
 E campo rediens, spicis et sesamo onusta,  
 Flere videbatur juvenis miserabile corpus  
 Sanguine turpatum. Mors primum egressa sub auras 345  
 Miratur terras, sua regna: insigne cruentum,  
 Possesso defixa agro stat saeva securis.  
 Multa in vestibulo dextra laevaue vetustis  
 Extuderat pariter saxis, et sculpserrat aere.  
 Protinus impulsis valvis bipatentibus Ales 350  
 Coram introgressus matrum juvenumque piorum  
 Concursu in magno medius stetit; atque ita densum  
 Umbrarum affatur vulgus, „Laetissimus adsum  
 „Nuncius, Abramidae. Quamprimum innupta puella,  
 „Omina laeta ferens, lorica insignis et hasta, 355  
 „Huc aderit, primo sublata in flore juventae.

V. 330. Primus hospes scil. Abel, Adami filius. Cf. Gen. 4, 1 — 16. Matth. 23, 35.

V. 345 inter et 346. Ed. Venet. interjecit:

Piniferi haud longe stans alto in vertice montis

V. 354. Innupta puella i. e. Judith. Cf. Lib. V, 399 sqq.

„Illa triumphato victrix memorabit Averno  
 „Illatam cladem, et vestris se Manibus addet.  
 „Vos tamen interea, quorum de stirpe puellus  
 „Prognatus Deus, hinc mecum decedere, Patres, 360  
 „Paulisper superi indulgent. Datur ora nepotis  
 „Cernere, colloquiisque frui. Vos inter amoenos  
 „Perpetuo autumnus colles, secretaque rura  
 „Abscondam, et coram opportuno tempore sistam.”  
 His dictis festus sublatus clamor ad auras, 365  
 Et simul exortus fletus: nam turba relicta,  
 Multa gemens, supplexque manus tendebat utrasque  
 Divini Pueri, atque aurae coelestis amore.  
 Praecipue Infantum, quos primo in limine vitae  
 Regis Idumaei jussu ferus hauserat ensis, 370  
 Flebant exigui manes umbraeque pusillae,  
 Vulnere adhuc niveis humeris defixa gerentes:  
 Quos circumfusus divellere dulcibus Ales  
 Promissis, dictisque bonis retinere laborat.  
 „Parcite lacrymulis nunc o, mea cura, puelli: 375  
 „Vos ego, deliciae, et miserae Rachelis amores  
 „(Haud mora longa) iterum regna haec antiqua revisens  
 „In lucem referam, et socios comitesque beatis  
 „Coelicolis addam, cum se pulcherrimus Infans  
 „Nazareis tandem manifesto Numine reddet.” 380  
 Sic ait. At laeti proavi sanctique parentes  
 Virginis ingressi latebrosae viscera terrae,  
 Multa patrum, et turbae insontis mandata Puella,  
 Votaque commissa, et gemitus lacrymasque ferentes,  
 Exuviis vincti et manicis squalentibus ibant. 385

---

V. 357. Averno. Cf. III, 60.

V. 370. Regis Idumaei. Cfr. III, 409.

V. 372 omisit Ed. Venet.

V. 373. Rachelis, filiae Labani. Cf. Gen. 29, 16 sqq. Matth. 2, 18.

Ventum est post flexus varios in luminis auram,  
 Qua dives campis vasto lentissimus alveo  
 It Phison, silvaeque lacum montesque coronant.  
 Hinc iter ingressos adverso flumine eoum  
 Ad solem ductor vestigia tendere jussit. 390  
 Ipse pios manes vario sermone tenebat,  
 Multa arcana docens; nimirum ut prodere sese  
 Divino fulgore Puer decreverit almus  
 Moerenti patriae, ut frendens nequissimus atris  
 Carceribus ruptis totoque Acheronte refuso, 395  
 Praesagus magni excidii proruperit Orcus;  
 Utque olim ventura dies, quae cuncta tenebris  
 Obsita paulatim demum caligine solvet.  
 Quam late, ajebat, populis atque urbibus ingens  
 Undique telluris nunc circumfunditur orbis, 400  
 Oceanum super, et noti confinia mundi,  
 Coeca superstitio terris noxque incubat atra.  
 Pars coelo errantem lunam fulgentiaque astra,  
 Pars pecus undosi pelagi volucresque ferasque,  
 Semiferos homines, stirpes arbustaque adorant. 405  
 Exoptata diu tandem lux alma propinquat,  
 Qua nova Religio penetralibus inferat ignes  
 Sacrilegis, et fana Deum delubraque vertat.  
 Jamque procul lauris umbratum tempora cerno  
 Insignem pietate Ducem, quem Baetis in amplum 410

V. 397. Edit. Venet. pro vasto l. vitreo.

V. 398. Phison unus ex quator fluviis, qui e terrestri Paradiso egrediuntur. Aliis Nilus, aliis Ganges, aliis Phasis. Gen. 2, 8. c. 3, 23. Ugolini thesaur. antiqq. sacr. Tom. VII.

V. 395 et 396. Acheron. Cf. III, 494. Orcus. Cf. III, 200 et 201.

V. 410. Insignem pietate Ducem i. e. Theodosium Magnum, Hispanum, qui a Gratiano Imperatore ann. 379 in regnum adscitus devictis Gothis doctrinam remque christianam imprimis adjuvit. Cf. Theodor. hist. eccl. V, 18. Sozom. hist. eccl. VII. Baetis (nunc

Terrarum imperium mittet, caesoque tyranno  
 Victor aget quondam Tiberina ad flumina currus.  
 Hic Diis excidium reliquis, arisque ruinam  
 Supremam indicet: Cerealia sacra, Hecatombas,  
 Orgiaque, et priscis eradet Adonia fastis, 415  
 Solemnes ritus. Tum libera cuique potestas  
 Fatidicas quercus, sacros excindere lucos,  
 Vim templis inferre, aurum asportare profanum.  
 Turba Deum dejecta aris, pars aere recuso  
 Romanas aquilas, et Caesaris induet ora, 420  
 Pars thermis accedet honos: late undique victrix  
 Cuncta solo exaequans pietas, invecta per urbes,  
 Per medios Grajos, Aegyptum, atque Arcadas ibit,  
 Ruderibus super aggestis tumultisque Deorum.  
 Ante tamen quanto pinguescent sanguine campi 425  
 Europae atque Asiae! quantus cruor ibit in omnes  
 Hesperiae fluvios! Circis mediisque theatris  
 Objecti pardis alii, candentibus igni  
 Usti alii lamnis, rapti in diversa quadrigis

Quadalquivir) fluvius Hispaniae, qui in confinio Tarraconnensis provin-  
 ciae oritur. Plin. 3, 1, 3. Mart. 12, 99.

V. 412. Tiberina ad flumina. Tiberis (Tybris, Tibris, Tevere)  
 fluvius Etruriae ex Apennino ortus aliisque fluminibus auctus Romam  
 interluit. Plin. 3, 5, 4. Hor. Sat. 2, 1, 7.

V. 414. Cerealia sacra i. e. sacra Cereris (*Δήμητρος*) inventricis et  
 Deae agriculturae. Cic. N. D. 2, 26. Ovid. Fast. 4, 497.

Hecatombe (*ἐκατὸν βοῦς, ἐκατόμβη*) sacrificium, quo centum  
 boves vel aliae victimae immolabantur. Herod. 4, 179.

V. 415. Orgia (*Ὀργια*) sacra nocturna Bacchi, quae varilis ebrietatis sig-  
 nis celebrabantur. Catull. 64, 259. Virg. Aen. 6, 517.

Adonia (*τὰ Ἀδώνια*) sunt festa Adonidi dicata et quotannis mense  
 Junio Antiochiae quondam celebrata. Hieronym. in Ezech. 8, 13, 14.  
 Kreuzer Symb. II. p. 86 seqq.

V. 423. Arcadas. Arcadia regio in media Peloponneso.

V. 427. Hesperia i. e. Hispania itemque Italia, quam Virg. (Aen. 1, 573)  
 magnam Hesperiam vocat.

Per fora, conscissi loris, data pabula flammis. 430  
 Heu pietas! circum tedas uncosque rotasque  
 Stabunt orantes matres teneraeque puellae  
 Carnifices lassos certatim sole cadente  
 (Dum sinit usque dies) supponere colla securi,  
 Adjungique aliis. O mors, ubi terror? ubi illa 435  
 Formidata acies ferri, veteresque triumphi?  
 At veluti nivibus tectus, gelidisque pruinis  
 Vere novo pubescit ager, seque exerit annus  
 Laetior; haud aliter saeva inter funera vultus  
 Alma fides tollet. Scythicis florescere eremis, 440  
 Thebanisque jugis deserta horrentia cerno.  
 Ille feras posito ingenio mansuescere coget:  
 Hic mare fluctisonum sibi remex, atque carina  
 Sulcabit medium: hic nimbos, hic flumina sistet.  
 Illyrium, Eurotas, Portus Lunae, ardua Lygdos, 445  
 Et Phrygii, et Parii montes vix marmora templis  
 Sufficient. Venient annis quoque tempora seris,  
 Cum super oceanum, quo nondum accesserit auri  
 Regnandique furor, felicia carbasa tendet  
 Religio. Jacet extra orbem sine nomine tellus 450

V. 440. Scythicis. Cf. III, 179.

V. 441. Thebanisque jugis. Thebais regio superioris Aegypti contermina Aethiopiae et desertorum Africae. Plin. 5, 9, 9.

V. 443 et 446. Illyrium (Illyricum, Illyria) ampla regio ad mare adriaticum inter Tergestum et Macedoniam. Cellar. Geogr. antiq. lib. 2, c. 8. sect. 5. Eurotas (hodie Basili potamo), fluvius Peloponnesi, Spartam alluens, cujus ruinae haud procul a Misitra extant.

Portus Lunae. Luna (hodie Lavenza) urbs maritima Etruriae portu et marmore nobilis. Plin. 36, 6.

Lygdos (λύγδος) sive lygdinus, lapis candidus in insula Paro, quae una Cycladum in mari Aegaeo marmore candido clara est, quod et lygdinum et lychnites appellatur.

Phrygii montes. Cf. I, 263.

V. 450. Sine nomine tellus i. e. Peruvium (Peru) regio maritima Americae meridiem versus.



Exul adhuc ponto, unde auro super illita primo  
Augustae niteant Romana Sacraia Divae.  
Quin etiam extremos superabit puppibus Afros,  
Litora curva legens, jubar allatura remotis  
Gentibus, inque omnes sonus ibit coelicus oras. 455

Talia narrantem dextra laevaue frequentum  
Circumstat populus Patrum, comitesque sequuntur;  
Ignari, alatus ductor quas tendat in oras,  
Quove ferat; pariterque viam cursumque tenebant.

---

V. 453. Romana sacraia Divae. Templum S. Mariae Majoris Romae.



# LIBER QUINTUS.

---

## ARGUMENTUM.

Aves tartareae Virginem in valle cum d. Joanne Baptista observant, idque in castris nunciant, et bellum sollicitant. Deus Pater Angelo mandat, ut coelestem Puerum cum Genitrice in Paradisum terrestrem transvehat. Juditha in somnis ab Angelis armatur adversus hostes. Describitur iter aëreum in terrestre Elysium, et clades Daemonum in valle Aeonis.

Rem prope coelestem si cui spectare voluptas,  
Huc celer appropere, Reginamque aetheris illa  
Florifera in valle aspiciat, quae colligit herbas.  
En, niveos succincta sinus intenta labori,  
Ut sese inclinat passim, qua primula visa; 5  
Aut visus crocus, aut apium; tenerumque nepotem,  
Qui cōmes ingreditur, propius dignoscere anethum,  
Fragrantemque docet thymbram montanaque fraga.  
Ocyus accelerate gradum, nil pulchrius unquam  
In terris visum: viridem hunc ascendite collem: 10  
Huc oculos, donec pulcherrima durat imago.  
Heu, cur tam subito species tam dia recessit!  
Heu, gremio redivit in penetralia dives onusto!  
Nam vespertinis jam rorant gramina gemmis,  
Atque humiles circum nebulae prata humida opacant. 15

Sit male praecipiti nocti, quae sole remoto  
Talia nil carans mihi surripit invida velo.

Ecce autem excelso in ramo Cocytia cornix  
Constiterat, foedusque corax, quas undique saevus  
Sparserat excubias ductor, vigilesque locarat. 20

Ut vero incolumem Divam agnovere volucres  
Tartareae e pratis reducem, intrantemque penates,  
Protinus insonuere alis: Acherusia castra  
Desertis adiere locis, raucumque locutae  
Nubivagum in vulgus, quae nuper visa tulere. 25

Nec minus interea demisso vertice tristes  
Exploratores lemures, quorum improbus unus  
Obscoenae in speciem vetulae jam liquerat auras,  
Nazario e pago delusi in castra redibant:  
Et male rem gestam, atque aedes patriamque relictam, 30  
Sublatumque fuga Puerum cum Matre ferebant.

Diditur extemplo rumor, fragor undique et ingens  
Concursus stygius picea ad tentoria regum:

Bella volunt, poscuntque feri: Nunc tempus inermes  
Praedari inclusos latebris; nunc, siquid Olympus 35

Contra ausit, tentare juvat. Pars nubila densat,  
Horrificumque serit nimbum, pars nititur hastis,  
Pars ferrugineis contis. Vox omnibus una,

In vallem Aenonis transferre horrentia castra,  
Et celerare viam nimbis. Nemore abditi opaco 40  
Concilium inter se procures de rebus agebant.

---

V. 18. Cocytia. Cf. III, 307.

V. 22. Tartareae. Cf. III. 200 et 201.

V. 23. Acherusia. Cfr. III, 494.

V. 27. Lemures. III, 57.

V. 33. Stygius. III, 112.

V. 35. Olympus. IV. 92.

V. 39. Aenonis. IV. 133.

Haec Pater omnipotens cernens de vertice Olympi,  
 Impia bella manu statuit confundere inermi.  
 Sed Puerum interea diva cum Matre per auras  
 Trans Orbem profugum Paradisi abscondere in hortis 45  
 Inter amoena jubet prata aeternosque recessus.  
 Ergo ad se Genium Mariae vocat, atque ita fatatur:  
 Vade age, sidereo in terras delabere curru,  
 Progeniemque meam cum Virgine praepete nimbo  
 Transfer in Elysii terrestres protinus agros, 50  
 Quo Patrum Abramidum nuper praemisimus agmen:  
 Atque illic lateant, donec desaeviat atri  
 Tempestas belli. Socios quoque valle receptos,  
 Quisque sua ut maneat vigil in statione, moneto.  
 Atque ubi concordēs hostes temeraria bella 55  
 Excierint, vos hanc terris avertite pestem,  
 Ne solem ulterius, puramque obnubilet auram.  
 Dux vobis imbellis erit virguncula: tali  
 Fas duce percussos probro exturbare superbos.

Sic ait Omnipotens; nec fas mortalibus alta 60  
 Scrutari arbitria, et causas tentare repositas.  
 Credibile est tamen humani voluisse timoris  
 Indicio Numen fugitivum abscondere Diti,  
 Ne Pueri vires Divina arcanaque nosset;  
 Credibile est etiam veteris voluisse parentis 65  
 Regna aperire novo, nulli visa hactenus, Adae;  
 Quae prior ille miser specie delusus inani  
 (Causa mali conjux) aeterno clauserat aevo.

Nuncius ergo Ales per opaca silentia rerum,  
 Aetheriis bigis coeli per inania vectus, 70

V. 43. Edit. Venet. pro confundere legit: deludero.

V. 50. Elysium (*Ελύσιον, μακάρων ἡσίοι*) locus in mediis Inferis omni felicitate plenus plisque hominibus post mortem destinatus (Serv. ad Virg. Aen. 5, 733), h. l. pro Paradiso terrestri.

V. 63. Diti. I, 29.

Ante ortum solis Libano super astitit; atque hinc  
 Alipedes flexit vitrei Jordanis ad undam  
 Zacharidae sub tecta, hilari insonuitque flagello:  
 Primaque Virgo Parens, dudum vigil, ora fenestris.  
 Exeruit; sed adhuc Pueros sopor altus habebat : 7  
 Fagineas inter frondes muscosaque saxa.  
 At tibi, fortunate Ales, penetrare subire  
 Arcanum licuit, placidosque abrumpere somnos:  
 Surge, age, sancte Puer; Genitor supremus ab alto  
 Me tibi demittit solio: procul ocus ire : 8  
 Teque tuamque jubet Genitricem: dux ego curru  
 Sublimes ducam liquido aëre. Sic ait; exin  
 Protinus accelerare fugam: pulcherrima Virgo  
 Induere investem Jesum, haud mora comere raptim  
 Caesariem, tenerosque pedes vincire cothurnis, : 8  
 Nescia adhuc quo jussa ferant. Dux penniger instat,  
 Itque reditque instar succincti ad munus ephebi:  
 Ipse etiam impatiens sonipes fodit ungula arenam.  
 Ante fores, phaleraeque sonant, atque aurea fraena.  
 Et jam purpureo lux prima rubebat eoo : 9  
 Agricolis solem revehens opera atque labores.  
 Jamque instaurati somno, stratisque relictis,  
 Nazarii agrestes, pars pinguis in arva juvencos,  
 Pars ad aratra boves stridentia plaustraque agebant.  
 Hos inter Juditha oculos nondum excita prorsus. : 9  
 Tergit adhuc niveis digitis; simul aurea vittis  
 Tempora cingebat, simul haec insomnia pulchra

V. 71. Libanus (albus) et Antilibanus, montes excelsi, cedro arbo abundantes, aequi inter se perpetuoque ordine per Syriam procurres. Deut. 11, 24. Ptolem. 5, 15.

V. 73. Edit. Venet. pro hilari insonuitque flagello l. procul insonuitque flagello.

V. 84 seqq. Edit. Venet. contrahit:

Induere investem Jesum, Dux penniger instat;

Narrabat Matri: Mater, quae mira per umbram  
 Haec mihi nox tulit in somnis spectacula rerum!  
 Quam se coelesti Maria obtulit obviam veste: 400  
 Qui capitis decor et cultus! qui gressus eunti!  
 Illa mihi in prato ter centum visa puellas  
 Inter virginei moderatrix agminis album  
 Vexillum praeferre manu: meque illa sequacem  
 Ultro invitabat dictis. Vin'tu quoque nostro 405  
 Adjungi, Juditha, choro? pariterque referri  
 Has inter comites Divas, quas undique campis  
 Concordes errare vides? Sic illa serenis  
 Dicere visa modis: cui miro concita amore  
 Assensu ardebam tacito dare nomen, et ipso 410  
 Vox erat in vultu: at conanti reddere voces  
 Verba pudor tenuit. Castis tunc oscula labris  
 Amplexusque dedit: primamque recensuit inter  
 Belligeras socias. Dextra laevaue volucres  
 Protinus armigeri, hic chlamydem, cui candida lino 415  
 Crux medio inserta; hic torquem galeamque comantem  
 Ferre videbatur. Visus quoque Jesus ore  
 Sic fari roseo: Nostros hinc strenua in hostes  
 Bellatrix haec arma geres. Nec plura locutus:  
 Nam subito (visu mirabile!) currus ab alto 420  
 Adstitit ante oculos radiis atque axe rotarum  
 Ex auro gemmisque hyali stellisque coruscans.  
 (Me miseram!) somnus media inter talia fugit:  
 Nec sibi quid poscant haec arma aut praelia novi.  
 Talia flavicomis religans sibi vertice crines 425  
 Intortos spiris referebat somnia Judith.  
 Interea super Euphratem Tigrimque sonantem  
 Penniger auriga ad solis cunabula verso

V. 127. Euphrates. III, 107.

Tigris (*Tigris* i. e. Medorum et Armenorum lingua sagitta) in mon-

Temone auratos currus per inania agebat.  
 Non ita caeruleam Libycus rapit aethere nubem; 130  
 Aut mare velivolum tanto secatur impete pinus,  
 Cui Notus incubuit; nec Belgica rustica ferreis  
 Ocyor it soleis glaciato missilis amne,  
 Horriferæ Scaldim cum vis gelat aspera brumæ:  
 Quantus agit profugos coeli per inane volantes 135  
 Impetus aërii trans ardua nubila Olympi.  
 Perpetuo flexu silvas et flumina magna  
 Abscondunt. Turres atque altae moenia Susae,  
 Nembrotique arces, frondosaque culmina Zagri  
 Longe a tergo ierant: ad laevam Caspia tellus, 140  
 Atque pharetrati Medi Hyrcanique recedunt.

---

tibus Armeniae ortus et Euphrate denique receptus in sinum persicum influunt. Plin. 6, 27, 31. Jos. Antiqq. 1, 1, 3.

V. 130. Libycus i. q. Africanus scil. ventus. Libya (*Λιβύη*) ea Africae pars, quae est inter Aegyptum et Syrtis: item Africa universa. Plin. 5, 6, 6. Virg. G. 1, 240.

V. 134. Scaldis (Schelde) fluvius Belgarum celebrer.

V. 135. Edit. Veneta: profugos liquidi per inania coeli.

V. 138. Susa (*τὰ Σούσα*) urbs Asiae ampla, sedes Persarum regum. Dan. 8, 2. Strabo 15, 727.

V. 139. Nembrod (Nimrod) urbes condidit. Gen. 10. Jos. Antiqq. 1, 4, 2. Zagrus mons Mediae. Plin. 6, 27.

V. 139. Edit. Venet. pergit:

Prætereunt. Nemorosi aditus faucesque malignae

Apparent, ubi quondam hasta trajectus equestri

Ille dabit meritas poenas, terrasque levabit

Sacrilegus Caesar \*) fidel desertor avitae.

Hinc super Eulaeum, Hippophagos, Arachosiaque arva,

Carmanosque volant: ad laevam Caspia tellus,

\*) Julianus Apostata.

V. 140. Caspia tellus. Caspii (Caspii) populi Asiae in Hyrcania et in Parthiae Armeniaeque confinio ad mare Hyrcanum sive Caspicum. Mela 1, 2. Virg. Aen. 6, 799.

V. 141. Medi arte sagittaria insignes Mediam, Asiae regionem, Armeniam, Parthiam, Hyrcaniam et Assyriam incolebant. Strabo, 11, 52. Hyrcani regionem sub Caspio mari et supra Parthiam tenebant.

Jamque peragrarant Persas, jamque ultima regna  
 Memnonis eoi; cum primum lenior aura  
 Sentiri procul e cedris gratissima coepit;  
 Qualem e longinquo nautis venientibus afflant 145  
 Ad mare odoratis Ligurum nemora aurea citris.  
 Mox paradisiacae volucres per caerula visae,  
 Nunciae ab Elysiis hortis. Non India tales,  
 Nec variis pennis tot dives America vestit  
 Purpureis rostris, minioque rubentibus alis. 150  
 Miratur capiturque locis tener incola eremi,  
 Quem flentem Virgo miserata receperat alma:  
 Haecine Nazaridum regio, inquit, avitaeque tellus?  
 O Mater, quam laetus ager! quae copia rerum!  
 Quae nemora et vitrei fontes! Cui candida Virgo 155  
 Dissimulans: Equidem longe ista beatior ora  
 Quam tua rura, inquit; nebulae queis semper opacae,  
 Putribus et circum stagnis gravis incubat aër.  
 Ille autem gestire animis, ut gestiit alvo  
 Quondam materna, atque oculis per cuncta vagari, 160  
 Et digitis nunc haec, nunc illa ostendere parvis.  
 Interea magis atque magis subsidere currus:  
 Praecipites caelo bijugos sed parcius Ales  
 Accelerabat agens stimulis, quo tota videri  
 Jam regio ex alto posset ditissima pomis 165

V. 142. Persas. III, 102.

V. 143. Memnonis eoi. III, 408.

V. 146. Ligures sunt Liguriaee populi, qui regionem Italiae alpihus maritimis, Apennino, Etruria et ligustico mari circumscriptam incolabant. Flor. 2, 3. Plin. 3, 5, 7.

V. 148. Elysiis. V, 50.

V. 152. Ed. Venet. legit:

Quem pariter curru Virgo miserata locarat.

V. 158. Edit. Veneta:

Et circumfusus stagnis gravis incubat aër.



Arboribusque sacris liquidisque uberrima venis.  
 Non ulla Italiae facies, non amne quieto  
 Quam placidus secat Eridanus; nec laetior illa  
 Ante alias Laudensis agri, cui pingua lactat  
 Pascua tot mammis, quot plenis Addua rivis: 170  
 Addua Lemene sacris celeberrima Musis,  
 Qui cecinit magnum Numen, felicibus ausis  
 Arcana ingressus Divum; dehinc terna rosarum  
 Nexuit aetheriae sarta immortalia Divae;  
 Quique animos nobis audendi talia vates 175  
 Adjecit, suasitque ratem deducere in altum,  
 Qua via Pieriis nondum sulcata carinis.

Perpetui in gyrum montes felicia rura  
 Verticibus vallant; quorum vix summa viator  
 In juga bis septem perreptet solibus; inde 180  
 Umbrifera atque ingens vallis, rursumque minaces  
 In gyrum ductae cautes; atque inter utrumque  
 It vallum medius lacus ingens. Plurima pinus,  
 Aesculus, et nunquam cava robora passa securim,  
 Se viridi e ripa vitreo speculantur in amne, 185  
 Perpetuisque sonant avium garritibus undae;  
 Quas fulicae assuetae silvis mergique loquaces

V. 168. Eridanus i. e. Padus (Po), maximus Italiae superioris fluvius.

V. 169. Laudensis ager circum Laudem Pompejam, urbem Italiae superioris, hodie Lodi.

V. 170. Addua (Adda) fluvius Insubriae, regionis Mediolanensis, in Rhacetae Alpibus ortus per Larium lacum (L. di Como) fluit et Pado miscetur. Sidon. l. ep. 5.

V. 171. Franciscus Lemene, comes, cujus memoriam Ceva peculiari libro (Memorie del Signore Conte Francesco Lemene) celebrat. Cfr. Memoires pour l'histoire des sciences et des beaux arts. Paris 1738. p. 325.

V. 177. Pierius i. e. ad Musas spectans, utpote quae Pierides a Pieria, regione Macedoniae, vel a Pierio monte, vel a Pierio, Apollinis filio, appellantur. Serv. ad Eclog. 7, 21. Hor. Od. 4, 3, 17.

Assiduoque anates tranant hinc inde volatu.  
 Ad Boream pons marmoreus, cui molibus altis  
 Quinquaginta arcus subterlabentia stagna 190  
 Excipiunt; versoque situ longissimus unda  
 Excurrit pictus sub opaco gurgite fornix.  
 Nulli fas hominum vetitos contingere fines:  
 Stat Custos ferro armatus, noctesque diesque  
 Excubias ducens, commissaque limina servat. 195  
 Atque hac transibat prono jam vespere currus,  
 Per magni convexa sonans saxa ardua pontis;  
 Excisosque aditus adversa in rupe subibat.  
 Apparent immensi agri, largissimus aether,  
 Herbosae hac illac valles, animantia mira, 200  
 Capreoli, pardi cicures, cervique fugaces.  
 Quae loca! quas olim sedes! quae regna pararat  
 Omnipotens! ut belle, ut suaviter omnia rident!  
 O miserum mortale genus, quae dira cupido  
 Hinc procul exegit? Juvat omnem abstergere curam: 205  
 Respirare auram juvat, et dare lumina circum.  
 Zacharides visu attonitus toto ore sequaci  
 Versicoloratas servabat in axe volucres,  
 Phoenicum, atque apodum turmas, et candida olorum  
 Agmina, sturnorumque acies: cui regia Mater 210  
 Annue, ait, digito, porrectaque allice dextra;  
 Dic propius volitent. Risu vix ille sereno  
 Annuit, inque manum sublatam et brachia unda

V. 195. Edit. Venet. pro ducens l. ducit.

V. 207. Edit. Venet. pro toto l. puer.

V. 209. Phoenicum. Phoenix avis in Arabia nobilis et fabulosa, quam Plinius (10, 2, 2) describit. Apus vel cypsellus (ἄπους κύψελλος) avis de genere hirundinum, cujus pedes curti et mutili, quasque inutiles. Plin. 10, 39.

V. 212 in Ed. Venet. deest.

Ardeolae, virides pici, cinclique loquaces  
 Ad nutum veniunt: mirantique addidit Ales, 215  
 Ipsi etiam accedent mites, si jusseris, ursi,  
 Nec renuent tigres: nulla his fera noxia silvis.  
 Ventum est Elysii in pomaria, dives ubi illa  
 Cladibus heu nostrae gentis memorabilis arbos:  
 Pomaque cernere erat summis fatalia ramis 220  
 Pendula adhuc, veteris monimenta perennia noxae.  
 His, ait auriga, infaustis sub frondibus actum  
 De rerum summa, jacta alea, perditaque omnia.  
 Ipsa locum immunis culpa circumspice, Diva.  
 His furtim repens emersit sepibus anguis: 225  
 Hic sedit miseranda parens: hic ore locutus,  
 Multaque promisit veterator callidus: huic se  
 Implicuit trunco, porrexitque improbus escam.  
 Heu dolor! heu pietas! Deliravere parentes;  
 Plectetur Puer iste tuus. Sancte Aliger, istud 230  
 (Da veniam) poteras reticere, aut dicere saltem  
 Vocibus ambiguis; nunc irrevocabile telum est,  
 Atque haec verba diu tacite secum illa revolvit.  
 Occidit interea Titan: (mirabile visu!)  
 Suspiciunt lunam ingentem se tollere contra, 235  
 Cui maculae insuetae, et solito turgentior orbis;  
 Per vitreas qualis sese ingerit aurea lentes.  
 Usque adeo illa polo sublimi vertice in auras  
 Accedit tellus, propioraque suspicit astra.  
 Denique marmoreum tectum sublime refulsit, 240

V. 214. Cinclus (κίγλος, ital. coditremola) avis, quae et motacilla (weisse Bach-Stelze) dicitur. Suid. s. v. Aelian. 15, 28.

V. 218. Elysii. V, 50.

V. 234. Titan. IV, 115.

V. 237. Per vitreas lentes i. e. per vitrum lenticulare sive lenticulam vitream (Linsenglas).

Tot pictis aulis dives, quot solibus annus:  
 Ingrediturque sonans currus, qua porticu in ampla  
 Mille aderant juvenes tedis utrinque coruscis,  
 Ordine dispositi. Centum atria mira columnis  
 Suffulta apparent. Ales pulcherrimus ulnis 245  
 Divinum accepit Puerum, Reginaque bigis  
 Ultima descendens Geniorum innititur alte  
 Porrectis cubitis. Ibant conclavia in alta  
 Marmoreis gradibus, sequitur quos undique fusa  
 Coelestum pubes. Lituis domus intima, plectris 250  
 Carminibusque sonat, facibusque incensa coruscat.  
 Omnia tuta videt Genitrix, fruiturque beatis  
 Deliciis. Nox stellifero tegit omnia velo,  
 Projiciens late campis felicibus umbram.

Nunc ruat utcunque, et saevis ferus intonet armis 255  
 Orcus in absentes; nunc terras turbine et axem  
 Misceat, irarumque omnes effundat habenas.

Huc animos, Auguste puer, cui Turcico opima  
 Sanguine Pannonicis jam sexta adolescit in arvis  
 Laeta Ceres; raucumque sonans promissa quotannis 260  
 Corpora caesa virum, vestes, pacta armaque patri  
 Euxino impatiens Ister jam ferre laborat.  
 Huc ades, invicti cura et spes magna parentis,  
 (Spero equidem, nec vana fides) Oriente subacto  
 Imperii quondam gemini recturus habenas, 265  
 Flos alme Austriadum, Joseph. En denique bella,

---

V. 247. Ed. Venet. pro verss. 247 et 248 habet:

Ultima descendit. Conclavia in alta feruntur

V. 256. Orcus. II, 200 et 201.

V. 259. Pannonicis. Cf. I, 17.

V. 260. Ceres. Cf. IV, 414.

V. 262. Euxinus (Εὐξείνιος) Pontus s. mare nigrum, cui Ister (I, 15)  
 sive Danubius immiscetur.

V. 266. Joseph. I, 19.

En tibi promissas acies. Hinc armiger axis,  
Hinc Erebus jam signa movent, Martemque lacesunt.

Ergo omnis coeco misceri murmure vallis

Coeperat Aenonis. Praegnans Acherontia nubes 270

Lucifugos manes alvo profuderat instar

Grandinis aestivae horrissona displosa tonitru,

Atra Gomorrhaei trans usque bitumina stagni.

Quantus Hebrus, quantusque Hypanis, vel magnus Orontes,

Aut pater Eridanus late imbribus auctus inundat, 275.

Egrediturque Athesis ripis, vel maximus Indus;

Tale fremit, tantoque ruit per saxa sonore

Piniferas inter silvas camposque volutum,

Exsuperatque juga, obscurisque it vallibus agmen.

Noctis erat medium, cum Belphegor arduus alto 280

Stans scopulo stimulos animis incussit amaros,

Instigans jam trita jugo subducere colla,

Fraenaeque morsa diu perrumpere, bellaque demens

Agminibus Stygis innumeris indicere Olympo.

V. 270. Aenon. IV, 133. Acherontia nubes. III, 494.

V. 273. Gomorrhaei stagni. Eo loco, ubi nunc mare mortuum, seu lacus Palaestinae Asphaltites (ἡ Ἀσφαλτίτις λίμνη) est, olim quinque erant urbes, inter quas Gomorrha et Sodoma, quae ob summam civium impietatem eversae sunt. Gen. 14, 3. Num. 34, 12. Jos. bell. jud. 4, 8, 2.

V. 274. Hebrus (Ἑβρος) ingens Thraciae (Rum-ili, provinciae turcicae) fluvius, qui juxta Aenum urbem (hod. Eno) in Aegaeum mare influit.

Hypanis (Bogus, Bog) fluvius Sarmatiae (Russiae) in Borysthenem (Dniepr) et mox in Euxinum Pontum delabitur. Orontes (Ὀρόντης) Syriae (Asiae regionis) fluvius rapidus ex Libano monte profuit et syrio pelago miscetur. Plin. 2, 103, 106.

V. 275. Eridanus. V, 168.

V. 276. Athesis (Adige, Etsch) fluvius Venetiae ex Brenno monte Alpium ortus Tridentum Veronamque alluit, et in mare adriaticum effunditur. Sil. 8, 593. Indus (Sind) ex Paropamiso monte ortus Oceano denique indico infunditur. Mela, 3, 7.

V. 280. Belphegor. III, 72.

V. 284. Styx. III, 112. Olympus. IV, 92.

O socii, o quondam coeli gens incola summi, 285  
 Quos odium superum vetus implacabile torquet;  
 Nunc vetera ulcisci tempus, nunc jura tueri,  
 Nunc fas antiquam per vim decernere litem.  
 Sunt nobis immensae acies extremaque passae;  
 Quodque caput, nostris divina exhausta potestas 290  
 Suppliciis, nec habet, quid desperantibus addat.  
 Quae fuerit sors cunque, in Numen vertere magnum.  
 Lucifer arma jubet, patriasque reposcere sedes,  
 Sidus hyperboreum supra gelidosque triones.  
 Exscindenda hominum primo strips funditus omnis, 295  
 Reptilium et volucrum et pecudum genus: insuper ipsa  
 Devastanda igni tellus; hinc aëre coeco  
 Per medios ignes per densa volumina fumi  
 Ibimus in superos. Memores tamen ista tenete:  
 Si fors coelicolae trepidi venientibus ultro 300  
 Annuerint, et regna velint antiqua pacisci,  
 Partirique polos haud conditionibus aequis;  
 Ne quisquam indecori obsequio, velut indigus hospes,  
 Aetheris in partem veniat: rigido omnia jure  
 Nil precibus positoque genu veniaque petendum. 305  
 Conducta, o socii, res esto: jungite dextras:  
 Nunc locus et res ipsa vocat, nunc facta potestas.  
 Hunc, agite, abstrusum latebris exquirite parvum  
 Ambiguumque Deum, quem Numinis esse veremur  
 Progeniem magni; nobis, si creverit, olim 310  
 Venturum exitio. Captivus ad infima quaeque

V. 293. Lucifer supremus diabolorum nonnunquam dicitur. Jes. 14, 12. Apoc. 9, 1.

V. 294. Sidus hyperboreum (ὕπερ, βορέας) sive gelidi triones i. e. septentriones, sunt septem stellae, quas Graeci ἄμαξαι, Latini planstrum dicunt, ita sitae, ut ternae proximae specie efficiant veluti trigona (Gell. 2, 21): Ursa major et minor sive Septentrio major et minor (Siebengestirn) vocantur. Vitruv. 6, 11.

V. 308. Edit. Venet. pro agite l. prius.

Coelicolas trahet: haud parvo redimendaque mater  
Obses erit pretio. Ite alacres, his abditus antris,  
Hic latet; ad praedam discurrite, cingite silvas,  
Vestigate aditus omnes, det buccina signum. 315

His dictis elati animi, et novus additus ardor,  
Vanaque spes miseris, coelique arrecta cupido.  
Jamque atris facibus laeti incensisque cupressis  
Per juga odorisequi, per saltus undique fusi,  
Latrantum velut audito turba excita cornu, 320  
Exertis linguis caveas et lustra subibant.

Cum procul aetherei pugiles, mille axe quadrigae,  
Loricae ex auro, scuta aerea telaque visa,  
Et chlamydes variae, plumae et vexilla per auras,  
Alatumque triplex descendere nubibus agmen. 325  
Arrexere atros stupefacti ad sidera rictus  
Luce repentina obstricti: haud mora, murmure rauco  
Tartareae insonuere tubae, tremuere cavernae;  
Et conjuratae momento temporis omnes  
Instructae horribiles turmae, sub signaque rapta 330  
Agmina. Laeva acies tibi, corniger Asmodaee,  
Tessera cui belli piceus caper: huic Ephialtes  
Signifer, et Mormo comes additus: in medio dux  
Belphegor et Gorgo, et Belial: extrema coërcet

V. 329. Tartareae. III, 200 et 201.

V. 331. Asmodaeeus (*Ἀσμοδαῖος*, i. e. *ἀπολλύων* Apoc. 9, 41)  
daemon, qui Saram, filiam Raguelis, invasit, ejusque septem viros  
prios, antequam juveni Tobiae nuberet, morte affecit. Tob. 3, 8.

V. 332. Ephialtes (*ἐπί-ἄλλομαι*, insilio) Neptuni filius, Oti frater, quos  
ambos coelum ascendere conantes Apollo et Diana sagittis confix-  
erunt. (Claud. B. Get. 75) Ephialtes incubus quoque morbus  
(Alp) dicitur, quo dormientes opprimi et suffocari sibi videntur (Macr.  
Somn. Scip. I, 3) h. l. Diabolorum unus.

V. 334. Belphegor. III, 72.

Belial scelestum seu desertorem i. e. diabolum significat. 1. Cor.  
6, 15. Mormo et Gorgo ficta diabolorum nomina.

Squamigera Dramelech insignis pelle draconis. 335

Parte alia classem specie fugientis Amida

Laxabat ventis; a tergo scilicet hostem

Circuitu interior largo aggressura repente.

Quisque suas lustrare acies, spemque addere dictis,

Et monstrare manu natalia sidera: Nunc vi, 340

Nunc animis opus, o socii, nunc reddere cladem

Hostibus antiquis, nunc nunc cui cedat Olympus,

Cui summa imperii vestris decernitur armis.

Jamque propinquabat legio omnis coelica terris,

Jam propior stadio. Nil pulchrius æthere fingi 345

Ante oculos poterat; tot scuta et tela per auras,

Tanta acies Divum, galeaeque ensesque micantes

Undique inardebant, quantum nec Cynthia pleno

Orbe micat, medioque nitet sol purus Olympo.

Illa autem pennis coelo librata pependit 350

In turmas digesta suas Orientis ad oram,

Opperiens hostem. E signis borealibus Orcus

Circuit occiduam partem, volucresque maniplos

In gyrum flexit; nec segnior inde volatum

Erexit contra. Improvisi turbinis instar, 355

Turbinis ex Apennino venientis, aquosam

Obscuramque hiemem tempestatemque ferentis,

Ala sinistra Erebi magno procedere jussa

---

V. 335. Dramelech. III. 178.

V. 336. Amida. III. 446.

V. 345 et 346 Edit. Venet. sic conjungit:

Jam propior stadio. Tot scuta et tela per auras

V. 348. Cynthia IV, 323. Olympus. IV, 92.

V. 352. Orcus. III, 200 et 201.

V. 356. Apenninus (*Ἀπεννίνος ὄρος*) mons, seu potius multorum montium series, quae ab alpibus inde maritimis per Italiam mediam procedit.

V. 358. Erebus. I, 3.



Cum sonitu, in dextrum cornu ruit impete toto;  
 Alphitus et Dagon, atque Ornicus et ferus Acco, 360  
 Ante alios primi. Non sic tonat Aetna caminis  
 Sulphureum eructans amnem, liquefactaque saxa  
 Mixta atris nebulis. Telorum it nimbus ad auras,  
 Flammarumque globi. Tortas umbonibus hastas  
 Scuta retorserunt adamantina protinus actis 365  
 Hostibus in praeeptis; iterumque in bella feroces  
 Conversis rediere animis; iterumque repulsos  
 Fulguris instar agit, tergoque fugacibus instat  
 Prima acies Divum. Sed et ipse sequentibus haeret  
 Belphegor increpitans dictis: Non Appula tellus, 370  
 Non hic Gargani montes, quibus haesimus olim  
 Vi pulsi coelo; nec primum fulmina visa,  
 Aut tonitru auditum. Sed et ipsum torva frementem  
 Cum sociis premit Aligerum turma altera: turmam  
 Hanc sequitur Dramelech; hunc tertia cominus urget 375  
 Diva phalanx: hastas hastis, tela ignea telis  
 Implicuere, oriturque atrox asperrima pugna.  
 Pastores strepitu exciti de montibus atram

V. 359. Edit. Venet. pro toto l. facto.

V. 360. Dagon (h. l. genius malus) Philistaeorum idolum in urbibus Gaza et Asdod (Judd. 16, 23 seqq. I. Macc. 10, 83) formam piscis ab umbilico et superne, quoad manus, vero et pedes formam humanam habuisse dicitur. Ugolin. XXIII.

Alphitus, Ornicus et Acco ficta diabolorum nomina.

V. 361 — 64 in Ed. Venet. contrahuntur:

Ante alios primi. Tortas umbonibus hastas.

V. 361. Aetna (Monte Gibello) mons Siciliae ignivomus, qui hanc ob rem officina Vulcani in fabulis vocatur. Cic. Div. II, 19.

V. 370. Appula tellus. Apulia (nunc Puglia) regio Italiae inter Apeninum montem ad Merid. et mare adriaticum in regno Neapolitano.

V. 371. Gargani montes in Apulia Daunia, regione Italiae inferioris, assurgunt. Mela, 2, 4.

V. 375. Dramelech. III, 178.

Suspiciunt nubem: mirantur noctis in umbra  
 Tot strepere obscoenas volucres, tanta agmina caelo 380  
 Misceri turmis internigrantibus alba:  
 Fit clamor, saevitque canum latratus ad auras.  
 Ast Erebi insanae vacuum per inane phalanges  
 Alternae, ad laevam dextramque, infraque supraque,  
 Haec illac variis susdeque erroribus ibant. 385  
 Ter frustra in nubes validis conatibus aotae;  
 Ter lapsae ad terram; ter rursum concitae ad auras.  
 Mille vias ineunt, spirasque orbesque retexunt,  
 Ut vespertini per sera crepuscula mures  
 Pinnigeri volitant. Stat longis fallere gyris 390  
 Instantes a tergo hostes: non si ruat ipse  
 Desuper omnipotens iurati cedere campo.

Jamque adeo in longam noctem fera bella trahebant.  
 Jam procul audiri clamor, stygiumque celeusma  
 Coeperat infernae classis, longequè videri 395  
 Tartarae antennae distentaque carbasa vento.  
 Cum subito tonitru Divum Pater atque hominum Rex  
 Sidereo e solio totum tremefecit Olympum.  
 Ecce autem (res mira!) aderat sublimis Amazon:  
 Albo in equo, aëria veniens altissima nube 400  
 Bellatrix, cui taenarias confundere turmas  
 Armipotens dederat. Non huic armata securi  
 Hippolyte, aut ripis Amaseni educta Camilla

V. 383. Susdeque l. e. sursum et deorsum.

V. 399. Amazones feminae bellicosissimae, quae primum Sarmatiam ad Tanaim fluvium, deinde Cappadociam ad Thermodontem incoluerunt. Sublimis Amazon ad Juditham referendum. Cf. I, 569. IV, 354.

V. 403. Hippolyte, filia Martis et Ortrirae, soror Antiopae et Orithyae, reginarum Amazonum. Just. 2, 4. Plaut. Men. 1, 3, 17. Amasenus (Toppia, vel fume dell' Abbazia) fluvius Volscorum in Latio. Virg. Aen. 7, 683.

Camilla virgo Volscæ, quae Turno contra Latinos et Aeneam auxilio venit. Virg. Aen. 7, 803.

Digna foret lateri pedes ire, atque aurea tela  
 Atque arcum et pharetram comes in certamina ferre. 405  
 Hanc prona labentem hasta inter mille sequacés  
 Non tulit ille animis nuper vultuque tremendus  
 Palantum ductor lemorum Asmodaeus, in omnem  
 Incurritque aciem trepidus, classemque petivit  
 Post puppes et transtra latens formidine turpi. 410  
 Haud aliter quandoque canis pecuarius ingens  
 Rure cubans, si quem venientem senserit, ore  
 Continuo exululat magno, insequiturque paventem;  
 Quem si audens quisquam petat obuius, ocyor Euro  
 Tecta subit; stabulique alto de culmine vecors 415  
 Latratu in seram noctem se jaetat inani.  
 Tum fragor auditus, veluti si corruat axis  
 In praecipuus fractus: colluxere omnia flammis;  
 Foetaque tartareis turmis tonuere metalla  
 Explosa et piceis ratibus: ruit aëre grando 420  
 Undique serpentum lemorum; simul impete toto  
 Restituere aciem Belial, Amidenus, Alastor  
 Effusi contra. Mille Orci immania monstra  
 Gorgones atque ululae et gryphi alatique dracones  
 Circumstant equitem. Clypeum tunc aspera virgo 425  
 Obiecit rabidis, medioque umbone refulgens  
 Numinis ostendit non ulli effabile signum,  
 Notum Erebo signum: simul axe apparuit ingens,

V. 405. Ed. Venet. pro: Atque arcum et pharetram legit: Et pictas pharetras.

V. 408. Asmodaeus, V, 331.

V. 419—26 in Ed. Venet. in duos Versus contrahuntur:

In praecipuus fractus: clypeum simul aspera virgo

Obiecit rabidis, medioque umbone refulgens

V. 422. Belial. V, 334. Alastor. III, 151. Amidenus fictum diaboli nomen.

V. 424. Gorgones fabularum monstra oris deformitate et crinibus serpentinis terribiles, h. l. cacodaemones.

Terribilis, vindex ensis: simul aethere ab alto  
 Quatuor a ventis vox magna audita per auras: 430  
 Ad chaos, ad puteum, genus exitiale, rebelle.  
 Horrendum visu! rima ingens aëre aperta est,  
 Astraque visa polo, et comitatus Numinis, et mors  
 Ossea praecedens in equo, innumeraeque cohortes.  
 Quo visu turbatae acies, pavor excitus ingens; 435  
 Ceu trepidis avibus cum desuper ingruit alis  
 Milvius, aut vultur rostro improvisus obunco.  
 Prima fugam remis velisque capessere Amida  
 Trans Casium, et Seras, nimbosaque culmina Tauri:  
 Parte alia Aegypti turba omnis foeda Deorum 440  
 In diversa trahi longis invecta colubris.  
 Ad terras reliqui condensae grandinis instar  
 Praecipitare metu; laxis fugiamus habenis  
 Qua juga prona ferunt: totus ruit axis, ab alto  
 Millia myriadum princeps trahit armiger; ipse 445  
 Bellipotens curru insequitur: fugite ocyus, arma  
 Exuite. Hinc pavor et clades vastissima, nec fas  
 Praecipites retinere minis: fanaticus error  
 Usque adeo exagitat miseros. Fugit avius ipse  
 Euphius, et Babel, et Belzebub: ater euntes 450

V. 429. Simul aethere ab alto. Ed. Venet. l. tum murmure claro.

V. 431. Chaos. III, 461. Ed. Venet. l. profundi pro rebelle.

V. 438. Amida. III, 446.

V. 439. Casius (Schebaï-Okrab) mons Syriae, Antiochiae urbi finitimus. Seres populi Scythiae asiaticae orientalis. Taurus mons Asiae maximus a Lycia usque ad extremos Seres perducitur, multosque montes in Boream et Austrum vergentes veluti ramos emittit. Plin. 5, 27, 27.

V. 449. Edit. Venet. pro miseros l. trepidos.

V. 450. Babel fictum diaboli nomen. Euphius. III, 386. Belzebub (*Βεελζεβούλ*) Deus ab Accaronitis cultus, ut muscas abigeret. In N. T. princeps geniorum malorum vocatur. Matth. 12, 24. 27. Marc. 3, 22. Luc. 11, 15. 19. 19.

Nimbus aquae insequitur: caligine, pulvere, fumo,  
 Hastarum silvis, telis obnubitur aër:  
 Pars obscoenarum volucrum fusco aëre pennis  
 Fidere, pars condi miserorum in corpora agrestum;  
 Hos Sodomae mersere lacus, hos terra dehiscens, 455  
 Aut putei excepere cavi, pelagusque profundum.  
 Est regio Italiae in gremio sub sidere tristi,  
 Quam Dauni et Vestinus ager, Marsique coërcent,  
 Nubiferumque super caput exerit Appenninus;  
 Unde jugis acti in praeceps horrentibus amnes 460  
 In mare se exonerant, Vulturni nomine. Tellus  
 Omnis subtus hiat, coecis perfossa latebris,  
 Fornicibus suspensa cavis, et sulphure foeta.  
 Huc legio princeps sese per aperta Vesevi  
 Ora dedit, penitus vacuas ingressa cavernas, 465  
 Quantum Hirpinorum urbs sedes, et regis distat  
 Parthenope. Hic profugos superum Pater aere revinxit,

V. 452. Ed. Venet. legit:

Arietibusque nigrisque ululis obnubitur aër:

V. 455. Sodomae lacus i. e. mare mortuum sive lacus Asphaltites. Cfr. V, 273.

V. 458 Dauni sunt populi Apuliae Dauniae. Cf. V, 370.

Vestinus ager regio Italiae ad mare adriaticum.

Marsi. III, 166.

V. 459. Appenninus. V, 356.

V. 461. Vulturni nomine i. e. mare Tyrrhenum, quod Vulturnus, fluvius Campaniae, aliis amnibus acceptis intrat. Liv. 8, 11, Virg. Aen. 7, 729.

V. 464. Vesevus (Vesuvius) mons Campaniae ignivomus, vicinus Neapoli.

V. 466. Hirpini regionem Italiae in regno Neapolitano incolebant, quorum caput et metropolis Beneventum.

V. 467. Parthenope i. e. Neapolis. Parthenope, una Sirenum, prae dolore in mare se praecipitasse eoque delata esse dicitur, ubi postea Neapolis condita et Parthenope appellata est. Sil. 12, 33. Virg. G. 4, 564.

Adjecitque annos quot coelo impendet arista  
 Isidis, octonis ter ferme ut vergat eoam  
 Signiferi in partem gradibus. Quo tempore demum 470  
 Exacto rursum valido luctamine ad auras  
 Erumpent scissa tellure, et murmure vasto  
 Impositas quatient ruptis compagibus urbes.

Nec vero eventum primi inter caetera mittam  
 Ductoris Stygii. Ille amens ad flumina cursu 475  
 Dum fugit, in viridi pascentem gramina campo  
 Nactus equum, huic sese totum indidit. At quadrupes se  
 Protinus immani conjecit in aëra saltu;  
 Concussisque jubis, et toto spumeus ore,  
 Indomitus praeceps per devia fugit Idumes. 480  
 Donec Ithuraei comprehensum montibus aspris  
 Obstrictum hinc atque hinc per vim traxere lupatis  
 Herodi, Herodes Agrippae, Agrippaque habendum

V. 468. Adjecitque annos etc. Ceva interpretatur: Tempus astronomicum usque ad annum 1688, quo terrae motus per Campaniam.

V. 469. sq. Isidis arista. Isis, Dea Aegyptiorum, fertilitati praeerat. Isidis sidus a quibusdam Stella Veneris appellatur. Stat. silv. 3, 2, 101. Plin. 2, 8, 67

V. 470. Signiferi h. l. coeli stellis ornati. Cic. Div. 2. 42.

V. 477. Huic sese totum indidit. Ed. Venet. legit: huic alvo sese indidit.

V. 479. Ed. Veneta:

Concussisque jubis per colla, et spumeus ore,

V. 480. Idume. I, 34.

V. 481. Ithuraei (Ituraei) provinciam Coelesyriae, quae eadem cum Auranitide fuisse videtur, incolebant. Plin. 5, 23. Relandi Palaest. I, 22. p. 106.

V. 483. Herodes Philippus, filius Herodis M., Herodis Antipae frater, Ituraeam tetrarchae nomine habuit. Luc. 3, 1.

Herodes Agrippa nepos Herodis M. Actt. 12, 1, 4. Euseb. H. E. 13, 10.

Augusto dedit. Hoc vero mirabile narrant;  
 Illius in sobolem et sobolis genus omne secutum, 485  
 Tartareum possessorem migrasse frementem  
 Caesareis stabulis: donec sacro effera fraeno  
 Injuncto Constantinus compescuit ora  
 Hospite Avernali ejecto: quae ferrea fraena  
 Augustae Crucis e clavo confecta trabali, 490  
 Insubrum ante aras nunc Urbs regina veretur.

At ripa ex alta liquidi Jordanis Amazon  
 Insignem niveo candore auroque nitentem  
 Egit equum, et fluvio victrix se condidit alto;  
 Unde pios iter ad manes per concava terrae. 495  
 Quo simul advenit, patriis fusae undique sistris  
 Occurrere animae, lateque patentibus ulnis  
 Antiqui Patres. Quis vero hanc crederet illam,  
 Parthenii quondam meruit quae praemia veli,  
 Dilectam Jesu, et Pueri coelestis amantem 500  
 Juditham? huc talem armigeram quis tempore tali  
 Improvisam adeo supera expectasset ab aura  
 Venturam? Illa erat, illa tamen jam corporis expers,  
 Praeda recens mortis fato sublata repente.  
 Namque agris nuper sero dum vespere anethum 505  
 Aequales inter legeret pulcherrima nymphas;  
 Seu rigua latitans malus anguis laeserit herba,  
 Sive aliud (longo nam fama obscurior aevo)

V. 484. Augustus, Romanorum imperator, Palaestinam inter filios Herodis M. divisit.

V. 488. Constantinus M. Imperator (natus anno 274 mortuus 337), pacem ecclesiae christianae incrementumque, omni quo fieri poterat studio, adtulit. Euseb. de vita Constant.

V. 491. Insubres, populus Galliae transpadanae, Mediolanum urbem condidere. Inscript. ap. Murator. 712, 7.

V. 492. Jordanis Amazon. Cf. V, 399.

V. 501. Juditham I, 569. IV, 334. V, 399 et 501.

Heu lassa, heu morior, dixit; collapsaque sedit  
Floribus in niveis, albo magis alba ligustro. 510  
Mox ubi deseruit mortales spiritus artus,  
(Quae fuerant nuper sacri praesagia somni)  
Olli castus amor meruit, servataque voto  
Virginitas Erebi obscoenas dispergere turmas,  
Et laetum Elysii in sedes inferre triumphum. 515  
Exitus hic primus belli; sic Tartara probro  
Affecta, elusi manes, dux foemina facti.

---



# LIBER SEXTUS.

---

## ARGUMENTUM.

**Elias** Thesbites in Paradiso terrestri Virginem colloquiis tenet. Divinus Puer superveniens Matrem rosis coronat. Sera nocte in palatium revertentibus occurrunt animae sanctorum Patrum. Anlam maximam subeunt, ubi sacra bella in parietibus descripta cernuntur. Illic drama ab Angelis exhibetur, atque iterum sancti hospites curru sublati Nazareth revehuntur.

Hetruscos inter flores qua labitur Arnus,  
Hesperiae sacris statio gratissima cynis,  
Est locus in prato, unde etiam data nomina ruri.  
Quanquam sorte sua felix locus ille vocari  
Elysium meruit: regni nam si qua beati 5  
Illius in terris foret ulla simillima imago,  
Unius ista foret Mediceae gloria villae.  
Unde adeo geminae facies, et prorsus eandem  
Exactae ad normam sedes, rem promere ab alto  
Fert animus, paulumque via deflectere cantu. 10

- 
- V. 1. Arnus, fluvius Hetruriae (Etruriae, Toscanae) ex Apennino monte ortus, Florentiam et Pisas interluit, Tyrrhenumque mare petit. Virg. Aen. 12, 232.
- V. 3. Est locus in prato. Ceva ad marginem adnotat: Pratollinum, Magni Ducis Hetr. villa, cur simile Paradiso terrestri.
- V. 5. Elysium. V, 50.
- V. 6. Edit. Veneta:  
Illius in terris species foret ulla superstes,
- V. 7. Familia Medici inde a seculo XIII et XIV divitiis opibusque clara rerum Florentiae potita est. Cf. J. M. Bruti: Florentinae Historiae. Lyon 1562.

Namque ferunt, postquam vates Aligherius Orci  
 Ambages tortas, animarum februa, et altas  
 Coelicolum sedes stellato ascenderat axe;  
 Non illum in patrias (si famae credere fas est)  
 Continuo rediisse domos. Nam dia Beatrix, 15  
 Qua duce tot vulgo ignotos penetraverat orbes,  
 Nequa forent divinarum mira abdita rerum,  
 Terrestris Paradisi iterum traduxit in hortos.  
 Hos duce Mathelda jam viderat; ast ibi poto  
 Amne sacro memori abstulerant obliviam mentem. 20  
 Ergo iterum peragrarè datum loca, tectaque mira  
 Infanti fabricata Deo, quo reddita menti  
 Visa semel rursumque forent: Postque otia longa  
 Dicitur asportasse illinc descripta papyro  
 (Seu verum, ut perhibent, seu vulgi fabula) sacrae 25  
 Intima quaeque domus, tenerae sarmentaque vitis,  
 Delicium Musae, seraeque alimenta senectae.  
 Hinc gemino dives spolio patria arva revisit,  
 Praecinctus nigris lauris, quas fumus et aër  
 Obscurus tetra fuligine tinxerat Orco. 30  
 Olli sacra genis macies, vox aenea, tristis  
 Obtutus, veterique scabrum rubigine plectrum:  
 Perque urbes medias ibat, perque oppida Tusca  
 Pone trahens densum, stupefactum ad carmina vulgus.

V. 11. Dantes (Durante Alighieri) natus Florentiae 1265, mortuus Ravennae 1321, clarissimus poëmate Divina Comedia inscripto. Cfr. Tiraboschi: Storia della letteratura italiana.

V. 15. Beatrice (Beatrice, Bice) Portinari, quam Dantes poëta magni aestimabat, morte matura abrepta est. Cfr. Divin. Comed. Purgat. XXX. XXXI.

V. 19. Mathelda sive Mathilda (nat. 1046. mort. 1115), Tusci Ducis conjux, ecclesiam Romanam heredem bonorum suorum fecit.

V. 33. Tuscus i. q. etruscus. Cf. VI, 1.

V. 34. Ed. Venet. pro densum habet cithara.

Tum late Ausoniae gentes discordia demens 35  
 Hinc atque hinc odiis in mutua fata ciebat.  
 Causa mali geminae perplexa ab origine partes,  
 Queis bicolor nomen fatalis tessera belli;  
 Unde bipertiti cives, atque asperi agrestes,  
 Et populi infensi populis, atque urbibus urbes. 40  
 Quid repetam saevas quot passa Hetruria clades?  
 Quot procul extorres vis egerit impia cives?  
 Ipse miser vates nequicquam dira minatus  
 Exitia et poenas, quas imis nuper avernis  
 Viderat; infelix patriis e finibus exul 45  
 Dicitur excoluisse agrum, curisque levamen  
 Vinctum instituisse domi: vitemque beati  
 Elysii furtum, mira propagine adultam,  
 Paulatim Hetrusci campos severe per omnes:  
 Tyrrhenaque urbes sacrum expressere liquorem, 50  
 Pistorium, Senae, Alpheaque ab origine Pisae.

V. 35. Ausonia (ab Ansonē, Ulyssis filio) olim pro parte Italiae maritima  
 inter Terracinam et Cajetam, deinde pro tota Italia posita.  
 Virg. Aen. 10, 54.

V. 37. Geminae partes i. e. Albi et Nigri. Familia Cancellieri  
 Pistorii (Pistojae) in duas disjuncta erat factiones, quarum altera Nig-  
 rorum, altera Alborum nomen sibi assumpsit. Eodem tempore quum  
 Florentiae potentissimae Cerchorum et Donatorum (Cerchi et Donati)  
 gentes inter se obtrecent, Albi cum Cerchis et Nigri cum Donatis  
 se conjunxerunt, quo factum est, ut bella tristissima orirentur, et  
 Dantes (1302) in exilio vivere cogeretur. Cfr. Dino Compagni ap.  
 Murator. T. IX.

V. 43. Edit. Venet. pro miser l. etiam.

V. 48. Ed. Venet. his verss. aucta est:

Elysii furtum crevisse penatibus ajunt,

Praetextam muris, quam dein volventibus annis

Diffusam late, et mira propagine adultam

V. 50. Tyrrhenus i. q. Tuscus sive Etruscus. VI, 1.

V. 51. Omisit Ed. Venet.

Pistorium (Pistoja) et Sena (Siena) urbes Etruriae.

Pisa urbs Etruriae ad Arnū fluvium condita a civibus Pisae,  
 Peloponnesi urbe ad Alpheum fluvium.

Prima propinavit laticem Florentia purum,  
 Os liquido perfusa mero, mirabile donum  
 Finitimos inter populos partita Lyaei.  
 Olli subviridis color, atque abscondita vena 55  
 Nectaris aetherii longe super Attica mella;  
 Qua sensim agrestes hominum mollescere linguae,  
 Eloquiumque modis coepit dulcescere miris,  
 Et lepor et charites paulatim accedere dictis.  
 Inde tot egregii vates, cultusque per artem 60  
 Italiae sermo Latii jam secula prisci  
 Et Grajas Veneres fandi dulcedine vincit.  
 Eloquii hinc inter Patres subsellia Dantes  
 Prima tenet, primus genialis consitor uvae;  
 Unde illum in Tuscos mentito nomine Bacchi 65  
 Vexit agros Redus, praetextaque fabula vero est.  
 At folio excerptum, ut dixi, mirabile tectum.  
 Hetruscis Ducibus longo post tempore cessit,  
 Cui forma, atque situ substructa simillima (quantum  
 Fas opere industri fabris mortalibus) aedes. 70

V. 52. Florentia urbs Hetruriae.

V. 54. Lyaeus (*Λυαῖος* a *λύειν*, solvere sc. curas, vel corpus, vel concordiam) cognomen Bacchi pro vino ponitur. SIL. 3, 370. Ovid. Met. 4, 1.

V. 55. Olli subviridis color. Ceva adnotat: Vulgo Verdea.

V. 56. Attica (*Ἀττική*) regio Graeciae, cujus caput Athenae, optimo melle celebris. Plin. 31, 7, 41. Ovid. Trist. 5, 4, 32.

V. 61. Latium, regio Italiae, cujus caput Roma, ubi praesertim Augusto Caesare imperante lingua latina, mater italicae, inprimis exculta erat.

V. 62. Grajae (graecae) Veneres pro sermonis graeci venustate et elegantia interdum ponuntur. Quintil. 6, 3, med. et 10.

V. 65. Bacchus, qui vitium colendarum rationem docuit, metonymice pro vitibus (Virg. Georg. 2, 112), et saepe pro vino (Virg. Eclog. 5, 69) ponitur. Cf. VI, 54.

V. 66. Franciscus Redi (nat. 1626), Aretii artis medicae et philosophiae peritissimus, inventor Dithyramborum italicorum putatur, quo poëseos genere proxime ad Graecos accessit. Cf. Vite degli Arcadi di Crescimbeni.

V. 70. Opere industri. Cf. I, 259.

Namque haec in viridi prato; in viridi quoque prato  
 Illa domus; domui contermina eremus utrique,  
 Et sacrum nemus et fontes, et plurima, quae nunc  
 Haud memorare vacat. Paradisi sed tamen hortus,  
 Divinas aedes gyro què plurimus ambit, 75  
 Paulo aliter positus. Verbana haud discolor illi  
 Insula, ad eoum qua formosissima solem  
 Vergit opaca cedris, Borromaeosque penates  
 Desuper aspectat. Multum illi et Montia villa,  
 Pinifero qua subterlabitur Addua Vapro, 80  
 Meltiaque aspirat. Quamquam haec mortalia longo  
 Post se intervallo species illa aurea linquit  
 Antiqui Elysii: quo me post horrida bella  
 Jam fessum series rursum vocat ordine rerum;  
 Invitatque chorus Divum peregrinaque Virgo, 85  
 Quam caelo invectam paulo ante his liquimus arvis.  
 Hic illa, hic gemini prono jam sole puelli  
 Tunc aderant; pariterque aderat venerabilis aevo  
 Fervidus ille senex, raptus qui curribus igneis  
 Sederat his quondam Thesbites advena campis. 90  
 Olli canities mento diffusa, pruinis

V. 76 et 78. Duae insulae lacus Verbani (lago maggiore), Isola bella et isola madre, Comitum Borromaeorum erant, qui jam saeculo XIV totum fere tractum circa lacum Verbanum habuisse feruntur, qua ex gente ortus S. Carolus Borromaeus (nat. 1538, mort. 1594), archiepiscopus Mediol. maxime excelluit.

V. 79. Montia. Monza urbs ad Lambrum flumen, haud procul a Mediolano.

V. 80. Vaprio oppidulum ad Addam fluvium. Cfr. V, 170.

V. 81. Meltia. Meltium (Melzi) oppidum parvum ad Addam fluvium.

Edit. Venet. pro quamquam l. verum.

V. 86. inter et v. 87 Editio Veneta addit:

Ergo age, quae nostris illo solatia in orbe  
 Hospitibus data, quaeque oculis spectacula verum  
 Exhibita, utque inter sanctos nox acta penates,  
 Musa, cane, et seclis non ante audita revolve.

V. 90. Thesbites. Elias (*Ἠλίας*) propheta Thesbe (Thisbe) oriundus acer-  
 rimus religionis avitae defensor. I Regg. c. 17 — 19.

Candidior, nivibusque perennior Appennini;  
 Alba super fulva quoque lanca pallia veste,  
 Sandalia in pedibus; viridique intortus oliva  
 Nectebat ramus raros ad tempora crines. 95  
 Et tum frondifero sub tegmine forte sedebant  
 Juniperi; gemini vero per florea prata  
 Interea errabant pueri. Bonus incola Matri  
 Hospitae amoena loca, atque aevi celeberrima quaeque  
 Monstrabat digitis longe monumenta vetusti: 100  
 Illa procul juga celsa vides silvamque comantem,  
 Quae solem tegit, ingentemque huc projicit umbram?  
 Illis in latebris miser Adam et noxia conjux  
 Delituere ambo velati frondibus, haustum  
 Lethalis pomi simul ac sensere venenum. 105  
 En ubi detergis oculis somno excitus Evam  
 Egressam latere obstupuit: sub collibus illis  
 Infelix famulantum inter genus omne ferarum  
 Jura dabat brutis, et nomine quaeque vocabat.  
 Talia narrabat. Cui Parthenis alma, beatis 110  
 Deliciis capta agrorum, nemorisque propinqui  
 Respirans auram, roseo sic ore locuta:  
 Multa mihi porro peregrinae edissere, vates,  
 Jamdudum his assuete locis, quae scire laboro.  
 Ac prius hesterno lethalia vespere vidi 115  
 Poma, venenatis vulgo celeberrima succis;  
 Unde lues genus infelix diffusa per omne:  
 Ast ea credideram, fateor, pulcherrima longe;  
 Longe aliam speciem rebar, quae cogeret ultro  
 Invitas ad furta manus: nil tale, nec ullas 120  
 Illecebras, quas fama refert, sub pectore sensi.

---

V. 92. Apenninus. V, 356.

V. 103. Ed. Ven. legit:

Illis in latebris Adam, et male credula conjux.

Olli subridens senior: Mirabile narras;  
 At non illa impune alius spectaverit, inquit,  
 Adami de stirpe nepos. Sed forte Parentum  
 (Quod reor, et decuit Genitricem Numinis) illa 125  
 Dira cupido tuos nil se transfudit in ortus.  
 Certe ego, cum primum blanda illa pericula vidi,  
 Ingenitum virus per venas serpere sensi,  
 Praesentique malo sanguis sufferbuit imis  
 Usque fibris; quanquam mihi jam vis nulla timenda, 130  
 Inque hoc tranquillo jam tuta sit anchora portu.  
 Hic alio eloquium divina Puerpera belle  
 Detorsit, sortem egregiam sibi conscia celans,  
 Multa loci veterumque rogans, atque ipsa vicissim  
 Multa Palaestinae, rerumque hominumque reponens. 135

At senior, cui nondum animis excesserat ardor  
 Ille vetus, patrii cum culmina degeret inter  
 Carmeli, pluvios unde ignes saepe vocarat;  
 Ingenii memor usque sui, memor atque scelesto  
 Quae quondam illo aevo passus, quot adire labores 140  
 Extorrem impulerint; antiquae semina flammae  
 Elicuitque animis, rigidoque haec ore locutus:  
 O ego quam reliquos inter nunc degere vellem  
 Mortales, scelerumque ultrices cernere flammās,  
 Quas Puer iste tuus patrio pro Numine laeso 145  
 Axe feret! Num saeva adeo vos secla tulere,  
 Qualia vixi olim? Quantas mihi perfida lites  
 Foemina, quotque tulit! quot sanctos illa peremit,

V. 133. Ed. Venet. sic legit:

celans.

Multa loci, veterumque rogat, sedet ipsa vicissim

Multa Palaestinae rerumque hominumque reponit.

V. 334. Edit. Veneta: rogat, sed et ipsa vicissim

V. 135. Palaestinae. Cfr. III, 313.

Edit. Venet. pro reponens l. reponit.

V. 138. Carmeli. I, 484.

Haud impune tamen, vates! quot sparsa per omnes  
 Monstra Deum terras, quot foeda altaria vidi! 150  
 Impia gens, toties nequicquam exterrita nostrae  
 Fulminibus linguae; nunc denique magnus ab alto  
 Ultor adest, meritis qui subruat ignibus urbes  
 Sacrilegas. Quantus regum cruor effluet atris  
 Lingendus canibus! quot corpora sparsa per agros 155  
 Alitibus praedam video, quantoque tumentem  
 Sanguine Jordanem! Quanquam pro talibus, alma  
 Virgo Parens, nimium, vereor, frons ista Puelli  
 Blanda tui, placidusque animus. Quo pri tinus ille  
 Dux exercituum cessit? cur grande sub istis 160  
 Dissimulat Numen spoliis? ubi fulmen? ubi vox?  
 Et nomen vetus et facies habitusve Tonantis?  
 Talibus austerus dictis toto igneus ore  
 Instabat vates: Quem mitibus alma querelis  
 Mollibat Virgo; desuetaque fulmina dextrae, 165  
 Alternasque vices, et sat data funera terris;  
 Nunc aliam seriem conversaue secla docebat.  
 Interea vero gemini per prata puelli  
 Immixti geniis, calathi quibus omnibus auro  
 Illusi atque ebene texti argentoque quasilli, 170  
 Carpebant flores. Ter quinquaginta seorsum  
 Collegere rosas; quarum pars tertia puris  
 Purior alpinis nivibus, pars altera tincta  
 Murice sanguineo, pars ultima concolor auro.  
 Ut numerum explevere sacrum, Tria nectite filo 175

V. 158. Edit. Venet. legit:

Virgo, equidem vereor, nimium frons ista Puelli

V. 157. Jordanem. II, 331.

V. 162. Tonans (*βροντῶν*) Jupiter vocabatur (Ovid. Her. 9, 7) h. l. Deus unus vindex.

V. 163. Edit. Venet. habet:

Talibus austerus dictis antiqua renarrans.



Serta, ait aetherius Puer, unicoloribus unum -  
 Quodque rosis; decimam medio sed quamque nivali  
 Belle interposito distinguite lilio, odoros  
 Inter utrinque crocós. Sic ille, et sedulus ultro  
 Ipse manus operi quoque contulit; inde pex agrum 180  
 Laetitia ingenti Reginam adiere sedentem  
 Graminea in ripa: cui formosissimus Infans  
 Mollibus imposuit nexum diadema capillis.  
 Quis tibi sensus erat, Virgo? quam concolor ipsi  
 Sanguineo serto! quae purpura sparsa per omnes 185  
 Ore genas toto! Ter summo e vertice munus  
 Detrahit roseum Puero impositura; ter ille  
 Restituit rursum, bis garrit almus ad aurem  
 Matris, bis pariter Virgo respondit in aurem  
 Coelestis Nati. Tandem pulcherrima Numen 190  
 Caeruleo accepit gremio, tenera oraque toto  
 Ore superposito strinxit, tenuitque lacertis  
 Amplexa; et lacrimans et inhaerens talia dixit,  
 Quae poterant ipsum, credo, retinere cadentem  
 In mare jam solem. Hic lusus gratissimus inter 196  
 Mille alios fuit. Hinc adeo tibi grata rosarum  
 Munera Partheniis altaribus, hinc tibi magnis  
 Intermixta etiam titulis rosa. Denique sarta  
 (Nazareas postquam rursum remeavit in aedes)  
 Elpino dedit; ille autem sua carmina cuique 200  
 Adjecit flori. Verum mihi noxia semper  
 Vesperis umbra. Inter medias jam ter mihi, Phoebe,

V. 186. Edit. Ven. mutat:

Ore genas! Manibus ter summo e vertice munus

V. 191. Edit. Veneta:

Caeruleo accepit gremio, et crinem et tenera ora.

V. 200. Edit. Venet. adnotat: Franciscus Lemene auctor Rosarii  
 poeticis floribus intexti. Cfr. V, 171.

V. 202. Phoebe. II, 1.

Delicias fugis: ipse autem quae cernere velles,  
 Hespere, cuncta fugas. En sidera sparsa repente,  
 Praecipitemque fugam solis noctemque ruentem 205  
 Parthenis ipsa dolet. Jam tempora cyclade velat,  
 Discessumque parat: Procul, inquit, in ardua tecta  
 Sera dies, Pueri, revocat, superandaque vallis;  
 Perque sacram relegenda iterum vestigia silvam.  
 Sic illa. At senior vates suspexit eremum, 210  
 Carmeli ad normam veteris tecta ardua colle  
 Palmifero, atque illuc bis sustulit ad juga dextram,  
 Clamoremque dedit notum, tenuitque parumper  
 Sollicitam Matrem dictis, atque altius ore  
 Signa dedit rursum. Ecce autem (mirabile visu!) 215  
 Quattuor e monte alipedes, en currus ab alto  
 Flammeus, alatusque Cherub auriga jugales,  
 Lora tenens, summo de vertice collis agebat.  
 Qualis ubi in noctem vulgo media urbe coacto  
 Machina flagratura ingens jam tempore longo 220  
 Spectantes tenuit, cum primum culmine ab alto  
 Per funem aut aquila, aut alato tergore serpens  
 Sibilat ore ferens incendia; plebis hiantis  
 Ora oculosque rapit flamma improvisa per auras:  
 Haud aliter miri veniebant tramite recto 225  
 Quadrijugi ardentes flagrantisque axe quadrigae.  
 Utque solum tetigere rotae, propiusve quierunt,

---

V. 204. Hesperus (*Ἑσπερος*) stella dicitur, cum subsequitur, Lucifer (*Φωσφόρος*), cum antegreditur solem. Virg. Ecl. 10, 77.

V. 211. Carmeli. Cfr. I, 484.

V. 217. Cherub (potens, fortis) h. l. angelus. Cherubim et sublimiora Angelorum agmina, et figurae Hebraeorum symbolicae sunt (Ezech. 1, 5—10. c. 10, 14—20). Cfr. Lamy de tabernac. foed. p. 424 sqq.

V. 219. Edit. Veneta pro qualis ubi legit: ac veluti.

V. 220. Edit. Ven. pro jam l. ubi.

His ego vectus, ait Thesbites, aethere quondam;  
 Hisque feror toties trans nubila, transque rubentem  
 Supremi regionem ignis, maculosaque lunae 230  
 Bis propior convexa oculis immania vidi.  
 Haec memorans armos manibus palpat equorum,  
 Nomine quemque vocans, atque ora sonantia fraenis  
 Prensabat dextra, atque humeris aptabat habenas.  
 Inde Parens Puerique ambo Seniorque coruscis 235  
 Consedere jugis; obscuroque aëre septi,  
 Qua procul ad stadium miranda palatia surgunt,  
 Aethere stellato liquidum per inane redibant.

Fas mihi nunc rerum felici abscondita nocte  
 Efferre in lucem memoranda arcana sub auras; 240  
 Fas audita loqui, tantisque obliviae rebus  
 Demere, siqua latent, memorique adjungere famae.

Jam claras aedes, jam limina celsa subibant.  
 Ecce autem extremis mediisque penatibus omnis  
 Plena novis strepit hospitibus domus: ecce per aulas 245  
 Obvia, perque fores passim, perque atria magna  
 Turba ingens matrumque virumque effusa ruebat.  
 Nempe aderant veterum Abramidum de sede piorum  
 Selecti manes, proavi sanctique parentes  
 Virginis (his nuper supera ad convexa parumper 250  
 Ire datum, et Puero et magnae deferre Parenti  
 Obsequia). Ante alias complexu ecce obvia inani  
 Anna Parens in colla ruit, notaeque per auras,  
 Ut quondam, resonant voces: Ne subtrahe vultus,  
 Nemetue, ognata: en genitrix tua, corporis expers: 255  
 Illius at simulacra vides; non veraque imago est,

V. 228. Vectus aethere quondam. IV. Regg. 2, 11. Thesbites. VI, 90.

V. 233. Anna, uxor Joachim (Jojakim), mater s. Virginis Mariae. Niceph. hist. eccl. 2, 3.

V. 254. Edit. Veneta pro ut l. cen.

V. 256. Edit. Venet. pro at l. hic.

Quam cernis: sed praesentem te, Filia, miris  
 Amplector, videoque modis. Nec lumina possum,  
 Nec vestes, nec mortalem discernere vultum,  
 Spiritus exutus membris. Sed pulchrior ingens 260  
 Longe alia apparet species, animamque nitentem  
 Perspicio insolitis radiis, cui corpus inhaeret  
 (Cernere quod nequeo), nebulae circum instar opacae.  
 Oscula redde mihi, mea lux, quae sentio; quanquam  
 Sparsa tibi haec eadem volucres videantur in auras. 265  
 Parte alia Elisabe pavidum complexa puellum  
 Alloquitur longaeva suum; similisque tenenti,  
 Coeca velut, rogat, an tergo circumdata zona,  
 Ut quondam, presumque manu contrectat inani,  
 Hortaturque loqui; propiusque adnixa laborat 270  
 Ingerere antiquos vultus et nomina nota.  
 Mene, puer, nosti, tenerum quem montibus olim  
 Infantem texi, pueris cum bella moveret  
 Impius ille, cavoque specu jam lassa biennem  
 Te moriens liqui? Tales dabat illa querelas; 275  
 Quas strepitus Patrum tegit ingens undique circum  
 Infantem Divum. Hic citharis insignis eburnis  
 Regis Idumaei, Joachimi atavique Manassis,

V. 260. Edit. Veneta:

Spiritus exutus membris terrestribus. Atqui

V. 266. Elisabe. Cfr. III, 289.

V. 274. Impius ille. Cfr. III, 409.

V. 275. Edit. Venet. addit:

Te moriens liqui? Quae sors exinde sequuta?

Quae rerum series? Tales dabat illa querelas;

V. 378. Regis Idumaei (I, 34) scil. Davidis, opere Psalmorum ss. magnisque aliis rebus gestis celeberrimi. I Regg. c. 16 sqq. Stolberg Gesch. d. Relig. Jesu. III.

Joachim. Cfr. VI, 253. Manasses, Josephi filius, quem Jacobus nepotem adoptavit, caput unius tribuum Israel exstitit, itaque atavus Hebraeorum. Cfr. Gen. 48, 5 sqq. Num. 1, 10 sqq.

Pantheris, Jesse, atque ingens senis Abrahæ imago,  
Isacique pii sera de stirpe nepotes: 280

Vestibus in niveis omnes oleaque virenti,  
Et semper vivo redimiti tempora flore.

Una omnes subiere aulam, quæ maxima tecto  
Sese aperit medio. Crystallina pensilis ingens  
Tergemina effulget lampas, centumque minores 285  
Aëre dependent: aurataque brachia longo  
Ordine sustentant ardentes undique ceras.

Hic acies pictæ innumerae, et seges aspera Martis;  
Aere graves equites, hastæ galeaque comantes,  
Et clypei, atque omnem sacerhorror circuit aulam. 290  
Scilicet in divum Puerum Styx effera quotquot  
Eductura olim furias horrentiaque arma  
Cernere erat, pictosque duces et fortia facta  
Magnanimum Heroum, pugнатаque in ordine bella.  
Hinc Constantini labara exundantia ventis, 295

V. 279. Pantheris i. e. pantherini hominis, qui variis artibus et dolis agit  
(Plant. Epid. 1, 1, 16). Jacob patriarcha subintelligitur, qui Isaac  
patrem dolo cepit, ut jus primogeniti acciperet. Gen. 27.

Jesse. Cfr. I, 204.

Abram (pater excelsus), deinde Abraham (pater numerosae so-  
bolis) dictus, filius Thare (Therab), et animi candore et pietate in-  
signis. Gen. 15 sqq.

V. 284 et 285. Edit. Venet. legit:

Sese aperit medio. Centum crystallina lychnis  
Pensilis effulget lampas.

V. 288. Mars (Ἄρης) s. Mavors, filius Jovis et Junonis, Deus belli praeses.

V. 291. Styx. III, 112.

V. 295. Labarum (a λάβωρος, exuviae hosti vivo detractae, sive a λάβω, capio), vexillum militare auro gemmisque intextum, erathasta  
longa, a qua pretiosus pannus cum Imperatoris imagine pendeat.  
Huic Constantinus M. coronam imposuit cum cruce et literis  
initialibus nominis Jesu Christi, quod contra Maxentium pug-  
naturus crucem in aëre cum verbis ἐν τῷ αἵματι vidisset. Cfr. Eu-  
seb. vit. Constant. I, 28 — 30.

Romuleisque aquilis Crux addita, visa per auras:  
 Inde Godefridi vexilla et Maurica caesa  
 Agmina, Arianaeque acies et Thracia bella.

Nec tantum veteris, sed et aevi Mars quoque nostri  
 Effigies, atque arma virum spirantiaque ora 300  
 Parietibus pictis variisque tapetibus errant.  
 Namque hic aeratas classes, Venetosque leones  
 Litora spectabant, Maurocenique triumphum  
 Jonio e ponto in patriam nova sceptrā ferentis.  
 Parte alia heroes magni Lotharingus in armis 305  
 Et gener Augusti Bavarus, duo fulmina belli;  
 Ductoresque alii mediis in millibus ibant.

V. 297. Godefridus (Goffredo) de Bouillon dux belli ad Palaestinam expugnandam facti 1096. Cfr. Tasso: *la Gerus. liberata*. Maurica sive Arabum agmina a Carolo Martello, Francogallorum duce, inter Limonum (Poitiers) et Caesarodunum (Tours) anno 732 p. Chr. devicta.

V. 298. Arianaeque acies. Arius quum (319) Christum Deum esse negaret, multarum in Oriente discordiarum atque bellorum auctor fuit. Sozom. *hist. eccl.* I, 2 sqq. Epiph. *haeres.* 49, 3.

Thracia bella. Gothi fidei Arianæ addicti, atque sedibus suis ab Hunnis, Asiae populo, expulsi novamque patriam quaerentes Thraciam aliasque regiones devastabant.

V. 302 et 303. Venetosque leones — Maurocenique triumphum. Franciscus Maurocenus (Morosini nat. 1618 mort. 1694), qui multas Graeciae urbes insulasque Turcis bello ereptas in Venetorum potestatem redegit, duas leonum statuas Athenis anno 1687 expugnatis Venetiis asportavit, ubi ante armamentarium nauticum positae sunt.

V. 305. Lotharingus i. e. Carolus III, Dux Lotharingiae, diuturnis bellis adversus Ludovicum XIV (1648 — 1700), regem Galliae, atque Leopoldum I, Imperatorem Germaniae, implicitus.

V. 306. Gener Augusti Bavarus. Maximilianus Emanuel, Elector et Dux Bavariae, virtute bellica insignis, Leopoldum I, Imperatorem Germaniae, adversus Turcas, qui (1683) jam in eo erant, ut Viennam expugnarent, adjuvit. Quibus victis atque repulsis Imperator ei Mariam Ar in matrimonium dedit.

Tuque etiam palmis superesses, Jule, Sabaudae  
 Gentis honos, primis cui mors florentibus annis  
 Invidit, ne laetam urbem conversaque fata 310  
 Aspiceres belli, quorum pars magna fuisses.

At late in medio Geticus revolutus in omnem  
 Pannoniam it torrens, cui vix satis ampla camelis,  
 Armentis et equis poteribus, atque trecentis  
 Europae atque Asiae collectis gentibus urna 315  
 Danubii: Austriacis successu turgidus horrens  
 Ire superfusis rupto aggere cernitur arvis.

Hinc miserae matres profugae per tela, per enses  
 Crinibus effusis, lamentisque astra cientes,  
 Queis media e flamma gremio asportata supellex, 320  
 Aut caesus conjux, aut rapti in vincula nati,

Inter equos currusque latent, confusaque castra.  
 Migrantum plena arva fuga, plena omnia luctu,  
 Horror ubique, metus, faciesque miserrima belli.  
 Nec procul Austriadum obsessam discrimine in arcto 325  
 Cernere erat sedem; tercentum millia circum

Quam Thracum immensa valli obsidione coërcent.  
 Omnibus it tortus circum cava tempora turbo  
 Lineus implexus spiris, latera ardua cingit  
 Fascia versicolor: vario Babylonica textu 330

V. 308. Ludovicus Julius, Comes Sabaudus et Marchio Salutiae  
 (Saluzzo ad Padum), natus 1660 et tribunus militum a Tataris  
 1683 occisus est.

V. 309. Edit. Veneta legit:  
 Gentis honos, cui mors praeceps florentibus annis

V. 312. Geticus torrens i. e. Danubius sive Ister. I, 15. 17. Getae po-  
 pulus ad mare nigrum.

V. 325. Edit. Venet. pro obsessam legit positam.

V. 326. Sedem Austriadum i. e. Viennam. VI, 306.

V. 327. Thraces h. l. Turcae, propterea quod Thracia (Rum-III) Turcarum est.

V. 330. Babylon (III, 73) arte acu pingendi et texturis versicoloribus  
 clara. Mart. 14, 150.

Arva tegunt pictis tentoria serica velis.  
 Heu, quae tum miserae facies, quae vota parentis  
 Italiae! heu, propior flammae quibus anxia curis  
 Litoris Adriaci regina, urbsque alma Quirini,  
 Ignarae quid fata parent, quo pondere vergant! 335  
 Qui gemitus, quae fama omnes male fida per urbes!  
 Posteritas (si non sera illa extremaque mundi es,  
 Visura excidium rerum) ne talia speres,  
 Posse tuis memoranda adeo contingere seclis.

Ecce autem picta in summis laquearibus aula 340  
 Numinis apparet, puraque in veste Sacerdos  
 Maximus effusis lacrymis, avertere cladem  
 Si queat; et Caesar supplex Augustaue conjux,  
 Et nati gemini, atque omnis Germania moerens,  
 Hungaricusque aderat Divum chorus, ipsaque sceptri 345  
 Pannonici custos Virgo, veniamque rogabant.  
 Namque hos e coelo armipotens objecerat aegris  
 Terrores populis Divum Pater atque hominum Rex,  
 Vota auditurus miserorum et jacta sub auras  
 Lamenta et gemitus: Queis denique motus, ab alto 350  
 Aethere prospiciens, oculos ad moenia torsit  
 Jam centum perfossa locis: simul armiger Ales  
 Aere cavo insonuit, sonitu quem Vistula longe  
 Audiit atque Hypanis, gelidique Borysthenis unda;  
 Audiit et longe nivibus glaciâlibus horrens 355

V. 334. Litoris Adriaci (Adriatici) regina i. e. Venetiae. VI, 302.

Urbs alma Quirini i. e. Roma. Quirinus nomen Romuli,  
 qui Romam condidisse fertur. Cic. Tusc. 1, 12.

V. 341. Sacerdos Maximus i. e. Innocentius XI. (Benedictus  
 Odescalchi) nat. 1611, Pontifex Max. creatus 1676, mort. 1689.

V. 343. Caesar supplex i. e. Leopoldus I. Cfr. VI, 306.

V. 353. Vistula (Weichsel) fluvius Germaniae orientalis, quam a Po-  
 lonia determinat, Balticumque mare petit.

V. 354. Hypanis, Borysthenes. Cfr. V, 274.



Carpathus extremusque Albis Rhenusque bicornis.  
 Undique convenere duces, tremit excita tellus  
 Ferratis plaustris. Hic sors, hic alea rerum  
 Suprema, hic spes Europae, collectaque virtus.  
 Nec mora: per densos cuneos, per fulmina valli, 360  
 Per segetes ferri horrentes, hinc turbinis instar  
 Sauromata, hinc Lotharus Mavors, et Noricus; inde  
 Flos almae Hesperiae atque omnis gens accola Rheni,  
 Quique Amisim Traunumque bibunt gelidumque Visurgim,  
 Hercyniosque colunt saltus, ceu montibus acti 365  
 Torrentes profugos de moenibus urbis agebant.

V. 356. Carpathus (Carpathii montes) per Hungariam ad Sarmatiam usque Europaeam pertinet.

Albis (Elbe) fluvius Germaniae, qui oceano germanico miscetur. Rhenus bicornis (Virg. Aen. 8, 727) dicitur, quia duplici ostio in oceanum septentrionalem influit.

V. 358. Edit. Venet. pro ferratis legit aerisonis, et pro huc l. hic.

V. 359 sqq. Edit. Venet. legit:

Extrema, huc demum fatis adducta supremis  
 Lis Asiam Europamque inter, cui pareat orbis.  
 Mens eadem cunctis praedonem arcere cruentum  
 Moenibus obsessis, aut certae occumbere morti.

V. 362 sqq. Edit. Veneta:

atque hinc  
 Saxones et Cimbri atque Hassi gensque accola Moeni,  
 Et Nicri atque Amisi et Vahalis, quosque alluit Eder,  
 Quique Istrum.

V. 362. Sauromatae l. q. Sarmatae gentes slavicae.

Lotharus Mavors et Noricus. Cfr. VI, 305.

V. 363. Flos Hesperiae. Cfr. IV, 427. VI, 308.

V. 364. Amisis (Amisia, Ems) fluvius Germaniae septentrionalis.

Traunus (Traun) imperii Austriaci fluvius, qui Danubium petit.

Visurgis (Weser) fluvius Germaniae, qui in oceanum germanicum influit.

V. 365. Hercynii saltus l. e. montes Germaniae, qui ab Alemannis haud procul a Rheno incipiunt, ramosque variis nominibus per mediam Germaniam extendunt. Mela 3, 3. Caesar b. g. 6, 24. Tacit. G. 30.

Famaque jam toto signum dabat aëre cladis  
 Aere cavo ingenti. Centum urbes, oppida centum  
 Cacsareas acies victriciaque arma canebant.  
 Omnibus in pagis ludi, combusta superbi 370  
 Mustaphi simulacra viis, profusaque dona  
 Larga meri, in mediis passim convivia pratis.  
 Ipse autem niveo altus equo, pulcherrime, cultu  
 Hungaricoque insignis acinace rite vetustis  
 Cerneris, Austriade Joseph, succedere regnis. 375  
 Stant circum Illyrici atque Daae extremique Triballi,  
 Et Moesi et vincti Thraces: ipse arduus ense  
 Quattuor ad ventos conversus patria regna  
 Designas. Bello populi mirantur acerbo  
 Plena ora impubesque genas auroque comantem 380  
 Caesariem et pulchrum spirantia lumina Martem.  
 Talia per muros venturi praescius aevi  
 Aulai ingentis pictor digesserat Ales.  
 At majora oculis velo servata latebant.  
 Nam procul ante ora augustum se tollit ad auras 385  
 Pegma pavimenti extrema de parte corusco  
 Sipario obductum. Post velum-scena chorique,  
 Actoresque latent Genii, pulcherrima pubes,  
 Aere renidentes fulvo nitidisque cothurnis,

V. 371. Mustaphus. Cfr. III, 109.

V. 373. Austriade Joseph. Cfr. I, 19. V, 266.

V. 376. Illyrici. Cfr. IV, 443.

Daae (*Δάαι*) populi Asiae in Scythia supra Caspium mare.  
 Plin. 6, 17, 19.

Triballi (*Τριβαλλοί*) populi Moesiae inferioris inter  
 Haemum montem (Balkan) Danubiumque fluvium. Ptolem. 3, 5.

V. 377. Moesi Serviam et Bosniam incolebant.

Thraces. VI, 327.

V. 381. Mars. VI, 368.

V. 389. Edit. Venet. omittit.

In seram noctem spectacula mira daturi 390

Hospitibus Divis. Titulus de fornice pendet

Oscula Justitiae et Pacis. Jamque aurea rite

Cymbala proludunt chordis: jam pompa latentis

Se reteggit scenae; jamque alta silentia poscit

Sibilus. En sensim subducitur aëre velum. 395

Proh! quae immortalis species, quae Regia, quae lux,

Quae domus aetheria! Hem qualis sedet ardua gemmis

In solio Regina nitens! quot fulgurat astris

Intextum syrma aërium! quas jam dabit illa

Fronte gravi voces! quam plena silentia sancto 400

Terrore! o Patria, o Solymae caelestis imago!

O superum regio, species stellantis Olympi!

Argumentum operis, Majestas laesa Tonantis:

Justitia hinc acuens iras, Pax flebilis illinc

Exorans veniam. Nodum Sapientia solvit, 405

Proponitque inter Numenque Hominemque sequestrum

Unigenam, humano velatum corpore Numen.

Discutitur, placet inventum: suprema Potestas

Commissum sibi spondet opus. Sic lite dirempta,

Acceptis hinc atque hinc conditionibus aequis 410

Oscula Justitiae et Pacis spectacula claudunt.

Talia supremus fortunata otia magnis

Hospitibus Pater indulisit; queis rite peractis

Subvectos iterum curru Jessidas opaco

Aëre Nazareis bonus Ales reddidit oris. 415

V. 399. Oscula Justitiae et Pacis. Misericordia et veritas obvia-  
verunt sibi: justitia et pax osculatae sunt. Psal. 84, 11.

V. 401. Solyma coelestis. Cfr. Apocal. c. 21 et c. 22.

V. 401 et 402. Pro his verss. Edit. Venet. legit:

Terrore! ut tragicis dictis jam praeparat ora.

V. 403. Tonantis. Cfr. VI, 162.

V. 407. Edit. Venet. pro humano ponit nostro.

V. 414. Edit. Venet. pro Jessidas (I, 204. VI, 279) legit: trans nubila.

# LIBER SEPTIMUS.

## ARGUMENTUM.

Nazareni coelestem Puerum magis in dies admirantur, ejusque subobscuram Divinitatem curiose vestigant. Jonas camelarius iterum ex Aegypto veniens imminantis infortunii metu oppidanos terret. Agar peregrina historiam de Engaddi vinetis narrat; qua audita Aleindus senior afflatu numinis vaticinatur. Vox interim e coelo delabitur, quae prosperum aerumnis ac votis exitum pollicetur.

At tot mira diu penitus subducta latere  
Haud poterant. Deus ipse Pater lucescere quiddam  
Jam propius fusca veluti de nube sinebat.  
Nam postquam laetis Paradisi e collibus Eden  
Nazareos iterum Virgo remearat in agros, 5  
Illa domus, rura illa, amnes vallesque beatæ  
Elysii invidiam poterant coelique mereri.  
Illius augusti species habitusque Puelli,  
Undecimus cui jam gyrum prope clauserat annus,  
Et nitor et sancti mores et amabilis illa 10  
Majestas jam tum pavidos terrebat agrestes  
Numinis ignaros; eademque trahebat amantes,  
Mulcebatque feros. Mirantur plena decoris  
Lumina, mirantur voces, atque indole in illa

---

V. 4. Paradisus (παράδεισος) sive Eden h. l. amoenissima beatorum sedes, quo coelestis Puer cum Genitrice translatus erat. Cfr. V, 42 seqq.

V. 7. Elysium. V, 50.

Nescio quid plusquam mortale; animique tuendo 15  
 Expleri attoniti nequeunt. Quod sidus in istas  
 Delapsum terras! quae lux oblata per umbram!  
 Quis Deus his nostris successit sedibus hospes!  
 O Pater, an seclis ille expectatus Olympo  
 Venturus, qui colla iugo fessa eximat aegris 20  
 Isacidis? Quae nos terrent insomnia? quidve  
 Omina tanta parant? Tales dant pectore voces,  
 Perculsique stupent. Pueri nutritius ipse  
 Deliciis impar vix custodita tenere  
 Clausa sinu ingenuus poterat sua gaudia Joseph. 25  
 Atque illum curas inter quandoque fabriles  
 Aequaevi urgebant patres, variisque premebant  
 Ancipitem dictis: partes se versat in omnes  
 Jesseus senior, longaeque exordia sumit;  
 Quaque licet, variis responsa ambagibus exit 30  
 Secreta involvens, quae non licet ire sub auras.  
 At matrum longe tibi lucta molestior, alma  
 Parthéni, Nazaridum; quibus importuna sciendi  
 Fervida cura nimis, suetumque impervia quaeque  
 Rimari ingenium. Contermina Virgo paternis 35  
 Debborae erat tectis, quae saepe domestica eodem  
 Sub lare conjunctis curis muliebribus una  
 Inter acus et fila diem studiosa trahebat.  
 Altera arundineum nam stamine versat alabrum,  
 Inque glomos transfert; discriminat altera telas, 40

V. 19. Edit. Venet. pro Olympo legit ab alto.

V. 21. Isacidæ i. e. posteriori Isaac patriarchae, filii Abraham. Gen. 31, 2 seqq.

V. 26. Curas inter fabriles. Josephum, qui Christum nutrit et educavit, fabrum (τέκτονα) fuisse, ex Matth. 13, 55, manifestum est.

V. 34. Edit. Venet. pro suetumque habet solitumque.

V. 39. Alabrum (alibrum) instrumentum, quo fila vertuntur. Isid. Or. 19, 39.

Alternisque trahunt amhae sermonibus horas.  
 Haec semel haud tenuit sese, quin sedula multis  
 Rem peteret precibus, quam pertentaverat ante  
 Lusibus obscuris; nunc vero exorsa precando  
 Sic fatur dictis. Maria, inquit, per vetus istud 45  
 Commune hospitium primaeque crepundia nostrae  
 Aetatis simul exactae, quando omnia (sancte  
 Spondeo) secreto sub pectore dicta reponam,  
 Nec meus ipse sciet conjux, nec resciet aura,  
 Quin mihimet studio properare oblivia nitar; 50  
 Per si quid merui, per quidquid poscere fas est,  
 Cara mihi ante alias, cui vox, cui gratia nata  
 Solamen curis, semel exorabilis esto.  
 Fare age, quis tandem genius tuus iste? puerne,  
 An divinum aliquid tibi lapsum ex aethere, ut ipsa 55  
 Suspikor, in gremium? Tibi namque simillimus ille  
 Ore refert adeo toto, teque exprimit ore,  
 Teque unam; ut certe in terris quasi credula jurem  
 Non habuisse patrem. Tibi vero tanta venustas,  
 Atque adeo a partu nil gratia decolor oris, 60  
 Nil species laesa, ut possis quodammodo credi  
 Mater, adhuc virgo. Veniam precor ista loquenti;  
 Nam tuus ista facit miserae deliria natus,  
 Crine adeo, gestu, vultuque oculisque decorus;  
 Ut si mortales Deus ipse assumere vellet 65  
 Omnipotens artus (ausim hoc quoque dicere) tales,  
 Nec credo unquam alios vellet sibi fingere vultus.  
 Nonne vides, quae forma illi, quae gratia fandi,  
 Qui decor, almae Parens rerum, quae lumina fronte

V. 50 in Edit. Venet. desideratur.

V. 57. Edit. Veneta: Usque adeo te voce refert.

V. 61. Edit. Venet. pro quodam modo legit pulcherrima.

V. 69. Edit. Berol. pro almae perperam legit alma.

Bina micant? ut dicta stupent, pavidique recedunt 70  
 Externi agricolae, monstrisque simillima narrant?  
 Verane quae perhibent? venisse Orientis ab ora  
 Illius ad cunas reges, humilique coruscam  
 Insedisse lari stellam? vinetaque eodem  
 Tempora, bruma licet foret aspera, colle propinquo 75  
 Vernasse? Auditum hoc memorant a Beride quadam,  
 Quae modo Sunam habitat nupta illic; ipsaque flores  
 Testatur quondam, atque uvas vidisse recentes.  
 Sed quid ego haec longe revoco, atque antiqua revolve?  
 An non haec pariter nobis memoranda canebat, 80  
 Hisque etiam majora hospes narrabat Jonas?  
 Quin etiam, nostros cum lis foret inter amantes  
 (Quamquam alio te sub coelo tunc Memphis haberet),  
 Sub noctem pueris manifesta in luce repente  
 Dona ferens aderas; eademque invecta per auras 85  
 Arboribus super, atque inter cava nubila visa es  
 Ictu oculi praesens; dum te nemus inter opacum  
 Quaerimus, et nati miramur munera fontis.  
 Ex illo attoniti quae Divum ostenta tuemur!  
 Quot vates horrenda monent! quae visa reportant! 90  
 Ipsi etiam nostri cum matutina bubulci  
 Armenta educunt stabulis, per gramina sparsos  
 Inveniunt flores, peregrinaque lilia passim.  
 Mirantur loca, qui possint ea candida ferre  
 Germina, quaesitumque diu: extremoque repertum, 95  
 Qua tibi, qua puero interdum mora facta per agros,  
 Alba ligustra illic violasque erumpere ad auras,

---

V. 77. Suna. Cfr. IV, 97.

V. 81. Jonas camelarius. Cfr. lib. I, 169 seqq. 160 seqq.

V. 83. Memphis. I, 87.

Et rorem interdum, aut liquidi vestigia rivi.  
 Nunc autem haec animo relegens simul omnia mecum  
 Quid statuam, fateor, coeca vetor obsita nocte: 100  
 Somnia cerno vigil, miris feror anxia monstris.  
 Quod te per superos, per magni Numen Olympi,  
 Perque tuum hunc Solem, semel haec perplexa resolve,  
 Atque arcana doce. Tibi fida silentia juro:  
 Hic citius paries commissa arcana loquetur, 105  
 Quam retegam quidquam. His dictis pulcherrima Virgo  
 (Nam quo rem tegeret? quo se converteret anceps?  
 Quidve aliud poterat?) velo sese illa ruboris  
 Virginei totam deprensa in luce tegebat,  
 Purpureo similis panno, similisque Damasci 110  
 Coccineae rubicunda rosae. Tibi finge retentum  
 Imbris iter fluidi puerum, quem turba coercet  
 Post pluviam ingentem: sic illa exire laborat,  
 Sic quascunque potest partes se torquet in omnes,  
 Sic aditus omnes quaerit. Perpauca roganti, 115  
 Ut decuit, responsa dabat: cum pulcher Jesus

---

V. 98. Edit. Venet. addit:

Quid plura? Hoc etiam memorant: In floribus illis  
 Si quis captarit somnos sopitus in herba,  
 Continuo simulacra videt coelestia miris  
 Ante oculos objecta modis arcanaque Divum.  
 Hoc mihi narravit Beroë, quae lumina postquam  
 Clauserat, atque illic paullisper fessa quierat,  
 Vidit ut innumerae in somnis longo ordine gentis,  
 Reges atque duces, matres, pueri atque puellae  
 Ante lavacrum ingens properabant tabida morbo  
 Corpora certatim sacris abstergere lymphis.  
 Vidit et impositam praeruptis montibus arcem,  
 Quam ferrugineo circum tecti aere gigantes  
 Terrigenae armati frustra obsidione premebant,  
 Necquicquam et contra reserabant tartara portas;  
 Multaque praeterea variarum aenigmata rerum,  
 Quae mens (quippe audita olim) meminisse laborat.



Adfuit, extemplo coram, nec Debbora fando  
 Explorare ausa ulterius, nec sanguinis ultra  
 Elicere in vultus flammam: sacer ingruit horror,  
 Suspensisque animis sera jam nocte recessit. 420

Talis Nazaridum cura ingens pectora agebat,  
 Ignoscenda tamen. Quis enim tot mira tuendo  
 Abdita mortali specie non sedulus omnes  
 Rimari arderet latebras? non cuncta susurro  
 Misceret tecta ambiguo? Nam corpore in illo 425  
 Exiguo tenerisque annis quis crederet unquam  
 Esse Deum? Hinc stupor, et velut aegrae somnia mentis,  
 Hinc animi implexi diversaue murmura vulgi.

Ecce autem Phariis rursum mercator ab oris  
 Ille bonus Jonas aderat, mercesque Canopi 430  
 Donaque coelesti Puero Matrique ferebat.  
 Isque palam patrio in coetu miranda Puelli  
 Altius inseruit suspecta aenigmata genti,  
 Terroremque tulit trepido sic ore locutus:  
 Nazarei cives, genus alto a sanguine Judae, 435  
 Dicite, quis vestrum concurrere cominus ausus  
 Cum Styge? quae vobis bellatrix foemina? quisve  
 Ille Puer, cui tantum odiis infensus Avernus?  
 Namque (ut longaevus retulit Pellaeus aruspex)  
 Ex adytis templi post longa silentia tandem 440

V. 129. Phariis. Cfr. I, 2.

V. 130. Mercesque Canopi. Cfr. I, 68 sqq.

V. 135. Juda (Judas) quartus filiorum Jacobi patriarchae et Liae (Leah).  
 Gen. 29, 35.

V. 137. Styx. III, 112.

V. 138. Avernus. III, 60.

V. 139. Pellaeus aruspex i. e. Jonas camelarius (VII, 81) ex Aegypto veniens. Pellaeus enim ad Alexandriam Aegypti ab Alexandro M. Macedonico sive Pellaeo (a Pella capite Macedoniae) conditam, et ad ipsam quoque Aegyptum saepe refertur. Lucan. 5, 60.

Haec vati responsa dedit latrator Anubis:  
 Vae miseris, duro quos bello asperrima virgo  
 Nazarea de gente (nefas) sub tartara mittit!  
 Vae diis noctivagis ausis ferre arma sub axem!  
 Causa mali tanti demissus ab aethere magno 145  
 In terras Puer. At contra pro talibus ultor  
 Mox aderit juvenis Samarita. Ille aequa superbis  
 (Spero equidem) superis referet; nova bellaque vindex.  
 Exciet, et poenas caesa sibi virgine poscet.  
 Talia vulgabat populis oracula Jonas, 150  
 Pendebantque animis, ecquis Samariticus iste  
 Laturus triste exitium, quae victima virgo  
 Danda neci, quae dira lues impendeat arvis.  
 Praeterea fuit in Libani convallibus imis  
 Armenti custos. Huic improvisus ab alto 155  
 Fatidicus menti furor incidit; ipse per omnem  
 Mira Palaestinam ventura horrenda canebat.  
 Et Samarim digito ostendens: vae, perfida pellex!  
 Vae tibi, vae Babylon, scelerati numinis hospes!  
 Vae Galaaditis sponsis! Nec plura: sed omnes 160  
 Ipse etiam indigenas terrebat et oppida vates.  
 Nec satis. In somnis alii quoque nocte silenti  
 Haec eadem moniti passim ventura ferebant,  
 Inque Deo Puero spemque effugiumque locabant.

- V. 141. Anubis, Deus Aegyptiorum, vultu canino praeditus Horizontem repraesentabat, quod et orientis et occidentis solis custos fingebatur, quam ob rem a Virgilio (Aen. 8. 698) latrator dicitur. Cfr. Jablonsk. in Pantheo Aegyp. 5, 1.  
 V. 147. Samarita juvenis. Cfr. VIII, 18.  
 V. 150. Edit. Veneta: Talla narrabat vulgata.  
 V. 154. Libanus. V, 71.  
 V. 158 Samaritis i. q. Samaria (Joseph. bell. jud. 3, 8. 1), Cfr. III, 47.  
 V. 159. Babylon. III, 73. VI, 330.  
 V. 160. Galaad (Gilead) provincia trans Jordanem (II, 351). Cfr. Jos. Antiqq. 13, 14. 2.

Ille dabit vobis magicas eludere fraudes, 165  
 Isacidæ, ille Deum mentitum arcebit Idume:  
 His igitur dictis horrebant undique agrestes.  
 Hinc Samaraeae excisa, omnis commercia gentis,  
 Inque dies magis atque magis plebs territa monstris,  
 Nazareoque super Puero mens omnibus anceps. 170  
 Omnibus in votis aliquam exalbescere lucem  
 E coelo, atque alte injectam rarescere noctem.  
 Da, Pater, augurium, qui praevis igne columnae  
 Isacidæ quondam deserta per avia ducti:  
 Quique olim precibus victus sitientibus undam 175  
 Cautibus e duris, dona insperata, dedisti:  
 Da finem curis, atque atram disjice nubem.  
 Talibus orantes onerabant sidera votis.

Cum tandem tenuis resplenduit aethere fulgor,  
 Inque atris fulsit spes improvisa tenebris; 180  
 Spes, inquam, quam forte tulit peregrina puella  
 Historiam veterem narrans. Rem fusius omnem  
 Altius ordiri, seriemque ab origine praestat,  
 Et varia, ut possum, intertexere stamina telae.

Nam semel hibernis circumfusae ignibus Esther 185  
 Atque uxor Jonathae et Damaris longaevaue Charmis,  
 Nazariaeque aliae, strepera ingentique corona,  
 Ad risum faciles, pars vellera crudaque lina  
 Carpebant; aliis labor hirtis solvere echinis  
 Castaneas; aliae torquebant stamina fusis. 190  
 Forte autem reliquas aderat spectabilis inter

V. 166. Isacidæ. VII. 21. Idume. I. 34.

V. 166 inter et V. 167 Edit. Venet. interponit:

Hunc precibus servate piis, huic rite Sabaea

Thura date, et sanctis jam nunc assuescite votis.

V. 174 et V. 175. Confer Exod. 13, 21 sq. cap. 17. c. 40, 36 sq.

V. 187. Streperus i. q. strepens.

Nupta recens Agar, Engaddi e rure puella,  
 Cui patriis profugus tectis formosus Heberus  
 Nupserat, inque suas nunc primum vexerat aedes.  
 Hanc croceis vittis aurumque imitante orichalco 195  
 Insignem, faciesque novas, nova rura timentem  
 Turba peregrinam paulatim assuescere blandis  
 Cogebant refugam dictis, trepidamque ciebant.  
 Primaque Charmis anus de more interrogat, utra  
 Rura magis placeant, Engaddi an Nazareth? Illa, 200  
 Cui pudor ingenuus nativaeque gratia linguae,  
 Haud meditata diu responsum: Nazareth, inquit.  
 Vestigare instat. Quae vero his dignior oris  
 Causa morae? Illa autem: Mariae pulcherrimus almae  
 Natus. Ethuic puero jam tu intima (Dammarris inquit), 205  
 Vix quinque exactis hic solibus hospita? At illa:  
 Infantem in cunis vidi, cum poma rigenti  
 Nata hieme, atque uvas, et texto in vimine flores  
 Attulimus. Flores? (ait Ammon) poma rigenti  
 Nata hieme atque uvas? Hic ingens orta cupido, 210  
 Engaddi ut quondam vernarint rura decembri,  
 Cujus inaudierant aliquid, sed nubila erat res.  
 Attamen et senior Jesse et longaevus Obedon  
 Nescio quid memori confusum mente volutant:  
 Ipsaque vineti procul hinc mirabile quiddam 215  
 Dictum olim repetit Charmis memor, ipsaque flores  
 Nescio quos semel auditos reminiscitur Esther.

---

V. 192. Engaddi (Engedi) urbs antiqua in tribu Juda prope mare mortuum. Jos. 15, 62. Joseph. bell. j. 3, 3. 5.

V. 193 et 194. Edit. Venet. emendat:

Quam patriis profugus tectis formosus Heberus

Nunc primum in patrias sibi nuptam duxerat aedes.

V. 208. Edit. Venet. pro flores l. quondam, versusque 208 et 209 sic contrahit:

Attulimus flores. Hinc ingens orta cupido,

O age, dic, oro, seriemque ab origine miram  
 Incipe. Foemineo simul illam murmure magno  
 Constituunt coetu in medio, interruptaque pensa 220  
 Paulisper ponunt, remque omnem audire laborant.  
 Quae simul ac vidit conversa in se ora, rubore,  
 Ut decuit, suffusa genas, formidine tandem  
 Deposita, sic orsa loqui; Jam talia dudum  
 Credideram, fateor, vestris quoque didita terris, 225  
 Nec latuisse sonum. Sed quando ingentis ad aures  
 Prodigii tenuis vix rumor seraque fama  
 Accidit, ipsa oculis quae praesens testibus hausi,  
 Expediam paucis; nec enim sine numine divum  
 His ego nupta oris vestris, nec inutilis hospes 230  
 Munera parva olim referam. Bethlehemia in arva  
 Visendi studio (undecimus jam vertitur annus)  
 Ad Jesum infantem pastorum credula dictis  
 Forte ierat mater. Sera dein nocte reversa  
 Engaddum pluvio imbre fluens lutulentaque coeno, 235  
 Ut nunc, hibernum circa ignem et fumida ligna,  
 Dum chlamydem ponit, madidos dum siccatur amictus,  
 Narrabat nobis, quae viderat. Heu, quibus illa  
 Ebria deliciis miris! quae visa canebat!  
 Nec finis fandi quam dia puerpera; quot se 240  
 Vinctam illi obstrictamque modis; quam candidus illic,  
 Quam roseus Puer inventus, quam frigore paene  
 Exanimis miser! O qualis! qui fulgor ocellis!  
 Mille modis variis secum dulcedinis haustae  
 It volvens animo sensus, atque exprimit ore. 245

V. 219. Edit Venet. pro magno ponit circum.

V. 231. Bethlehem (domus panis, ob ingentem frumenti copiam),  
 cujus nomen antiquum Ephrata, in tribu Juda erat sita. Gen.  
 35, 19. Euseb. de loc. hebr.

V. 243. Edit. Venet. legit:

Exanimis! qualis superi! qui fulgor ocellis!

Ire iterum juvat, atque illi se Beris eunti  
 Atque ego multa gemens, et Zelphe ac denique cunctae  
 Adjungi oramus comites. Lux crastina tandem  
 Ore uno decreta viae: modo cesserit imber,  
 Candidiorque dies madidum deteraserit Austrum. 250  
 Ergo parens, veteri ex arca dum sedula tostam  
 Depromit Cererem, rugosasque eligit uvas,  
 Quas Mariae et puero designat munera; flebat  
 Importunam hiemem, flebat sine floribus hortos,  
 Culpabatque nives mutataque balsama olivo 255  
 Nuper Ithuraeo. Quam vellet melle liquentes  
 Nunc misera octobris ficus et nectare plenos  
 Nequicquam botros! O nostra ubi cerea pruna!  
 O nostri, ajebat, nunc mala rubentia ruris!  
 Heu glacie, heu canis horrentia cuncta pruinis! 260  
 Audiit haec Pater omnipotens de vertice Olympi,  
 Cui Zephyri parent, cui ver, cui pomifer annus  
 Arrisitque bonus, spemque omnem et munera vicit,  
 Improvisa repente ferens mirandaque dona.  
 Namque ubi prima polo rubuere crepuscula lucis, 265  
 E specula caput impexum caprarius Alcon  
 Protulit, observans ventos et nubila coeli,  
 Sublatisque tuens oculis sine nubibus axem:  
 Bella dies, inquit, nostris accommoda votis!  
 Oh! quis odor veluti florum! vitisque tenellae! 270  
 Hem! flores! flores et poma! Alphaee, Manasses,  
 Zambris, io! Simeon, uva et narcissus in horto.

V. 252. Ceres. IV, 414.

V. 256. Ithuraeus. V, 481.

V. 257. Edit. Venet. pro misera legit utique.

V. 268. Edit. Veneta:

Sublatisque oculis innubem ut vidit Olympum

Undique egelidam sensit de montibus auram

V. 270. Edit. pro vitisque tenellae legit myrtique recentis!

Hei mihi! nocte diu vigili (nam tempore longo  
 Laetitia insomnem tenuit) tum roscida primum  
 Attulerat lassis membris aurora quietem. 275  
 Jamque orto sole et diffuso lumine nostri  
 Immemores aliae per florea rura puellae  
 Errabant laetis clamoribus. Excita somno  
 Audio garritus confusaque murmura vocum.  
 Hem, Rachel, Rachel, quot in uno persica ramo! 280  
 Obella! Hic violae, hic violae et fraga; hic quoque fraga;  
 En cerasa, en cedri; pueri, ne carpite; Zambri,  
 I propere ad matrem, calathos ferat; aspice, Ebere,  
 Aspice, per superos, haec arbuta: suspice Ruben,  
 Quae mala insistunt tibi pendula: Perge puella, 285  
 Quae mora? perge cito: Fugit illa simillima vento;  
 Mater, io! improvisa aestas, miracula rerum,  
 Turgentes uvae, pyra pomaque nata! Relicto  
 Ocyus e strato miris feror excita monstis:  
 Nec mora longa, adsum cum matre et corbibus: una 290  
 Consequitur Zambri soror, atque incompta Nohemis,  
 Vix possum haec memorans lacrimas retinere cadentes.  
 Tollimus ad coelum palmas, stupefactaque circum  
 Lumina versamus. Sunt haec coelestia dona,  
 Quae tetigisse nefas, ait Abra; intacta feramus 295  
 Bethlaeo Infanti: Foliis insterne quasillum,  
 Sephora: vos violas, vos porgite fraga, puellae;  
 Vos, juvenes, truncis insistite, citraque nobis  
 Dejicite ex alto. Insistunt ramalibus ambo  
 Protinus exertis Jonathas et Beno lacertis: 300  
 Cerea pruna cadunt melimelaque perlita rore:

---

V. 286. Edit. Venet. addit:

Latratu festo sequiturque catellus euntem.

V. 291. Edit. Venet. mutat:

Consequitur soror atque incontinens Sara capillis.

Grandinis in morem succusso persica trunco  
 In viridem labuntur humum. Supponite, matres,  
 Huc gremium, huc corbes; tibi pomum hoc, Sara, bilibre;  
 Hoc tibi, tende sinum, Zelphe. Quid singula narro, 305  
 Quae vidi his oculis praesens, hisque auribus hausi?

Jamque omnis veris pompa autumnique sub alta  
 Illice erat foliis cooperta et odoro adianto.

At quinam ferrent Puero redolentia dona,  
 Lis erat et magnum certamen; nam sibi quisque 310  
 Id cupiebat onus, sibi certatimque quasillos

E manibus rapiunt; instant pueri atque puellae,  
 Contenduntque super. Res tandem ad iurgia venit;  
 Cedere nec Zelphe vult Dina, atque utraque certat,  
 Foemineisque utrinque sonat garritibus aether. 315

Ergo pater Ruben litem componere adorsus  
 Dispositos omnes in gyrum promere iussit  
 Quemque manum; digitos, quot quisque emiserat, unam  
 Colligit in summam; tum quemque ex ordine lustrans  
 Non uno numerat gyro. Sors prima Barucchi, 320

Cui trifidum guttur, fatuus cui risus in ore  
 Idem semper erat, risuque excepit eodem  
 Id quoque: Rubeni sors altera, tertia Zelphe.  
 Advolat illa statim, capitique celerrima plenum  
 Aptat utraque manu calathum, quo ditior alter 325

Non erat, atque illum celarat callida in herbis,  
 Ne quis surriperet; sequitur dein Sephora nutrix.  
 Inde ego, tum mater; sors ultima Bersabaeae.

At miseram Dinam fortuna inimica fefellit;  
 Dissimulare nequit, lacrimasque abscondere vultu 330  
 Nititur averso, et lites clamoribus altis  
 Suscitatur, atque alium rursus vult invida gyrum

---

V. 309. Editio Veneta:

At quinam Puero redolentia munera ferrent



Omnino institui. At Ruben maturior annis  
 Ploranti bonus atque aequus sua munera cessit.  
 Pergite jam, matres, inquit, nam semita longa est. 335  
 Hic ego, Bethlaeos dum vos properatis in agros,  
 Servabo interea fidus pomaria custos.

Ergo alacres, summo gestantes vertice textas  
 Viminibus corbes, dextra laevaue prehensas,  
 Imus per nemora et saltus: sonat undique vallis 340  
 Pastorum calamis, thymbraeque cedrique recentis  
 Late odor efflatur. Mirantur munera veris,  
 Extantesque rosas calathis et frondea sarta  
 Attonitae passim matres puerique nurusque,  
 Effusaeque ruunt pagis, atque agmina jungunt. 345  
 Venimus ad Pueri cunas jam sole cadente:  
 Primaque Daphra parens, postquam de more salutem  
 Obtulit: Haec, inquit, Mater, tibi paucula nostri  
 Munera vineti tulimus; foliisque reductis  
 Explicuit dona: et salices et juncea rupit 350  
 Vincula manu. Genitrix ut fraga rubentia vidit  
 Et matutinis rorantia persica gemmis,  
 Sustulit ad coelum palmas, paulumque morata  
 Ore super stetit admirans: Unde ista repente  
 Copia? queis, inquit, decerptae in collibus uvae? 355  
 Versabatque manu ridens nunc Punica mala,  
 Nunc hos, nunc illos flores: mox sedula prono  
 Vertice cuncta legens texto de vimine botrum  
 Sustulit ingentem, puerique admovit ocellis  
 Blande agitans teneras frondes ramumque virentem. 360  
 Nec minus hinc Zelphe, hinc Rachel formosaeque Beris  
 Blandiri, autumnumque manu praetendere ocellis.  
 Ille e fasciolis exertam porgere dextram,

V. 356. Mala circa Carthaginem in Africa plurimum provenientia rubens  
 (Punicum) corium habebant. Colum. 10, 243.

Nudaque brachiola ad visos proferre racemos.  
 Ast ego ludentis pueri prensare lacertos 365  
 Indo ebore, admixto Tyrio ostro candidiores.  
 Quin etiam, memini, propior scitarier ausa  
 Infantis nomen; cui formosissima laetos  
 Advertens oculos, Jesum, inquit Mater, et isto  
 Nomine Nazareis de finibus (addidit) olim 370  
 Monstrum horrendum, immane, ingens arcebis Idume,  
 Undecies postquam sol signa recurrerit anni.  
 Sic genitrix pueri; testis mihi turba sororum,  
 Quae praesens aderat dictis: jamque incipit annus  
 Fatalis, quem terrifico tunc ore canebat. 375  
 His ergo auguriis laetae (nam sidera toto  
 Jam scintillabant sparsim nitidissima coelo)  
 Ultima cum lacrimis libavimus oscula cunis.  
 Inde per obscuram noctem, per coeca viarum  
 Sublatis paleis, ardentibus atque manipulis, 380  
 In patrios hilari cantu remeavimus agros.  
 Talia narrabat cunctis mirantibus Agar  
 Engaddaea, olim praesens quae viderat ipsa.  
 Atque hinc Nazarii statio gratissima pagi,  
 Incolae ubi Maria et Jesus, dulcissima jam tum 385  
 Nomina, deliciae, atque humilis solatia ruris.  
 Tum vero attonitis lux tandem coelica oborta est  
 Prodigio ingenti, spesque improvisa refulsit.  
 Nam senior Puero et Mariae dilectus, utrique  
 Jam dudum assuetus laribus, cui foenore largo 390

---

V. 366. Indum ebur erat praeclarum. Catull. 64, 48.

Tyrium ostrum. IV, 257.

V. 366. in Edit. Venet. omittitur.

V. 371. Idume. I, 34.

V. 393. Engaddaea. VII, 192.

Mentem animumque Pater coelesti afflaverat oestro,  
 Alcindus vates geminas ad sidera palmas  
 Sustulit, et plus quam mortali voce locutus:  
 Nazaridae, Alcindi suprema haec dicta tenete,  
 Quae, Raguele, tuo sub tecto e sedibus istis 395  
 Testibus hisque focus praedico. Videbitis olim  
 Hunc regum antiqua venientem e stirpe Puellum,  
 Sublimem Isacidis dare jura, in spemque vocare  
 Haeredes regni ingentis; vosque illius inter  
 Sceptra manus velataque membra stupebitis ostro, 400  
 Et stabili nexam fixo diademate frontem.  
 Abrami haec veniet manes mihi fama sub imos.  
 At precibus nobis placandum Numen Olympi,  
 Haec si forte piis lacrimis arcana revelet.  
 Spero equidem, mors atra prius quam luminis auram 405  
 Auferat, et veniens mortales exigit artus,  
 Dandum aliquid nostrae caelo miserante senectae.  
 Sic reor haud dubiis signis; mihi praescia namque  
 Vox sonat interior longo jam tempore, nostris  
 Esse Deum in terris. Sic ille: extremaque dicta 410  
 Terrae ingens fragor ac motus tonitruque secutum,  
 Quo domus ac muri et muris disposta supellex  
 Stannea, et insertae lauri mensaeque moveri.  
 Continuo pavidae matres in genua volutae  
 Jessei vatis trepido ore evolvere carmen: 415  
 Cui Deus e coelo adjutor, sub praeside tanto  
 Nil timeat: dicet Domino, tu rebus in arctis  
 Spes et perfugium. Nec secius aëre grandio  
 Interea ruit, et venti transversa frementes

---

V. 399. In Edit. Venet. haec tantum leguntur:

Haeredes regni ingentis.

Cetera usque ad V. 402 exclus. desunt.

V. 416. Confer Psal. 90.

Incurrunt portis. Postquam vero ultima ventum 420  
Ad promissa: Olli longaevo namque salutis  
Auctorem ostendam (dictu mirabile!), longe  
Vox celsa veniens de nube audita per auras.  
Ne trepidate, viri Isacidae: „Solymeia templa  
„Vere novo petite, et sacra ante altaria proni 425  
„Fundite rite preces. Magnum et memorabile tandem  
„Arcanum vobis reserabit Numen Olympi.“

Haec evenere hibernae inter rustica brumae  
Otia; spes unde agricolis magis aucta sciendi;  
Quid tandem Puer ille ferat. Vox omnibus una 430  
Magnum aliquid terris portendi, animisque recurrunt  
Multa audita olim; primique exordia veris  
Cuncti expectabant: velut aeger taedia longae  
Perpessus noctis venientem suspicit almam  
Auroram, queriturque diem solemque morantem. 435

---

V. 424 seqq. Jubeat lex (Exod. 23, 15 sq. c. 34, 23. Deut. 16, 16), ut  
omnes viri Israelitae ter singulis annis coram Domino apparerent.

V. 434. Edit. Venet. pro almam legit axe.}

# LIBER OCTAVUS.

---

## ARGUMENTUM.

Simon magus adhuc adolescens puellam virginem Samariae sacrificat Dae-  
moni; et magicis praestigiis se Dei filium uxoremque Selenen Deam  
jactans vulgo imponit. Deipara Virgo et Joseph coelestem Puerum  
orant, ut se manifestet. Sed vere ineunte dum templum de more ade-  
unt, in reditu Jesum amittunt. Magus impostor Samaritanos in silvam  
cogit, quos Selene amore sui et pravis erroribus imbuit.

Atque haec Nazareos dum spes tenet, almaeque coelo  
Lux veniens animis paulatim discutit umbram,  
Ecce repentinus rursum permiscuit urbes  
Judaeae, atque omnem turbo peragravit Idumen,  
Nubila coeca ferens et seram in secula noctem. 5  
Quae nuper Libani vates, quaeque hospes Jonas  
Paulo ante, atque alii ventura horrenda caneabant,  
Evenere metu et diro terrore sub ipsa  
Anni supremac funesta exordia lunae;  
Exemplum memorandum ingens, quid foeda libido, 10

---

V. 6. Libani vates i. e. Alcindus. VII, 154 sqq. 392 sqq.

Hospes Jonas. VII, 81.

V. 10. Edit. Venet. pro ingens legit ollm.

Quid scelerata hominum vesania, quidve malignus  
Humanis possit conjunctis viribus Orcus.

Est Silonem inter Samaraeaeque moenia vicus  
Nominis obscuri Gitton; nunc diruta saxa  
Reliquias pagi lentoque jacentia circum 15  
Stagna immota lacu longe execrata viator  
Praeterit, et diris sceleratum devovet agrum.  
Namque haec Semonis Sanghi natalibus olim  
Infamis tellus; magicas hic perfidus ollas,  
Fatiferas ceras infandaque plurima tristi 20  
Valle exercebat: nunc illius et quoque flammis  
Apparet semiusta domus defossaque luco  
Spelunca ingenti et puteus penitissimus, unde  
Carminibus manes supera ad convexa ciebat.  
Hic quondam, ut perhibent, extrema e Persidis ora, 25

V. 12. Editio Venet. addit:

Scilicet his fretus vafer ille et proditor hostis  
Consilia et vultus tegit, horroremque metumque  
Flagitilis aufert. Sic olim conjugis usus  
Illecebris primum decepit fraude parentem.  
Sic ritus cultusque veros, odia, arma necesque  
Conjunctis hominum studiis vitioque potentum  
Induxit terris; et nunc quoque subdolanus iisdem  
Artibus in superos bella instaurare parabat.

V. 13. Silo urbs Palaestinae in tribu Ephraim. Judd. 21, 19. Jos. Antiqq. 5, 1. 19.

Samaría urbs Palaestinae mediae clara et in monte sita. I Regg. 16, 24. Jos. bell. jud. 1, 20. 3.

V. 18. Simon magus (Semon Sanghus a Romanis appellatus) Gitton sive Gitta vico Samariae oriundus (Justin. Mart. Apol. 1, 34) Spiritus s. gratiam mereri tentavit. Provincias non paucas peragravit, quas diabolica fraude doloque infecit, et se ipsum Deum suamque pellicem Helenen (Selenen) Deam haberi voluit. Theodoret. haer. fab. 1, 1. Euseb. 2, 14.

V. 23. Edit. Venet. legit:

Spelunca ingenti puteusque altissimus, unde

V. 25. Persis. III, 102.

Patria in arva redux, Phoenicum constitit arvis;  
 Nondum excantandi ritus penitusque nefandas  
 Edoctus leges, nondum penetrale sub imum  
 Carmina ferre potens, necdum alte imbutus Averno.  
 Ast illic miro succensus amore puellae, 30  
 Qua non Sidoniis fuit altera pulchrior oris,  
 Nec telas depingere acu solertior inter  
 Phoenissas, fama ante alias celeberrima cantrix;  
 Nil intentatum demens, nil liquit inausum,  
 Siqua via insano succederet improba voto. 35  
 (Quid non coecus amor cogit?) Nequissimus hospes,  
 Quo demum Tyria queat urbe abducere: sese  
 Atque ipsam et sobolem venturam vovit Averno,  
 Inque vicem magicas accepit perfidus artes,  
 Queis fretus tandem intempesta nocte Selenen 40  
 (Pellicis id nomen fuerat) tulit aëre praedo.  
 Hic erat ille Erebi vindex, quem Belphegor olim  
 Successorem oneri et stygiis promiserat armis,  
 Si fors eventu cessissent bella sinistro.  
 Huic spes innixae, huic rerum nunc credita summa. 45  
 Ergo urbes passim spectris atque oppida Idumes  
 Implebat miris; tum primo in flore juventae  
 Mentitus senium, mentitus vertice canos  
 Rugosamque cutem: visus saepe aethere ferri  
 Obscuro invectus nimbo, nigrique caballi 50  
 Terga premens; visus Jordanem vertere retro

---

V. 26. Phoenicum i. e. incolarum Phoeniciae (Phoenices), regionis Asiae inter Syriam et Palaestinam.

V. 29. Avernus. III, 60.

V. 31. Sidon (hodie Saida) urbs Phoeniciae clarissima ad mare mediterraneum. Joseph. Antiqq. 1, 6. 2.

V. 39. Edit. Venet. pro accepit perfidus legit: in dotem acceperat.

V. 43. Belphegor. III, 72.

Omnigenasque dapes accire et pocula nutu;  
Seque Deum uxoremque Deam magno ore ferebat.

Hic demum stygii monitu instinctuque paredri,  
Qui comes haerebat lateri, canis instar agrestis, 55  
Collectas silvis et sparsas undique villis

Finitimas gentes Samari media urbe coëgit;  
Implevitque forum spectacula mira sequaci  
Pollicitus vulgo: heu, quales habitura subinde 60  
Eventus, superi! quantam allatura superbo

Laetitiam fastumque Erebo? Documenta puellis  
Virginibus procul a turba rerumque novarum  
Insano strepitu, patrios servare penates,  
Atque aevi inclusum penetralibus abdere florem.

Forte Palaestinas inter pulcherrima virgo, 65  
Pastori dilecta Helymo, Thamar Galaditis,  
Excantatoris ludos visura frequentes,

Huc sociis comitata suis, redimitaque primis  
Narcissis violisque comas et tempora sertis  
Venerat aequales inter laetissima nymphas: 70

Hasque inter medias viridi consederat herba,  
Successu gaudens et voti denique compos.  
Scilicet hanc genitrix paulo ante invita precantem  
Et misere flentem, rerumque cupidine tactam  
Ire diu vetuit, dictisque aversa tenebat. 75

Nam quem concursu in tanto juvenumque virumque  
Accessum tentes? quo te immiscere procaci,  
Innuba virgo, inquit, vulgo; aut quam denique sedem

V. 54. Paredri. III, 127. 444.

V. 57. Samaris. VII, 158.

V. 60. Edit. Veneta:

Eventus! quantam mox allatura superbe

V. 65. Edit. Venet. pro forte legit namque,

V. 66. Galaditis. VII, 160.



Quemve locum speres? Alvearia non ita densae  
 Intus apes stipant, tot confluit agminibus gens, 80  
 Cuncta illuc properans; inque atram ludicra noctem  
 Forte ibunt, reditumque vetat via longa per agros.  
 Haud equidem pretio tanto placet empta voluptas.  
 Adde quod ille senex ciet ignes, aëra turbat,  
 Atque polo trepidam deducit murmure lunam: 85  
 Quasque videt praedo raptas vehit axe puellas  
 Egregias forma, et coecis abscondit in antris.  
 Addidit eventum Dinae vetitosque hymenaeos,  
 Quos similis traxit muliebris vana cupido.  
 Ne me, inquit, precibus victam, ne talibus, oro, 90  
 Objice, nata, malis, quae mens praesaga minatur.  
 Talibus ardentem lacrimis moritura tenebat.  
 Jamque animos dictis paulatim incensaque corda  
 Mollierat blandis, melioraque suaserat aegrae;  
 Ni supplex juvenis sponsus comitesque puellae 95  
 Vota inflammassent iterum, curamque levassent  
 Circumfusae omnes. Lateri se fida juvenus  
 Custodem spondet: Quid vana pericula terrent?  
 Quae te cumque adversa manent, et nos quoque poscunt.  
 Sors eadem cunctis. His mater denique victa, 100  
 Aegre utcunque ferens, mediam penetravit in urbem  
 Undantem populo, gnathamque ante ora locavit  
 Multa timens; propiorque Helymus trabe sedit acerna  
 Armatus ferro, discrimen in omne paratus,

---

V. 83 in Edit. Venet. non legitur.

V. 89. Edit. Venet. legit et addit:

Quos traxit cupidae muliebris cura puellae.

Addidit et vetitas divinis legibus artes

Pythonum, ludisque nefas adstare profanis.

V. 99. Editio Veneta:

Quae te cumque adversa manent, vel si ruat axis?

Aut vi dissiliat tellus, et nos quoque poscunt.

Eventum opperiens. Jamque atria summaque tecta, 105  
 Jam speculas infra supraque aditusque viarum  
 Atque altas turres plebs undique densa tenebat;  
 Attonitis inhians animis quid cogitet ingens  
 Promissor, quae mira ferat; platanisque vetustis  
 Institerant, magnoque gravarant ponderè ramos: 110  
 Cum subito effusae horribiles toto axe tenebrae,  
 Obscuraque omnes densaque in nocte relictì;  
 Non aliter, quam si Pharia caligine rursum  
 Velleribusque ater piceis niger ingruat aër,  
 Inque diem reserent grave olentes Tartara fauces. 115

Ecce autem procul aspiciunt, qua perfidus alto  
 Suggestu atque una meretrix consederat, illic  
 Paulatim tenuem nubem exalbescere, qualis  
 Cernitur ex ima interdum se tollere valle,  
 Aut humili vapor e stagno sub vesperis ortum. 120  
 Haec lente augeri, et magico splendescere sensim  
 Lumine multicolor spectro intus turgida miro.  
 Intonuere repente poli, simul aethere opaco  
 Diffissa est nebula; et turbae patulo ore tuenti  
 (Res incredibilis) cum pellice terribilis rex 125  
 Nube cava septus miranda in luce refulsit,  
 Arduus aëria in magna spectabilis aula,  
 Numinis os habitumque gerens et ferrea sceptrā  
 Nubifero in solio. Postquam alta silentia pleno

---

V. 113. Pharia. I, 2. Confer Exod. 10, 22 seqq.

V. 122. Editio Venet. adjicit:

Ecce autem ante oculos (dirae praeludia scenae)  
 Marmoreus leo, quem quondam media urbe locarant  
 Assyrii, quum regna olim ditione teneret  
 Salmanasar, rictus extemplo et saxea movit  
 Ora, deditque sonum, rugituque impulit auras.  
 Quo veluti signo admonitus ter mugit Orcus,  
 Ter mota intremuit tellus; simul aethere opaco

Facta foro, utque acies torvo circumtulit ore 130  
 Dicta parans, ut genua solo flexa undique vidit  
 Perfidus; haec tandem foeda execranda locutus:  
 En, fortunatae gentes, en denique vindex  
 Antiqui sceleris, promissus vatibus ille  
 Numine progenitus, votis precibusque petitus, 135  
 Quem venturum olim sacrae cecinere Sibyllae.  
 Quae causa in terras e summis egerit astris,  
 Quidve ferat lateri mulier comes addita nostro  
 Accipite, et memores animos advertite dictis:  
 Ante chaos primosque ortus et semina rerum 140  
 Haec mihi nupta Dea; innumerique hinc ubere partu  
 Egressi in lucem, nostrum genus, Angeli ab alvo.  
 Illi autem artifices rerum terramque polumque  
 Stelliferum, atque hominum pecudumque atque omne  
 natantum  
 Eduxere genus. Sed fastu opibusque tumentes 145  
 Se dominos tali puduit genitrice creatos.  
 Dejecere polo cum sidereo comitatu  
 Natorum fido; et miseram per secula centum  
 Lustraue bis septem mortali compede vinctam,  
 Inque alia ex aliis transfusam corpora saevis 150  
 Exercent poenis. Hinc illa Ennoia primum,

---

V. 133 seqq. Simonis commentum de Selene et Angelis. Ex Irenaeo. I, 20.

V. 136. Sibyllae (α σιὸς aeol. pro θεὸς et βουλῇ pro βουλῇ, Dei consilium) virgines decem fatidicae, quarum celeberrimae Erythraea et Cumana fuerunt. Cfr. Serv. Aen. 3, 445. Lact. 1. 6.

V. 148. Edit. Venet. pro et miseram l. atque ipsam.

V. 151. Ennoia (ἐννοια, notio, intelligentia) in Aeonibus, triginta diis partim maribus, partim feminis, Valentiniani Gnostici numeratur. Tertull. adv. Valent. 7.

Post Beli conjux, Heleneque Argiva: Selenen  
 Nunc vulgus vocat. Heu pudor atque infamia nostri  
 Numinis! Hanc tandem Tyrio de fornice probris  
 Turpibus affectam subduximus. En Dea qualis! 155  
 Quae facies olli! qui spiritus! Illius ergo  
 Venimus ex alto in terras, genus omne rebelle  
 Coelituum ulturi, quorum discordia motu  
 Cuncta agitat vario. Illi hyemes, fera praelia, morbos  
 Immittunt terris; quamprimum haec omnia flammis 160  
 Hausturi, dum quisque sibi moderamina rerum  
 Praesumit, coelumque manu in contraria raptant.  
 Hos simul e superis imum detrusero in Orcum,  
 Hanc urbem, ignotos terris quae prima recepit,  
 Imperii sedem statuam; quam Nilus et Indus 165  
 Auroraeque amnes extremi atque Orbis adorent.  
 At mihi vos comitique Deae, et mea jussa secutis  
 Coelicolis quondam geniis, quos nunc tenet horrens  
 Sub terris carcer, fraterno crimine ab altis  
 Sedibus excussos, nigram jugulate juvencam; 170  
 Rite adhibete preces, sacrisque imponite flammis,  
 Ad Boream versi, sedes ubi regia nostra est.  
 Sic ait. Et ne quid furiis scelerique deesset  
 (Horrendum dictu facinus, miserabile, foedum),  
 Matribus atque viris quaerentibus undique jussa 175  
 Dona cremanda rogis, injecto errore repente  
 Obtulit ante oculos taurina fronte puellam,  
 Te, misera, infelix, te, formossissima Thamar,

V. 152. Belus (Bel) Deus Babyloniorum. Jes. 46, 1. Diod. Sic. 2, 10.

Helene Argiva, Menelai regis Lacedaemoniorum conjux  
 rapta a Paride, Priami Trojanorum regis filio, causa (ἑλένη, fax),  
 Trojani belli fuisse fertur. Homer. Iliad. Hor. Sat. 1, 3, 107.

Selene. VIII, 18.

V. 165. Nilus. I, 51. Indus V, 276.

V. 178. Edit. Venet. pro misera habet virgo.

Quae praesens aderas. Sic visa in luce maligna es  
 Omnibus obtutu torvo et palearibus horrens, 180  
 Pelle nigra, atque ima verrens vestigia cauda.  
 Centum illuc digiti intenti, centum oraque versa  
 E summis tectis, e turribus arboribusque;  
 Signantumque ingens sublatus clamor ad astra.  
 Ipsa prior vidit, visuque exterrita mater, 185  
 Portenti ignara: En vobis, en victima, cives,  
 Ante oculos, inquit, sertis et flore revincta,  
 Sponte petens aras. Simul haec, simul effera, cornu  
 (Sic rata) corripuit. Nec segnior ipse timentem  
 Urget agens Helymus. Medios interque tumultus 190  
 Erumpens tenuit lanio, obscuraeque tabernae  
 Ante fores traxit multa exundante caterva  
 Circumquaque virum. Jam vulnus rite parabat  
 Mactator ferus: Ecce autem dum brachia nudat  
 Vagina exsolvens cultrum, dum testea vasa 195  
 Subjiciunt alii calidum exceptura cruorem;  
 Heu matri, heu sponso, de sede tuentibus alta  
 Triste ministerium, sublata utrique repente est  
 Ex oculis nubes magica: et natam illa trementem,  
 Et sponsam hic miseram, pallentem morte propinqua, 200  
 Tendentemque manus, et sidera voce cientem  
 Infelix vidit: reliquos idem occupat error  
 Et species mentita prior. Ruit excita monstribus  
 Per medios furibunda parens, te, nomine, Thamar  
 (Namque aliud quid agat?), te, gnata, heu victima Ditis, 205

V. 182 et 183. Edit. Veneta:

Centum illuc digiti intenti, conversaque centum  
 Protinus e tectis, e summis turribus ora.

V. 184 in Edit. Venet. non reperitur.

V. 190. Edit. Veneta:

Urget agens Helymus. Medium quum denique vulgus  
 Vi rumpens . . .

Per densos ululans coetus, per tela, per hastas  
 Praetentosque virum chalybes. Sed victima virgo  
 Interea jugulum cultro dabat, et fluit ater  
 Per gladium cruor, atque imbutam sanguine terram  
 Ore canes lambunt. Tunc mens quoque reddita fidis 240  
 Virginibus sociis: flavos discerpere crines,  
 Et roseas laniare genas: ploratibus aether  
 Lamentisque forum sonat omne. Heu! territus amens  
 Ante omnes sponsus, cui caesa miserrima nupta  
 Ante ora, heu! demens furiis immanibus actus, 245  
 Perque ruens medios, lanium stricto ense cruentum  
 Ter conatus adire, sacris bis terque repulsus,  
 Nequicquam et genibus nitens, aditumque retentans,  
 Devovit Samarim diris, numenque nefandum  
 Horrida vociferans; Tellus Samaraea, dehisce, 220  
 Sacrilegosque viros absorbe atque impia tecta  
 Meque super; manifesta Erebi namque omina cerno,  
 Teque Deo genitum mentiris, perfide, coeco  
 Ex Orco impostor veniens. Juvat ire sub umbras,  
 Incestamque diem fugere execrandaque sacra. 225  
 Sic ait, et ferrum conversum in viscera adegit,  
 Sanguine dans largo vitam. Huic comes addita socrus,  
 Quae sine fine dabat gemitus, complexa cruentum  
 Natae infelicis corpus. Nec secius amens  
 Lymphatum vulgus bacchari, et voce ciere 230  
 Te, Satan, comitesque tuos manesque tremendos:  
 Te coelo immerito excussum, te, Numen Olympi:  
 Te solum thure et templis atque aethere dignum.

V. 207. Edit. Venet. pro sed victima l. at pallida.

V. 212. Edit. Venet. pro ploratibus aether l. exterritus amens.

V. 213 in Edit. Venet. non invenitur.

V. 219. Samarim. VIII, 57.

V. 229 in Edit. Venet. sequitur:

Taenariae ad Iumen nobis ferale rubentis

Hasque inter voces bacchantumque orgia dira  
 Paulatim infernum spectrum vanescere in auras, 235  
 Et fatui languere ignes, ac sulphuris ater  
 Sentiri grave olentis odor, nox sparsaque Olympo.  
 Verum adeo furiis gens coeca atque ebria Dite,  
 Insanoque furens oestro, ut discernere nemo  
 Clara tot indiciis vestigia posset Averni. 240  
 Per noctem obscuram redeunt: ululatibus arva  
 Responsant longe: strepitus stygiiue cachinni  
 Auditi, manesque agris discurrere visi.  
 Hunc habuit foedum promissa tragoedia finem.

At late in populos atque urbes fama vagari, 245  
 Advenisse Deum Samaritis, qui juga fessis  
 Eximat Isacidis; hunc claro in lumine visum  
 Nube super poscentem aras; huic rite litatum  
 Urbe palam media; sermonibus omnia vulgi  
 Misceri magnis: super omnia serpere rumor 250  
 Nazario in pago, et pavidos implere colonos.  
 Murmur erat, quale illud apum, cum rusticus atro  
 Implevit flamma crepitante alvearia fumo:  
 Aut pluvia ingenti, diversis undique rivis,  
 Cum tumet, atque ingens unus rapido impete pontes, 255  
 Ingentesque vehens ornos it turbidus amnis.

Ergo his commotus senior nutritor Joseph,  
 Coelestis Pueri custos, pro Numine laeso  
 Saucius et metuens, ne conterranea dictis  
 Adjiceret gens forte animos; cum conjuge diva 260  
 Contulit eventus, penitusque horrore metuque  
 Complevit teneros sensus; juvat ocius omnes  
 Obstruere insidiis aditus. Utque anxia mater,  
 Si forte ingruerit tempestas turbida noctu,

---

V. 238. Dis. I, 28.

V. 247. Isacidis. VII, 21.

Confestim e strato summotis luce tenebris 265  
 Pervigil it tecto parvos invisere natos;  
 Ne veniens turbo, neu tortus verberet imber:  
 Haud aliter Virgo praesentibus excita curis,  
 Proque suis jam tum mater fidissima alumnis,  
 Assensit dictis, unaque adiere Puellum, 270  
 Atque prior trepido Genitrix sic ore locuta:  
 O superum, o coeli rector, mundi arbiter unus,  
 Nate, audin' quae bella vetus nova suscitet hostis,  
 Virginis arma ultus, caesa sibi nuper ad aras  
 Virgine Idumaea? utque homines adsciverit ultra? 275  
 Utque (nefas) falso Judaeam numine tentet  
 Fallere, si queat, et stygios inducere cultus?  
 Per Genitorem oro, per sancti flamen Amoris,  
 Quod spiras, tetra caligine discute mentes  
 Nazaridum; Numenque tuum (si poscimus aequa, 280  
 Si fas, Dive, precor) coelesti in lumine pande.  
 Adjecit Pater, ut quondam Simeonis in ulnis  
 Promissa haec eadem tulerat. Quin candida Virgo  
 Subdidit, ut nascens divina in luce videndum  
 Se dederat quondam pastoribus; utque remotos 285  
 Traxerat eos manifesto Numine reges.  
 Nunc eadem supplex Mater, genibusque voluta  
 Illacrymansque rogo; aut (tantum si tempora forsan  
 Ferre negant) saltem sic te permitte videri,  
 Sic, inquam, ut pariter lateas, ceu nubila solem 290  
 Clara tegunt: tuque, alme, potes componere utrumque.  
 Talibus instabat dictis, manibusque decori

V. 275. Virgine Idumaea. VIII, 66. 178 seqq.

V. 282. Simeonis. Cfr. Luc. 2, 25 seqq.

V. 286. Eos reges. III, 408.

V. 292 et 293. Edit. Venet. contrahit:

Talibus instabat dictis, simul oscula fronti



Comebat Pueri crines, simul oscula fronti  
 Cara dabat, lacrimisque oculos implebat obortis.  
 Heu quales, miseranda, paras tibi nescia fletus! 295  
 Quanto emis haec pretio! quantum tibi fulmen ab alto  
 Desuper axe venit! Lacrimis nam denique victus  
 Annuat aetherius Puer: at pro munere tanto  
 Heu duram, heu tristem, quam nunquam, Virgo, putaras,  
 Adjecit legem, patrias ut scilicet aedes 300  
 Desereret fugiens, atque innotesceret absens,  
 Quo simul et notus foret, ereptusque lateret.  
 Inde, ait, amissum dabimus cognoscere munus:  
 Namque aderit missus praeco, qui nunciet istis  
 Consedis Deum terris, hos Numen Olympi 305  
 Incoluisse lares: Tuque optima, parce querelis,  
 Parce Parens lacrimis. Sic ille. At saucia Virgo,  
 Prima fugae ut sensit praenuncia carmina, vultus  
 Pallida dejecit, subitoque obmutuit ore:  
 Nec vocem infelix habuit, nec verba, nec ipsas 310  
 In promptu lacrimas. Non haec sententia mentis,  
 Non haec Mater amans unquam moritura rogarat;  
 Nec revocare licet, nec fas obsistere contra:  
 Ausa nec ulterius responsa lacessere dura.  
 Hoc miseram gnatus lethali vulnere laesam, 315  
 Hoc duro fixam telo, exanimemque reliquit.

V. 294. Edit. Venet. pro cara l. plura.

V. 296 et 297. Edit. Venet. conjungit:

Quanto emis haec pretio! Lacrimis nam denique victus

V. 299 et 300. Edit. Veneta:

Addidit hanc legem, quam nunquam, Virgo, putaras,

Hanc, inquam, legem . . . .

V. 302 inter et V. 303. Edit. Venet. interponit:

Atque ubi me regio procul hinc diversa tenebit,

V. 303. Edit. Venet. pro inde l. tunc.

V. 309. Edit. Venet. pro subitoque l. pressoque.

Has inter curas tandem pulcherrimus arvis  
 Extulerat frontem redimitam floribus annus.  
 Jamque aderant votis optati tempora veris  
 Expectata diu, et precibus lacrimisque petita. 320  
 Nazarei rite ad Solymae delubra frequentes,  
 Ut primum illuxit, matres juvenesque senesque  
 Agmine partito campis florentibus ibant,  
 Alcindi vocem et coelestia jussa secuti,  
 Audita ex alto paulo ante per otia brumae. 325  
 Nulla dies unquam tam pura, innubis et instar  
 Caerulei rasi visa est, ut mitis, ut alba  
 Illa fuit: tenuis tantum nubecula velo  
 Improvisa oculis ausa est abscondere solem,  
 Triste ferens omen, coelo adversata sereno. 330  
 Non edera antiquis intorta tenacius haeret  
 Parietibus; timida ut nodis et nexibus arctis  
 Implicitum dextra Puerum tenet anxia Virgo,  
 Cuncta timens; et saepe oculis intenta revisit  
 Haerentem lateri comitem. Quid sedula cura 335  
 Profuit? Heu! postquam Solymeia ab urbe redibant,  
 Obtulerantque preces moniti consuetaque dona,  
 Heu lassae, heu miserae vix primum limine templi  
 Egressae, aetheria divinus Spiritus aura  
 Mortalem eripuit nubem, Numenque tueri, 340  
 Arcanumque dedit non enarrabile Verbum,  
 Coelum oculis reserans, tecta immortalia Divum.  
 Dumque alte fruitur sopitis sensibus, olli  
 Elapsum interea immemori, manibusque solutum

V. 331. Solymae delubra. I, 6. VII, 424.

V. 326 — 330 incl. Edit. Venet. non habet.

V. 337. Edit. Venet. interserit:

*Illa quidem nati dextram memor usque tenebat*

V. 338. Edit. Veneta:

*Sed miserae ex ipso vix primum limine templi*

Eripuit Puerum, spesque irrita cessit in auras. 345  
 Nec prius advertit Mater, quam pristina sero  
 Vespere mens rediit, somno velut excita. Tum se,  
 Tum comites circum, et latus hinc atque hinc desertum  
 Atque manum vacuam coelesti pignore sensit.  
 Quo non jactatae voces, repetitaque Jesu 350  
 Nomina, per muros pagi per frondea lustra,  
 Illataeque faces? quos non adiere penates  
 Moerentes sociae per opaca silentia noctis?  
 Semianimis, lugens, et acuta cuspide fixa,  
 Postquam alte ingruerat sero expectantibus umbra, 355  
 Orba suo infelix Nato, caput obsita velo,  
 Singultusque ciens bona Virgo in tecta redibat:  
 Tota sequebatur largo vicinia fletu.

Interea vero impostor, quem moverat Orcus  
 Sidereum adversus Puerum spe laetus inani, 360  
 Hoste velut pulso liber campoque potitus,  
 Antiquam in silvam vulgus deduxerat ingens,  
 Agricolas Sichemitas atque Amridis, omnes

V. 349. Edit. Venet. hisce versibus locupletata:

Jam comites rediere omnes: spes ultima namque  
 Haec erat hos inter tacite excessisse Puellum:  
 At spes vana fuit.

V. 353. Edit. Venet. hisce aucta:

Heu quid agant? quo se vertant? namque undique stellis  
 Tempore jam longo coeli convexa refulgent;  
 Nec fas nocturnum per iter vestigia retro  
 Ferre per obscuros calles perque avia coeca:  
 Ire vetant trepidae matres, arcentque volentem.

V. 363. Sichem (Sichar, *Σίχημα*) oppidum in regione Samaritanorum  
 tempore Christi caput Samariae erat. Joan. 4, 5 seqq. Joseph.  
 Antiqq. 11, 8. 6.

Amridis i. e. urbis Samariae ab Amri (Omri) rege Israelis  
 conditae. III Regg. 16, 29 seqq.

Cultores Ephraim et Thersae et Samaritidos orae.  
 Illic consilio in magno condixerat amens, 365  
 Se legem e coelo missam, et nova jura daturum  
 Vulganda in populos. Aderat quoque perfida vultu  
 Composito pellex, pulchroque incenderat ore  
 Rustica corda virum; tali se compserat arte,  
 Sic nitidis collum baccis, sic tempora vere 370  
 Florifero ornat, gemmisque ardebat et ostro,  
 Nuda humeros niveosque sinus et eburnea colla.  
 Nec minus e roseis manabant dulcia labris  
 Verba, quibus blandum saeva inspirabat amorem.  
 O mihi dilecta ante alios Samaraea juvenus, 375  
 Si me progenitam coelo non sidera rursum  
 Optarent reducem, si non in patria Olympi  
 Quamprimum inveheret stellantia limina conjux;  
 Haec sedes, fateor, prae cunctis una teneret  
 Immemorem coeli. Terras invita relinquo, 380  
 Quodve queo, extremum lacrimis obtestor amorem.  
 Vos contra, si quid merui, per Numen utrumque  
 Conjugis atque meum vota instaurate quotannis;  
 Et memorem jurate fidem; meque axe supernam  
 Credite descendisse Deam. Nil poscimus ultra, 385  
 Nec leges alias pono. Sint libera cuique  
 Arbitria, et vestros ad votum fingite mores;  
 Neve adeo immites posthac imponite Divos  
 Gentibus. O miseri, coecis terroribus acti  
 Huc usque, et vana superum formidine lusi! 390  
 Talibus in speciem blandis nequissima virus

---


V. 364. Cultores Ephraim i. e. incolae urbis et regionis Ephraim.

Thersa (Thirza) urbs in tribu Ephraim. Jos. 12, 24. Cantic. 6, 4.

V. 375. Edit. Venet. pro alios l. omnes.

V. 389. Edit. Venet. pro miseri l. frustra.

Condibat dictis. Frudentibus orgia silvis  
Interea laetisque choris largoque lyaeo  
Infernisque epulis noctem gens capta trahebat:  
Mentitamque Deam stupet, ardescitque tuendo,  
Tam belle ad lunam pictos movet arte cothurnos,  
Sic vestem rotat auratam gemmisque micantem  
Psaltria, sic miseros obtutibus urit amantes.



# LIBER NONUS.

---

## ARGUMENTUM.

Oppidanl irritu successu et novis infortuniis Jesum vestigant. Tandem Deiparae querelis motus Deus Pater Angelum mittit, qui primum viatoris senis habitu Puerum indicat, deinde excantatoris praestigias in silva dissipat. Jesus in templo Patribus subobscurè se manifestat. Denique Matri redditus in patrium oppidum coelesti comitatu regrediens a Nazarenis Deus agnoscitur.

Vae quibus haec pellex gemmato praebuit auro  
Toxica! vae populis, quos illa afflaverit ore!  
Vae quibus inque aures fatali murmure cantrix  
Verba susurravit! Nam nunc quoque subdola vultus  
In varios inque ora migrat pestemque per urbes 5  
Incedens, lethumque vehit mortalibus aegris.  
Fabula narratur seclis conficta vetustis,  
Nec vero absimilis. Nam postquam perfida tandem  
Morte obita (ut perhibent) Stygium stetit ante tribunal,  
Jesseo ecquid de Puero tot damna ferente 10

---

V. 7. Haereses Manichaeorum, Ebionitarum et Arianorum unde ortae.

V. 10. Jessaeus. I, 204.

Sentiret, procerum petiit niger undique coetus.  
 Illa autem: Quantum potui mortalibus, inquit,  
 Explorare oculis (quidquid gens falsa susurret),  
 Nil mortale super vidi. Tum celsa Manetes  
 Tempora concutiens proceraque cornua: In illo 15  
 (Mentiris) ficto latet, inquit, corpore Numen,  
 Nec verum hunc hominem temerarius asserat ullus.  
 Asserit extemplo Beïon magno ore refellens  
 Dicta, Deumque negat: Si quis putat, huic ferus amens  
 Intendit litem et bellum. At putat esse Riarnus 20  
 Exurgens contra; contenditque arduus alto  
 Numine progenitum, magno Genitore minorem.  
 Paulatim incaluere animi, discordibus irae  
 Mentibus erupere, atque implacabilis orta  
 Seditio; inque has inque illas Styx didita partes. 25  
 Mens est Tartareis geniis immobilis. Ante  
 Versus eat Padus, aut duro se robore flectat  
 Quercus humi, quam quod semel asseruere retractent.  
 Ergo intestini immortalia semina belli  
 Jacta Erebo fuerant; nisi dira venefica prompto 30  
 Consilio illatas sedasset provida turbas.  
 Scilicet hoc, inquit, velit hostis; ut ille supremum  
 Dum vobis parat excidium, nova regnaque condit;  
 Vos furor et rixae teneant et mutua bella.  
 Quin agite, et quando sedet haec sententia discors, 35  
 Haec eadem vestris prosit discordia rebus.  
 Hos serite errores terris, hanc spargite labem

---

V. 14. Manetes et infra Belon (V. 18) et Riarnus (V. 20) nomina diabolorum.

V. 25 et 26. Styx. III, 112. Tartareus. III, 200 et 201.

V. 27. Padus. V, 168.

V. 30. Erebus. I, 3.

Utiliter, miseri; sua quisque ad signa sequaces  
 Mortales trahat: ipsi autem in sua damna vicissim  
 Hanc vestram dirimant odiis et sanguine litem. 40  
 Sic ait. Inferno placuit sententia regi;  
 Collatisque simul cervicibus assensere  
 Concordes omnes. Olli data cura per orbem  
 Ferre tot ambiguas tricas, quas saeva sub Orco  
 Edidicit prius, et libros digessit in amplos 45  
 Per capita. Inde dolis instructa atque arte nocendi  
 Protinus Aegyptum atque Afros Asiamque per omnem,  
 Nunc has, nunc illas Erebi sibi sedula turmas  
 Adjungens tabem, contagia diraque sparsit.  
 Ex illo quis acerba virum, quis funera fando 50  
 Fatalesque vices memoret? Nusquam illa quievit,  
 Tot sese in facies vertit, tot nomina sumit,  
 Urbibus opponens urbes, regna aspera regnis.  
 Nec mora, nec requies: volat exitialis Erinnyes,  
 Hostis acerba, ferox, civili sanguine gaudens, 55  
 Ambitiosa, tenax, popularis, perfida, mendax.  
 Hoc, superi, monstrum, hanc terris avertite pestem.  
 Sed jam puniceos surgens aurora penates  
 Allatura diem roseo reserarat Olympo.  
 Nazarei vero loca per silvestria circum 60  
 Nequicquam exierant, atque arva atque oppida late  
 Undique lustrarant, Carmelum, Galgala et omnem  
 Jordanis vallem. Verum spes irrita rursum

---

V. 38. Edit. Venet. pro miseri l. socil.

V. 49. Editio Veneta:

Adjungens tabem late et contagia sparsit.

V. 54. Erinnyes. III, 463.

V. 62. Carmelus. I, 484.

Gilgala (Galgala, Gilgal) urbs Palaestinae prope Jordanem et  
 Jericho. Jos. 4, 19. Joseph. Antiqq. 5, 1. 4.

V. 63. Jordan. II, 351.



Projectusque labor. Quin coelo effusa procella  
 Sub noctem improvisa ruens, commixtaque grando 65  
 Terruerat cunctos, profugique in tecta redibant.  
 Accidit et fessis aliud miserabile. Namque  
 Illa recens hospes ruris, quam diximus, Agar  
 Engaddea inter fremitus et murmura venti  
 Vastum ingressa nemus: perplexa per avia silvae 70  
 Ultima dum sequitur comites ignara viarum;  
 Olli surreptum violento turbine velum,  
 Delatumque procul dumoso cespiti inhaesit,  
 Injecitque moram. Ruit humens imbrifer Auster  
 In faciem, et virides vestes rapit, atque capillos. 75  
 Nequicquam socias, quas impetus ocior Euro  
 Praecipites agit, infelix clamore vocabat;  
 Nec meminit callis, nec quo se tramite ducat:  
 Pallentemque metu nox denique coeca tenebris  
 Occupat errantem; collectisque omnibus una 80  
 Defuit ipsa etiam, et sponsum comitesque fefellit.  
 Talibus implicitum mens provida Numinis arte  
 Nodum intexuerat mirum; quo laetior inde  
 Exitus extremus foret, atque in gaudia tandem  
 Cura ingens luctusque et longus moeror abirent. 85  
 Jamque fere medium stellata in veste tenebat  
 Humida nox cursum, et pluviae ventique quierant,  
 Nec sonitus nec murmur erat, nisi fontium ab altis  
 Stillantum ripis, et moti leniter Austri.  
 Ipse procul somnos labenti flumine torrens 90  
 Conciliat, longeque canum latratibus arva

---

V. 69. Engaddea. VII, 192.

V. 74 et 75. Edit. Veneta legit et addit:

Injecitque moram. Ruit imbrifer in faciem Auster  
 Inque sinum, vittasque rapit, vestesque capillosque,  
 Insequiturque horrens nimbis pluvialibus aether.

Responsant; tacito dum curru argentea luna  
 Alta polo incedit per opaca silentia mundi.  
 Heu misera, heu sola in tenebris sanctissima Mater,  
 Quanquam lassa viae, secreto inclusa cubili, 95  
 Casum infelicem lacrimoso carmine flebat.  
 Et fletum augebat vicinus lectulus ille,  
 Sed vacuus, quo membra Puer componere suerat:  
 Cynthia nam pleno lucens ex aethere cornu  
 Cuncta ostendebat manifesto lumine: nunc frons, 100  
 Nunc decor et facies et viva absentis imago  
 Ante oculos redeunt, nunc vox hesternaque dicta.  
 Heu se desertam, tenebrosa in nocte relictam  
 Confusamque malis! Nam quid, pulcherrime rerum,  
 Quid tantum, aiebat, potui delinquere mater? 105  
 Mater amans, alte nimium sub pectore telo  
 Icta gravi? Te, summe Pater, te conscia testor,  
 Non aliud petii, aut volui (quantum aegra recordor),  
 Quam meus ut Natus praesenti numine certam  
 Ferret opem fessis; tamen ut simul ille lateret: 110  
 Haec mens, hic animus fuit: at non ut miseram me  
 Desereret fugiens, has unquam velle latebras  
 Infelix potui? haec genitrix mihi vulnera ferre?  
 Haec lacrimis precibusque in me convertere tela?  
 O Nate! o tristes desolatique penates! 115  
 O domus! o patria infelix! At sera querelis

---

V. 94. Edit. Veneta:

At sola in tenebris moerens sanctissima Mater

V. 99. Cynthia. IV, 322.

V. 106 et 107 in Edit. Venet. contrahuntur:

Mater amans? Te, summe Pater, te conscia testor,

V. 113. Edit. Venet. pro infelix l. orando.

V. 115. Edit. Venet. pro nate l. patria.

V. 116. Edit. Veneta:

O domus infelix! At jam nunc sera querelis

Tempora. Debueram, cum primum conscia casus;  
 Nocte remetiri vestigia; cunctaque solers,  
 Dum jactura recens, exquirere; tale nec ulli  
 Antea oportuerat poscenti credere pignus; 120  
 Nec sinere ipsa manu presum divellier unquam.  
 Nunc quid ago? quo me, infelix et saucia, verto  
 Orba parens, deserta, stupens confusaque luctu?  
 Quam superum nemo alloquitur, penitusque relictam  
 E coelo invisit nemo; nam te, Puer alme; 125  
 Sublato vidua haec miserae quis limina curet?  
 Hic meus est dolor, hoc vulnus; tibi (fletus inundans  
 Hei lassae lamenta negat), tibi, sancte Puella,  
 Displicuisse aliquid; terra unde et matre relictis  
 Fugeris ad superos; nec verba extrema dolentis 130  
 Ferre, nec amplexus voluisse, nec ultima matris  
 Oscula plorantis: cur aegram, Nate, parentem  
 Sic fugis? Hic rupto lacrimarum gurgite flebat,  
 Nixa toro lassam cervicem; et multa volentem  
 Dicere praelargae et calidae lacrimae impediabant, 135  
 Queis oculi vultusque pluunt, vestesque sinusque,  
 Et madet ipse torus. Superum moestissimus astat  
 Septus nube chorus, miserans grave vulnus amantis.  
 Nam Deus ipse Pater cunctis praeceperat ante  
 Coelitibus, ne quis latebras et furta doceret; 140  
 Nec pietas quemquam miserae et lamenta moverent.  
 Heu! coelum tetigit moeror quoque. Nigra repente  
 Delituit luna in nimbo; rursum tonat axis,

---

V. 126. Edit. Venet. pro miserae l. posthac.

V. 127 et 129 (omisso V. 128) in Edit. Venet. sic leguntur:

Hic meus est dolor, hoc vulnus; tibi, sancte Puella,

Displicuisse aliquid, quo laesus matre relicta

V. 131. Edit. Venet. pro matris l. lassae.

Annosaeque sonant quercus, rursum infremit Auster,  
 Insequiturque imber densarumque agmina aquarum 145  
 Fulguraque et grando, veluti si corruat aether  
 In praeceps, jungantque suos pia sidera fletus.

At coeli terraeque Sator, cui justa peracta  
 Virginei tandem visa est mensura doloris;  
 Non ultra ingentem passus procedere curam. 150  
 Ergo ad se genium Mariae vocat ore sereno,  
 Finem allaturus lacrimis. Jubet illico tranet  
 Nubila, opemque ferat, fletusque abstergat amaros  
 Parthenidi et sociis: exin mendacia saevi  
 Excantatoris retegat, penitusque resolvat 155  
 Taenarias fraudes. Libani de vertice jam sol  
 Extulerat matutina inter sidera currum,  
 Dispuleratque Austrum summis de collibus aura  
 Carmeli spirans. Ille aethere lapsus ab alto  
 Aëriis positis pennis nitidaque juvena 160  
 Induit ora senis Solyma venientis; anhelaeque  
 Ora labore viae gressumque imitatur euntis.

Et jam Nazareae matres per proxima rura  
 Sollicitae exierant primi sub luminis ortum:  
 Ante alias vero tristissima Parthenis ibat, 165  
 Quam fidae comites Debora et Susanna sequuntur.  
 Has ubi prospexit viridi e convalle viator  
 (Virgo tamen prior haud longe consederat aegra),

V. 144 in Edit. Venet. non legitur.

V. 154. Parthenidi. I, 1.

V. 155. Excantatoris VIII, 18.

V. 156. Taenarias fraudes. III, 14. VIII, 18 seqq.

Libanus. V, 71.

V. 161. Solyma. I, 6.

V. 163. Edit. Veneta: Nazareae interea matres per proxima rura.

Astitit ante oculos, placidoque haec ore locutus:  
 Dicite, montivagae matres, quot adhuc stadia usque 170  
 In juga oliviferae Sunae? laeva haecce tuta  
 Semita? an a fluvio dextrorsum tendimus? Olli  
 Susanna: Exiguum superest iter: amne secundo  
 Carpe viam, qua prona ferunt declivia vallis.  
 O miserae, excepit senior, quae cura vagantes 175  
 Huc egit? quidve illa procul comes altera plorat?  
 Quove tenetis iter? Largo tum Debbora fletu:  
 Ah pater! haud, inquit, nostrae tibi nomen ad aures  
 Fors unquam acciderit Mariae? Non ulla sub axe  
 Sanctior in terris; nec fas modo singula fando 180  
 Enarrare tibi. Sed nunc tristissima natum,  
 Cui non ulla parem tulit aetas, nec feret usquam,  
 Jam dudum vaga per montes perque oppida quaerit  
 Amissum, ut remur, Solymis. Stetit arte viator  
 Multa animo veluti reputans, levaeque prehenso 185  
 Incubuit mento, paulumque obtutibus haesit  
 Intentis nutu pendente. Inde ora serenans:  
 Quae Pueri species, os, aetas et color? inquit;  
 Hunc ego fortasse.... Hic trepidis simul utraque dictis  
 Laetitia abruptis (tanto spes impete oborta) 190  
 Ambae sollicitae faciem vestemque coloremque,  
 Aetatem, crinem, vocem incessumque docebant,  
 Sicubi vidisset forte unquam, aut sicubi quicquam  
 Audisset. Solymis, ait ille, simillimus annis

V. 169. Edit. Veneta:

Astitit ante oculos, atque haec prior ore locutus:

V. 171. Suna. IV, 97.

V. 175. Edit. Venet. pro O miserae l. At vos,

V. 177. Edit. Venet. pro tum l. cui.

V. 184. Solymis. I, 6. Luc. 2, 42 seqq.

V. 194 et 195. Edit. Veneta:

simillimus (ibam

Nunc equidem recolens) sacra Salomonis in aede

(Nunc ibam recelens) sacra Salomonis in aede 195  
 Nuper erat. Sed enim, (veniam permittite dictis)  
 Pulchrior illa oris species, quam patria vobis  
 Ferre queat tellus; nec talem viderit usquam  
 Mortalis, reor; et certe tam rara venustas  
 Coelesti de stirpe venit. Tanto altius illae 200  
 Tollere spem laetae, et vivis depingere pulchra  
 Ora modis, aliisque super muliebribus ambae  
 Indiciis instare novis. Ubi plurima vero,  
 Ut solet, hinc atque hinc dubia explorata, viator  
 Longum iter atque alias lassus praetendere curas: 205  
 Jam sinite hinc abeam, nam semita longior urgeat  
 In patrios colles. Simul haec, simul ore sereno  
 Accedens propius, secreto affatus ad aurem est  
 O fortunatae! Tanto jam tempore vobis  
 Lux demissa polo; nec vestris credita terris. 210  
 Munera nostis adhuc? Vobis Regnator Olympi  
 Sorte datus vestris Numen latet hospes in oris.  
 Ocius accelerate gradus, contendite cursu  
 In sacras aedes: Deus est, Deus ille Puellas,  
 Quem vestigatis. Tum demum fulguris instar 215  
 Coelica lux animis fulsit. Pavor et metus ingens  
 Principio attonitas tenuit; dein vocibus altis  
 Laetitiae vastum nemus implevere: Maria,  
 Huc ades, inventus Puer est; sonat undique vallis:  
 Inventum, inventum Jesum. Quam saepe videmus 220  
 Noctibus aëstivis clarescere cuncta repente  
 Ignibus ictu oculis sparsis, qua luce renident  
 Tecta atque arva procul, prius atra abscondita nocte;  
 Virginis haud aliter vox improvisa tenebras  
 Dispulit ex animo. Juvat usque atque usque morari, 225

V. 211 sqq. Confer canticum Zachariae. Luc. 1, 68 — 80.

Atque audire sui certa argumenta Puelli;  
 Singula nec finis, nunc haec nunc illa rogandi.  
 Sed non ferre moram senior: Vos ite, monebat,  
 Dum permittit adhuc sol altior axe. Cavete;  
 Nam si quando unquam rapido se gurgite torquet 230  
 Imbre Cison nocturno auctus, qui flumine oberrans  
 Hinc rursum tranandus erit; neu fidite ponti.  
 Haud procul ad stadium tenso vos cimbula fune  
 Transvehet; inde ferent trito vestigia calle.  
 His laetae indiciis matres divina canentes 235  
 Detersis lacrimis ibant; ceu roscidus aër  
 Cum liber pluviis hinc solem parte serena  
 Explicat, hinc pictum fuscis de nubibus arcum.

Postquam animos vero cura satis ille levarat,  
 Protinus hinc geminis nitens se sustulit alis 240  
 Obscurum in lucum, quo noctem exegerat omnem  
 Turbinis acta metu per tesqua silentia nuper  
 Infelix Agar. Peregrini insignia mira  
 Aliger induerat, queis territa nympa repente est:  
 Namque humeros exomis obit taurina marinis 245  
 Assutis cochleis; ad torum hastile peractum  
 Dextra gerit; medio vincta haeret sarcina tergo.  
 Piceni qualis sub sole viator in agris  
 Virgineas aedes transvectas Itala in arva  
 Pulverulentus adit; tali sub imagine sese 250  
 Obtulit in speciem flenti, causasque poposcit;  
 Unde domo errantem, quae sors, quisve egerit error?

V. 231. Cison. H, 30.

V. 243. Edit. Venit. pro infelix l. errabunda.

V. 248. Picenum ad mare Adriaticum regio, in qua Lauretum (Loretto) cum aedicula (Casa santa) s. Virginis, ad quam multi viatores religionis causa quotannis conveniunt.

V. 252. Edit. Veneta:

Unde domo quae sors profugam, quisve egerit error?

Atque ubi rem didicit; Terge, inquit, fletibus ora,  
 Pone metum: lateri comes addere; praevius ipse  
 Paulisper perplexa regam vestigia; donec 255  
 (Nec mora longa viae) certo te tramite sistam.

Haud procul hinc nemus illud erat frondentibus altis  
 Illicibus septum, statio silvestris averni;  
 Quo turbam innumeram et lamias scortumque Selenen,  
 Ac centum vario Cacodaemonas egerat ore 260  
 Sacrilegus Simon. Illic tum forte sub ulmis  
 Et densis piceis platanumque silentibus umbris,  
 Qua media horrendo patet ingens area luco,  
 Argento gravia atque auro dapibusque superba  
 Duxerat in magnum convivia splendida gyrum. 265  
 Corpora taurorum aprorumque ingentia fumant  
 Lancibus in magnis; sparso foeda omnia Baccho:  
 Laetitiae insano strepitu nemus omne resultat.  
 Jamque aberant quantum longe vox missa per auras  
 Audiri poterat, gressumque coercuit Ales, 270  
 Ne comes obscoenas mensas epulasque videret.  
 Atque illam immemori similis cervice reflexa  
 Amissi Pueri (Pueri narraverat illa  
 Antea successum) nomen rogat; inde puellae  
 Hoc tu, inquit, nomen Coeloque Ereboque tremendum, 275  
 Versa illuc, sonus unde atris de frondibus exit,  
 Ore voca. Illa alte distento pectore et aura

V. 257. Edit. Venet. pro frondentibus altis l. septum undique taxo.

V. 258. Edit. Venet. pro illicibus septum l. illicibusque nigris.

V. 259. Lamiae. III, 319. Selene. VIII, 18.

V. 261. Simon. VIII, 18.

V. 267. Bacchus. VI 65.

V. 273 et 274. Edit. Veneta:

Amiasi Pueri (Pueri namque inter eundum  
 Casum enarrabat) nomen rogat; inde puellae



Collecta quanto potuit jacere impete, Jesum  
 Intonuit: Dictu mirabile! protinus omnis  
 Intremuit lucus; pateraeque effusaeque vina, 280  
 Concussique abaci atque argentea lapsa supellex.  
 Altius exclama; jubet Aliger: altius illa  
 Jesum iterum vocat: Ecce autem de fauibus imis  
 Convivae stygii, quorum intermixta sedebat  
 Turba ingens redimita ederis taxoque nigranti, 285  
 Exeruerе атras immundo sanguine linguas.  
 Tertia sed postquam doelo vox clarior acta,  
 Non tulit ultra Erebus nomen: tentoque coorto  
 Omnia diffugere repente, ut fumus in auras.  
 Tunc ora attollens Agar fusco aëre vidit 290  
 Nigro in equo fugientem equitem, volucrique dracone  
 Invectam comitem sagam per inania ferri.  
 Tum meminit monstri horrendi, quod Parthenis olim  
 Praescia fatidico praedixerat ore fugandum:  
 Quae loca? quod spectrum? vultu exanimata poposcit. 295  
 Non haec tempus, ait ductor; jam summa peracta:  
 Inde scies. Extrema vocant me jussa Tonantis.  
 Hic ore exanguem divus peregrinus agrestem  
 Ignaram eventus umbroso in calle reliquit:  
 Atque hanc carpe viam, dixit; quae certa Puella 300  
 Obvia sub noctem reduci vestigia junget.  
 Sic ait: ipse autem subiit penetralia terrae  
 Promissi memor, et superas evexit ad auras  
 Infantum exiguas animas, quas vallis opacae  
 Abdidit in latebris: exin Jordanis ad amnem 305  
 Zacharidem ad Puerum roseis se contulit alis.

V. 297. Tonantis. VI, 162.

V. 306. Zacharidem ad Puerum. III, 286.

Edit. Venet. pro Zacharidem ad Puerum l. ad Puerum vatem.

Et jam dulce iter exactum finemque laborum  
 Advenisse queror. Meus inter carmina jam Sol  
 Paulatim cadit, et lassus superinjecit umbram,  
 Otiaque indicit et longa silentia musis. 310  
 Quas tibi, Diva Parens, referam, pulcherrima, grates,  
 Quae me jam tandem tenui vasta aequora lembo  
 Sulcantem in portum deduxeris, hasque canenti  
 Obtuleris mihi delicias, solatia fesso,  
 Quamdiu in hac exul mortali demoror umbra? 315  
 Heu! nunc orba sinis mihi plectra, amissaque plorant  
 Otia moerentes juga per deserta Camoenae.  
 At quando haec operis meta atque hic terminus haeret,  
 Carminibusque meis extremum te alloquor, alma  
 Partheni, per duros quos passa hucusque labores, 320  
 Perque tuum inventum Puerum, quem laeta reduces  
 Quamprimum in patrias aedes; o rebus in arctis  
 Unica spes aegrisque salus mortalibus, audi  
 Servatas hucusque preces supremaque vota.  
 Aspice terrarum quantum gemino regat orbe, 325  
 Qua cadit, exoriturque dies, Regnator Iberi  
 Carolus. Huic sobolem conjunctis orbibus uterque  
 Fletibus implorat. Populorum flexa rogantum,  
 O diva Hesperiae custos tutelaque regum  
 Austriadum, sceptri haeredem impertire querelis. 330

V. 308. Edit. Venet. pro advenisse l. adventare.

V. 311. Edit. Venet. pro pulcherrima l. sanctissima.

V. 317. Camoena. l. 14.

V. 329. Edit. Venet. pro Partheni l. Nazari.

V. 326 seq. Regnator Iberi Carolus. Carolus II, Hispaniae (cujus fluvius maximus Iherus, Ebro, est) et Indiae occidentalis rex, quum (mort. anno 1700) successorem non reliquisset, causa fuit belli de occupando Hispaniae regno (ab ann. 1700 — 1714) gesti.

V. 329. Hesperia. IV, 437.

Tuque novae uxori, quae nuno maria aspera tranat,  
 Partheni; stella maris, cui venti et nubila parent,  
 Sterne aequor placidum, tempestatesque coërce.  
 Huc o deinde, Parens, oculos mitissima verte  
 Romulidum ad Regem tenera jam sceptrā gerentem 335  
 Bina manu. Odrysii crescentem in fata tyranni  
 Augustam Puerum serva. Magni ille parentis  
 Fortia facta animi non eluctabile robur  
 Rebus in adversis, aequam inter prospera mentem  
 Sinceramque fidem primis meditetur ab annis. 340  
 Aspice postremo scissam late undique bellis  
 Europam, miserasque urbes data pabula flammis.  
 Tu potes hanc atram nutu sedare procellam,  
 Et simul invicti Leopoldi Caesaris armis  
 Fraena recusantem penitus submittere Thracem: 345  
 Romuleo ut tandem e solio Pater atque Sacerdos  
 Maximus, Adriaci decus immortale Senatus,  
 Cernat adoratum nomen circum undique Jesu  
 Pacatosque dies atque unum Pastor ovile.  
 Haec precor, haec supplex extremo carmine posco. 350  
 Interea quod restat adhuc, mihi proxima ripae  
 Dirige vela ratis, Virgo; Tu suffice puppi  
 (Namque parum superest) vicina in littora ventos.

---

V. 331. Novae uxori. Maria Anna (Neoburgensis), filia Philippi Gulielmi Electoris Palatinatus inferioris, cujus et Neoburgum ad Danubium erat, Carelo II Hispaniae regi (1690) nupsit,

V. 335. Romulidum ad Regem. I, 19.

V. 336. Odrysii tyranni. Odrysaë, magna et potens Thraciae gens, antiquis temporibus regionem ad mare nigrum incolebant, Quam ob rem Odrysius tyrannus pro Turcarum imperatore. Cfr. VI, 327. III, 109.

V. 344. Leopoldi Caesaris. VI, 306.

V. 346. Pater atque Sacerdos i. e. Alexander VIII, Ottobonorum nobili genere Veneto prognatus, Pontifex Max. (1689) electus, qui Venetos pecunia ad bellum Turcis inferendum adjuvit.

Ergo in delubro augusto Solymeia in urbe  
 Turbam inter strepitumque Puer regnator Olympi 355  
 Concilio intererat magno. Tum forte coactis  
 Patribus et populo (ut series atque ordo ferebat  
 Commenti sacri) Hebdomadas Danielis ahenò  
 E rostro Azarias interpres rite docebat.  
 Forte autem praesens aderat sublimis in alta 360  
 Sede Arimathensis Joseph: isque, ora frequentis  
 Dum populi lustrat, stantem e regione Puellum  
 Coelestem vidit: fixisque obtutibus amens  
 Attonitusque diuque silens immobilis haesit.  
 Nec mirus interea vultu stupefactus eodem 365  
 Longaevus juxta senior pendebat ab ore  
 Mentis inops, faciem, vestem et singula mirans.  
 Hunc cubito tangens comitem laterique propinquum  
 Laeva antè ora manu posita, vicinus ad aurem,  
 Sic Arimathensis submissa voce locutus: 370  
 Aspicias illum, oculis et crine et janthino amictu  
 Insignem puerum strata inter palmea sacris  
 Intentum dictis? Proh Divum abscondita miris  
 Arcana in tenebris! Hunc ipsum (sidera testor  
 Hosque aditus sanctosque lares) hunc prorsus eundem 375  
 Nusquam alias visum noctu per somnia vidi;  
 Atque adeo demens feror, ut nova somnia credam  
 Haec eadem, quae nunc cerno praesentia, sic me

V. 358. Daniel propheta Messiam venturum praedixit. Dan. 9, 24 seqq.

V. 361. Joseph Arimathensis (Arimathaea sive Rama urbs in tribu Benjamin) Synedrio magno erat adscriptus. Luc. 23, 50. Matth. 27, 57. 58.

V. 366. Longaevus senior i. e. Nicodemus, Synedrii magni assessor, integritate vitae excellens. Joan. 3, 1. 4. 9. c. 7, 50. c. 19, 30.

V. 375. Edit. Veneta: Atque adyta haec sanctosque lares)...

V. 378 seqq. Edit. Venet. emendat et addit:

Haec eadem, quae nunc oculis praesentia cerno.

Ille videbatur malefidae ante ora cavernae

Ludere, dumque manum rimis insertat opacis

Exsorbet pavidum stupor. Irritaverat anguem  
 Injecto simplex digito qua regulus ingens 380  
 Abdiderat sese, egressumque repente refugit  
 Attollentem iras: circumsonat undique agrestum  
 Percussis palmis vicinia vocibus hydrium  
 Longe absterrentum. Cum denique in ardua pennas  
 Explicuit coelo Puer, elusoque colubro 385  
 Longo intervallo delatus in arbore sedit.  
 Ipse oculis tractu ingenti per inane sequebar;  
 Et tandem aëriae sublimem in vertice palmae  
 Aspicio. Hanc genitrix clamoribus excita longe,  
 Perque viam pede nixa super, caesoque cruento 390  
 Praedone infelix aderat; sed corpore toto  
 Densa inter folia abstrusus pulcherrimus Ales  
 Se circum plumis obstrictum incluserat albis,  
 Nec poterat cerni. Finem eventumque tueri  
 Ut cuperem, potes ipse animo tibi fingere. Somnus 395  
 Et nox, heu, me deseruere; nec inde secutum

---

Illic tellure abstrusum irritaverat anguem  
 (Nam digitos forte intulerat qua regulus ingens  
 Abdiderat sese) egressumque repente refugit  
 Attollentem iras: Procul, o procul undique agrestum  
 Conclamat trepide vicinia vocibus hydrium  
 Longe absterrentum...

V. 384 inter et 385. Edit. Venet. inserit:

Improviso humeris natas (mirabile visu)

V. 386. Edit. Veneta:

Longo intervallo liquidum per inane volabat.

V. 397. Edit. Venet. pro per inane l. cursuque.

V. 388. Edit. Veneta legit et addit:

Cum demum aëriae frondoso in vertice palmae,  
 Ceu volucris sublata metu, quam terruit auceps,  
 Constitit. At genitrix...

V. 392. Edit. Venet. pro ales l. infans.

V. 396 — 400 Edit. Venet. collegit:

Hic me deseruit, trepidum quo talia demum  
 Desierint. Sic ille. Senex tunc alter ad axem

Quid fuerit, novi. Sic ille; iterumque Puelli  
 Ad vultus rediit coelesti numine plenos  
 Admirans oculos, maiestatemque serenam  
 Divinae frontis. Senior tunc alter Olympo 400  
 Sustulit ora manusque ambas; post multaque vocem  
 Vix tandem expedit; Deus est, Deus abditus isto  
 Certe, ait, in nodo. Somnus qua desit, inquit,  
 Hic tuus, hinc nexu arcano meus incipit. Ipse  
 Pennigeri Infantis (quando haec tibi cura relicta) 405  
 Successum referam, Per scabri corticis ambo  
 Ardua connixi genibus, manibusque prehensum  
 Amplexi truncum valida luctamine; tandem  
 Aegre vi multa in ramos exasimus altos.  
 Heu pietas! Geminis aliis utrinque reductis 410  
 Vidimus exanguem faciem respersaque vivo  
 Sanguine membra: latus longo trajecerat illi  
 Rusticus infixo venabulo; et, hei mihi! squalens  
 Pendebat niveo ex humero pulcherrima cervix.  
 Nos Puerum in prato exanimem distendimus inter 415  
 Purpureos lacerum flores et vulnera rivo  
 Lavimus; inde ut erat, ferali in sindone Matri  
 Ploranti tulimus. Tres illic crine soluto  
 Lugebant moestae comites; interque dolentum  
 Lamenta et gemitus ferientes sidera et altas 420  
 Foemineas voces luctusque reliquimus. Hic me  
 Heu pariter lassum tristissima liquit imago.  
 Talibus inter se dictis miranda vicissim  
 Ore susurrabant ambo, lacrimasque ciebant.

V. 416. Edit. Veneta:

Purpureos flores et hiantia vulnera rivo

V. 419 et 420. Edit. Veneta:

Lugebant moestae comites, quae myrrhina odori  
 Vascula contulerant aloës; interque dolentum

Ecce autem interea Mater, quae denique fessis 425  
 Cum sociis spatio emenso delubra subibat,  
 Sollicita explorans oculis sua pignora. Vestes  
 Et capitis velum et fletus vestigia prorsus  
 Talia cernere erat praesenti, qualia somnus  
 Pinxerat. Obstupuere senes magis; illico visa 430  
 Ora recognoscunt memores: En illa, tremendum  
 Quae pede calcarat serpentem: En illa, peremptum  
 Cui nos detulimus natum. Flagrabat uterque  
 Quamprimum affari peregrinos; atque ubi tandem  
 Interpres legis longo post plurima finem 435  
 Eloquio imposuit, convenere illico Natum;  
 Et genus atque iter et nomen patriamque rogabant.  
 Adfuit ipse etiam cano venerabilis ore  
 Azarias pater admirans responsa loquentis;  
 Et multum illacrimans senior bonus, indolis almae 440  
 Vim promptam varia circum ire indagine gaudet.  
 Quin etiam hebdomadas Danielis, themata nuper  
 Proposita ac discussa palam, scitarier ausus.  
 Cui Puer aetherius coelesti in luce refulgens  
 Sic turba in media fatus: Jam temporis aetas 445  
 Praefixa hebdomadum venit, qua vietima Sanctus  
 Occidendus; et hunc vestris in collibus Arbos  
 Funerea excipiet. Vestrum par nobile rite  
 Exequias solvet. Post haec vastatio, luctus  
 Et populi excidium. Nostri haec oracula vatis. 450  
 Sic ait: obstupuere omnes; stetit ipse sacerdos  
 Attonitus dictis. Hesternae somnia noctis  
 Agnovere senes: Hic est Puer ille cruentus;  
 Haec erat illa arbor; nosque, ut reor, ultimus iste  
 Poscit honos tumuli, Subitus circumstetit horror 455

V. 449. Post haec vastatio. Cfr. Daniel c. 9, 26. 27.

Perculas mentes: comites sese addere furtim,  
 Atque oculis servare juvat vestigia longe;  
 Quo tendant, quo se demum tanta omina vertant,

Ergo age, qui reditus fuerit, queis versaque miris  
 Ultima scena modis, utque alta arcana resecta 460  
 Ostensusque Puer, finis pretiumque laborum.

Nox erat, et lunam nubes incluserat atra,  
 Necdum Parthenidis custos Jesseaque Virgo,  
 Debbonaque atque Agar porfuga et Susanna redibant.  
 Nazaridum vulgus jam tristia volvere secum 465  
 Coeperat auguria, atque illas quoque per loca vasta,  
 Dispersas; pluvisque auctos sine pontibus amnes  
 Abruptasque vias imbri noctemque timebant.  
 Augerique magis cura intendentibus atris  
 Se coelo tenebris; moestique extra oppida opaco 470  
 Sub dio ancipites stabant. Ubi plurima vero  
 Irrita nox fluxit, nec jam spes ulla videndi,  
 Et late loca cuncta silent: quis tristia fando  
 Lamenta et gemitus, desperantumve querelas.  
 Explicet? Hic Jesse, hic Ammon, hic crine soluto 475  
 Dina gemens et pulchra Esther innuptaque Zambris,  
 Et senior Jonas Jerichuntaque Elisaque plorans.  
 Luctus erat, qualis tecto cum mater et orba  
 Sponsa recens funus plorant, sponsique cadaver  
 Aedibus effertur. Non si ferus irruat hostis 480  
 Vastator, tantus se tollat clamor ad auras.

Ecce autem hos inter questus fax visa per umbram  
 Adventare procul, quam multo lumine clarus  
 Pellicea hirsutus zona puer igne ferebat  
 Flammantem largo: faciesque humerique nitebant 485  
 Eminus atque sinus atque ora. Ut Phosphorus axe



Pingitur aurorae roseis anteire quadrigis,  
 Purpureamque aperire diem mortalibus aegris:  
 Haud secus aurata Praecursor Numinis almi  
 Ardebat face scintillans: vox claraque coepit: 490  
 Audiri longe, vox agni nuncia felix  
 Ter coelo audita. Huc illum deduxerat Ales  
 Aëre sublato per opata silentia noctis,  
 Lucem allaturum et moestae solatia genti.  
 Omnia quae divus jam tum condixerat Infans, 495  
 Spelunca exceptus cum degeret hospes eadem.  
 Jamque aderat propius, roseoque haec ore locutus:  
 Quid vero hic tristes flendo consumitis horas?  
 Nec subit interea redeunti occurrere Matri,  
 Quae Jesum revehit? Vobis huc nuncius adsum: 500  
 Numinis inventi. Simul haec, simul igne cornuscam  
 Obvertit cedrinam tedam, turbaeque praeibat;  
 Perque viam, magicas ut nuper solverit Agar  
 Insidias, utque arma prius Juditha Gehennae  
 Fuderit, utque eadem thalamis adjuncta supernis; 505  
 Tum Pueri absentis miranda arcana docebat.

Protinus auditi fitti, et lux eminus ardens  
 Visa per obscuras multo igne incedere frondes.

V. 489. Praecursor Numinis. III, 288.

V. 490 seqq. Edit. Veneta:

Haud secus aurata Praecursor Numinis atram.

Findebat noctem facula; vox claraque coepit

Audisi longe. Huc illum deduxerat Ales

V. 493 et 496 in Edit. Venet. non leguntur.

V. 503. Agar. IX, 277 seqq.

V. 504. Juditha. IV, 334 seqq. V, 399 seqq.

Gehenna (vallis Hinnom prope Hierosolymam, ubi Baal colebatur. I Regg. 11, 7. II Regg. 16, 3. 4) translate pro suppliciorum perpetuorum loco (Tartaro) sumitur. Matth. 5, 22. Luc. 12, 5.

Zacharides jussit turbam discedere utrinque  
 Partitam ordinibus longis; duxque agminis ipse 510  
 Instructorque ibat medius; spatioque relicto  
 Hinc atque inde viam Matri Pueroque parabat;  
 Tum patrium intonuit nemorosa per avia carmen  
 Adventante Deo; visi subsidere colles  
 Palmiferi, trepidare metu, tremere omnia circum. 515  
 Principio labarum coeleste apparuit ingens  
 Inter clara tubae praeceuntis carmina. Centum  
 Hinc atque hinc aderant ceris ardentibus, ostro  
 Et bysso insignes juvenes. Comitantur euntes  
 Nazaridum exigui manes, quos funere quondam 520  
 Sustulit Herodes, quibus omnibus igne flagrant  
 In dextris faculae. Vestes et vulnera et ora  
 Atque illas ipsas chlamydes, quas utraque nerat,  
 Continua agnovit Rachel atque anxia Dina.  
 Benonem illa suum, pulchrum videt altera Eberum, 525  
 Quos longum flerant. Bis septem pone canistris  
 Purpureas fundunt violas nimbosque rosarum  
 Infantes alii: rubet omnis semita flore.  
 At victrix gressus per candidaserta ferebat,  
 Aurata insignis palla victricis imago 530  
 Judithae, cui peplum humeris atque annulus ardens  
 In digito. Hinc lassae matres sociaeque viarum  
 Debbora, Susanna atque Agar; inde ordine longo  
 Purpureae chlamydes, vexilla, argentea scuta,  
 Militiae aetheriae species, hastata juvenus. 535  
 Quis pompam illius noctis lucemque renarret?  
 Insonuere repente tubae, quo murmure ripae

V. 509. Zacharides. III, 288.

V. 516. Edit. Venet. legit et addit:

Principio labarum coeleste apparuit hasta

Defixum ingenti, quam princeps sustinet ales

V. 531. Herodes. III, 409.

Et pulsi colles responsant: audiit aeris  
 Horrendum carmen Tenechos nemorosaque Hiebla  
 Et Lyde et Marehon et proxima nubibus Herme. 540  
 Ecce autem hos inter plausus Amor inclitus ibat,  
 Cui super alta ingens umbella holoserica pictis  
 Sex agitur suffulta hastis, geminique Hierarchae  
 Thuricremum lentis alternant jactibus aurum.  
 Dextra tibi nodo, Genitrix, implexa tenaci, 545  
 Haud iterum fugitura; tibi manus altera nexu  
 Stringitur, alme senex. Campi, nemora avia, valles  
 Carminibus vatum resonant: O splendor Olympi!  
 O lux in tenebris exorta! o Legifer orbis  
 Expectate diu! o nostros miserate labores! 550  
 Parce Pater, parce Omnipotens. Mens omnibus oestro  
 Afflatur divo, Regemque Hominemque Deumque  
 Paciferumque vocant, et sanctum Numen adorant.  
 Quaque iter est, ramos curvat subeuntibus arbos:  
 Desuper omnigenum cernuntur nubila Divum 555  
 Plena choris. Alto Pater ipse e culmine Mundi  
 Aspicit e solio reduces, atque omnis ab astris  
 Coelestum populus, portas quoque tectaque summa  
 Et muros pagi et turres insederat. Ipse  
 Aetherios inter comites pulcherrimus omnes 560  
 Hoste triumphato Jesseius it Puer instar  
 Sideris eoi; signant vestigia acanthi  
 Mixtaque parthenio bellis, convolvulus, iris,  
 Et crocei flores campi. Sic ille redibat;  
 Nazareisque suis post tot discrimina lucem 565  
 Auroramque redux materna in tecta ferebat.

V. 539 et 540. Nomina: Tenechos, Hiebla, Lyde, Marehon et Herme in literis ss. non reperiuntur.

V. 549. O lux in tenebris exorta seqq. Confer Isai. 9, 1 — 7. c. 11. c. 60 — 62. Amos 9, 11 seqq. Mich. 4. Sophon. 3, 9 seqq.

## Index vocum et rerum.

*Prior numerus librum, posterior versum indicat.*

### A.

- |   |   |
|---|---|
| <p>Abarim montana III, 316.<br/>         Abel primus hospes IV, 330. 341.<br/>         Abelia IV, 331.<br/>         Abner III, 248.<br/>         Abra I, 155. 378. II, 219. VII, 295.<br/>         Abraham senex VI, 279. Abrami<br/>         abdita regna IV, 326. fama VII, 402.<br/>         Absinthium III, 339.<br/>         Acco ferus V, 360.<br/>         Acheronte refuso IV, 395. Acheron-<br/>         tia nubes V, 270. Acherontis tur-<br/>         ba III, 494. Acherusia castra V, 23.<br/>         Adam miser VI, 103. Adami de<br/>         stirpe nepos VI, 124.<br/>         Addua plenis rivis V, 170. Addua<br/>         celeberrima Musis V, 171. VI, 80.<br/>         Adonia IV, 415.<br/>         Adriaci litoris regina VI, 334.<br/>         Aegyptia mater II, 22. Aegyptia<br/>         palla II, 238.<br/>         Aegypti ex uribus III, 90. IV, 423.<br/>         Aegypti turba V, 440. IX, 47.<br/>         Aenonis dissita vallis IV, 133. Ae-<br/>         nonis vallem V, 39. Vallis V, 270.</p> | <p>Aetna V, 361.<br/>         Afra III, 164.<br/>         Afri IX, 47.<br/>         Agar nupta recens VII, 192. Engad-<br/>         daea VII, 382. IX, 68. 290. 503.<br/>         infelix 243. profuga 464.<br/>         Alabrum arundineum VII, 39.<br/>         Alastor III, 151. V, 422.<br/>         Albis VI, 356.<br/>         Albunae aquas III, 146.<br/>         Alcindus II, 305. vates VII, 392.<br/>         Alcindi vocem VIII, 324.<br/>         Alcon caprarius VII, 266.<br/>         Alexander VIII Pont. Max. IX, 346.<br/>         Aligherius vates VI, 11.<br/>         Alphaeus I, 400. Alphaei conjux II,<br/>         216. Alphaee VII, 271.<br/>         Alphitus V, 360.<br/>         Amaris II, 172.<br/>         Amaseni ripis V, 403.<br/>         Amazon Jordanis V, 492. sublimis<br/>         V, 399.<br/>         America dives V, 149.<br/>         Amida V, 336. 439.</p> |
|---|---|

## II

Amidenus V, 422.  
 Amilida regina III, 446. 478.  
 Amisis VI, 364.  
 Ammon pater I, 373. 438. puer II, 221.  
 VII, 209. IX, 475.  
 Amor II, 330.  
 Amos longaevus II, 244.  
 Amris urbs Samariae VIII, 363.  
 Amurathes victor III, 108.  
 Anna Auria IV, 246 seq.  
 Anna Parens VI, 253.  
 Antonius Abbas III, 117.  
 Anubis latrator VII, 141.  
 Apenninus mons V, 356. 459. VI, 92.  
 Appula tellus V, 370.  
 Aquili III, 319.  
 Arabum merces I, 70. folia 143. deserta III, 303.  
 Arcades IV, 423.  
 Arianæ acies VI, 298.  
 Arnus fluvius VI, 1.  
 Asia IX, 47.  
 Asmodæus corniger V, 331. ductor lemorum V, 408.  
 Assyria III, 147. 303.  
 Athesis V, 276.  
 Attica mella VI, 56.  
 Augustus V, 484.  
 Ausonia VI, 35.  
 Auster humens imbrifer IX, 74.  
 Austriaca gens I, 15.  
 Austriadum sedes VI, 326.  
 Avernus III, 60. 148. 369. bis fractus IV, 303. Averno triumphato IV, 357. Avernus infensus VII, 138. VIII, 29. 240.  
 Azariae collis II, 194.  
 Azarias interpres IX, 359. pater 439.

## B.

Babel III, 463. V. 450.  
 Babuel III, 377.  
 Babylon III, 73. VII, 159.  
 Babylonia moenia III, 168.

Babylonica arva VI, 330.  
 Bacchus VI, 65. IX, 267.  
 Bactra III, 430.  
 Baetis IV, 410.  
 Balaam sacrificus III, 402.  
 Banausus III, 168.  
 Barucchus II, 132. VII, 320.  
 Bavus III, 376.  
 Beatrix VI, 15.  
 Behemoth Satyrus III, 353.  
 Beïon IX, 18.  
 Belial III, 387. V, 334. 422.  
 Belus VIII, 152.  
 Belgicus V, 132.  
 Belphegor III, 72. 112. arduus V, 290. increpitans 370. VIII, 42.  
 Belzebub V, 450.  
 Benedictus Pamphilus, germanus Apollo IV, 256.  
 Beno VII, 300.  
 Benoni I, 128. 267. IX, 525.  
 Berenice I, 262.  
 Beris anus II, 258. VII, 76. 246. formosa 361.  
 Beroe II, 219.  
 Bersabaea VII, 328.  
 Bethlaeus juvenis I, 317. infans VII, 296. Bethlaeos in agros 336.  
 Bethlehemia in arva VII, 231.  
 Bethsabaea I, 160. II, 250.  
 Boreas V, 189. VIII, 172.  
 Borromæi penates VI, 78.  
 Borysthenes gelidus VI, 354.  
 Brochus II, 104.

## C.

Cacedæomones stygii III, 192. IX, 260.  
 Caesar supplex (Leopoldus I) VI, 343.  
 Camilla V, 403.  
 Camoenæ Latiae I, 14. moerentes IX, 317.  
 Calidrum argenteum III, 439.  
 Callotus III, 115.

Canopus I, 68. II. 236. Pharius III, 21.  
merces Canopi VII, 130.  
Capriccio II, 273.  
Carmeli sacra inter culmina I, 484.  
VI, 138. veteris tecta ardua VI, 211.  
IX, 62. 159.  
Carolus regnator Iberi IX, 327.  
Carpathus nivibus glacialibus hor-  
rens VI, 356.  
Casius V, 439.  
Caspia tellus V, 140.  
Cattae navium genus III, 428.  
Celeustes III, 436.  
Centaurorum calces III, 135.  
Cerealia sacra IV, 414.  
Ceres laeta V, 260. tosta VII, 252.  
Cephus III, 443.  
Chaos infernum III, 461. V, 431.  
Charmis longaeva VII, 186. anus 199.  
memor 216.  
Cherub alatus VI, 217.  
Cison II, 30. Cisonem vitreum IV,  
96. IX, 231.  
Cocytia nubes III, 307. cornix V, 18.  
Constantinus M. V, 488. VI, 295.  
Coryciae nymphae IV, 213.  
Curae fabriles VII, 26.  
Cynthia picta vadis stagnantibus IV,  
322. pleno orbe V, 348. pleno  
cornu IX, 99.  
Cyprus II, 341.

**D.**

Daae VI, 376.  
Dagon V, 360.  
Damaris I, 404. 416. 443. 454. 466.  
VII, 186. 205.  
Damasci rosae I, 293. VII, 110.  
Daniel I, 410. 465.  
Dantes Aligherius VI, 11. 63.  
Daphra parens VII, 347.  
Dauni V, 459.

Debbora et Debora I, 115. 127. II,  
169. 222. 228. 258. 262. VII, 36.  
117. IX, 166. 177. 464. 533.  
Diana venatrix IV, 213.  
Didymus II, 277. 316.  
Dina I, 192. 405. moesta III, 213.  
VII, 314. misera 329. gemens IX,  
476. auxia 524.  
Dis et Ditis I, 28. repagula III, 54.  
legio 103. orgia 323. horrendi 460.  
V, 63. VIII, 205.  
Dorcadus III, 445.  
Dramelech III, 179. insignis pelle  
draconis V, 335. 375.

**E.**

Eberus VII, 283. IX, 525.  
Eden VII, 4.  
Edomitae III, 351.  
Elisa pulcherrima I, 317. 380. II,  
120. 180. plorans IX, 477.  
Elisabeth IV, 4.  
Elpinus II, 305. VI, 200.  
Elysii agros V, 50. Elysii horti 148.  
pomaria 218. sedes 515. VI. 5.  
amnes vallesque beatae VII, 7.  
Elysus V, 148.  
Endor IV, 26.  
Engaddaeus VII, 383. Engaddi VII,  
192. 200. 211.  
Ennoia VIII, 151.  
Eos I, 203. III, 291.  
Eous I, 113. terris Eois 251. purpu-  
reo eoo V, 90. eoo reges VIII,  
286. V, 90.  
Ephialtes V, 332.  
Ephraim VIII, 364.  
Erebi in hortos I, 3. 25. III, 74. in  
formas 117. vexillum 128. spectra  
496. V, 268. Erebi omina VIII, 222.  
IX, 30. 275. 289.  
Eridanus placidus V, 168. pater 275.  
Erigone II, 3.  
Erinnys III, 463. exitialis IX, 54.

## IV

Ervum III, 338.  
Erythraeum pelagus II, 338.  
Esther I, 390. II, 169. VII, 185. 317.  
pulchra IX, 476.  
Euganeus III, 165.  
Euphius III, 386. V, 450.  
Euphrates III, 107. V, 127.  
Eurotas IV, 445.  
Eurus IX, 76.  
Eurynomi III, 319.  
Euxinus V, 262.  
Eva VI, 106.

## F.

Fauni III, 444.  
Fea III, 165.  
Femoralia II, 131.  
Florentia VI, 52.  
Flos Hesperiae VI, 363.  
Franciscus Lemene VI, 200.

## G.

Galaaditis VII, 160.  
Galgala IX, 62.  
Ganges II, 336.  
Gargani montes V, 371.  
Gehenna IX, 504.  
Geminae partes i. e. Albi et Nigri VI, 37.  
Gener Augusti Bavarus VI, 306.  
Geticus torrens VI, 312 seq.  
Gitton VIII, 14.  
Godefridus de Bouillon VI, 297.  
Gomorrhacum stagnum V, 273.  
Gorgo V, 334. Gorgones 424.  
Gothicus III, 142.  
Grajae Veneres VI, 62.

## H.

Harpyae III, 126.  
Hebdomades Danielis IX, 358. 442.  
Heberus VII, 193.  
Hebraeus puer I, 179.  
Hebrus V, 274.  
Hecatombe IV, 414.

Helene Argiva VIII, 152.  
Heli II, 230.  
Helymus VIII, 66. 103. 190.  
Hercynii saltus VI, 365.  
Herme IX, 540.  
Hermon IV, 48.  
Herodes III, 409. Herodes Agrippa  
V, 483. IX, 521. Herodes Philip-  
pus V, 483.  
Hesperia IV, 427. IX, 329.  
Hesperus VI, 204.  
Hetruria VI, 41.  
Hiebla IX, 539.  
Hippolyte V, 403.  
Hirpini V, 466.  
Hungaricus chorus VI, 345.  
Hypanis V, 274. VI, 354.  
Hyperboreum sidus V, 294.  
Hypericon III, 338.  
Hyr cani V, 141.

## I.

Idume I, 34. II, 344. V, 480. VII,  
166. 371. VIII, 4. 46.  
Idumaea virgo VIII, 275. Idumaeae  
nymphae II, 125. orae 346. idu-  
maeus rex IV, 370. VI, 278.  
Illyrici VI, 376.  
Illyrium IV, 445.  
India V, 148. Indum ebur VII, 366.  
Indus V, 276. VIII, 165.  
Industries I, 259. VI, 70.  
Insignis pietate dux i. e. Theodosius  
M. IV, 410.  
Insubres V, 491.  
Isaac pius VI, 280.  
Isacidæ VII, 21. 166. 174. 398. 424.  
VIII, 247.  
Isidis arista V, 469.  
Ismaelitæ III, 372.  
Ismaris I, 559.  
Ister I, 15. V, 262.  
Italia V, 167.  
Ithuraei V, 481. VII, 256.

## J.

Japones III, 447.  
 Jericho II, 114.  
 Jesse ruris pater I, 154. VI, 279.  
 IX, 475. Jessaea parens I, 204.  
 Jesseia 264. Maria Jesseia 526. par-  
 thenis 570. Jessea puella II, 172.  
 Jesseus III, 93. senior VII, 29. va-  
 tes 415. Jessaeus puer IX, 10.  
 561. Jessea Virgo IX, 463.  
 Jessidae VI, 414.  
 Jesulus pulcher I, 89. V, 117.  
 Jesus puer pulcher I, 265. 547. 566.  
 II, 191. 243. 279. III, 252. IV, 94.  
 289. 314. investis V, 84. 500. in-  
 fans VII, 233. 369. 395. VIII, 350.  
 inventus. IX, 220. 278. 500.  
 Joachim VI, 278.  
 Joas piger I, 378.  
 Jonas Nazareus I, 69. 151. 247. pa-  
 ter 325. hospes 344. 391. 439. II, 7.  
 VII, 81. bonus 130. VIII, 6. se-  
 nior IX, 477.  
 Jonathas I, 522. II, 120. 195. VII, 300.  
 Jordanes II, 351. sacer III, 285. IV,  
 11. 145. albet 292. 318. vitreus  
 V, 72. sanguine tumens VI, 157.  
 VIII, 51. Jordanis vallis IX, 63. 303.  
 Josephus Austriades I, 19. V, 266.  
 VI, 375.  
 Joseph I, 89. 243. II, 245. ingenuus  
 VII, 25.  
 Joseph Arimathensis IX, 361. 370.  
 Joseph nutritor VIII, 257.  
 Juda VII, 135.  
 Judaea III, 313. VIII, 276.  
 Juditha alacris I, 406. pulchra 411.  
 425. 446. victrix 453. compta 468.  
 sq. 529. Jesu desponsa 547. 566.  
 antiqua 569. II, 180. 190. 261.  
 V, 95. 106. 126. 501. IX, 531.  
 Julius, Sabaudae gentis honos VI,  
 308 sq.

## L.

Laban I, 377.  
 Labarum VI, 295.  
 Lamiae III, 319. IX, 259.  
 Latium VI, 61.  
 Latius I, 14.  
 Laudensis ager V, 169.  
 Lemene II, 308. V, 171.  
 Lemures III, 57. 101.  
 Leopoldus Caesar IX, 344.  
 Lia II, 119.  
 Libani vates VIII, 6.  
 Libanus V, 71. VII, 154. IX, 156.  
 Libitina IV, 274.  
 Libycus V, 130.  
 Ligus II, 305.  
 Ligures V, 146.  
 Ligustica Phoebe IV, 258.  
 Locarnus III, 162.  
 Lotharingus VI, 305.  
 Lotharus Mavors I, 362.  
 Lucensis cura IV, 111.  
 Lucifer V, 293.  
 Lyaeus I, 196. VI, 54. VIII, 393.  
 Lyde IX, 540.  
 Lygdos IV, 445.

## M.

Mabo III, 468.  
 Macandrus IV, 66.  
 Magius II, 307.  
 Malabarica regna III, 430.  
 Manasses I, 521. 553. atavus VI,  
 278. VII, 271.  
 Manetes IX, 14.  
 Mara III, 367.  
 Marehon IX, 540.  
 Mareoticus II, 13. III, 23.  
 Margutium III, 163.  
 Maria Anna Neoborgensis IX, 331.  
 Maria I, 89. 116. 129. 229. 261. 282.  
 387. 509. 526. 540 sq. II, 8. 110.  
 167. IV, 94. 290. V, 47. 100. VII,  
 45. 204. 253. 385. IX, 179. 218.



## VI

Mars I, 20. III, 15. 479. VI, 288.  
 Marsae III, 166. V, 458.  
 Mathana III, 350.  
 Mathelda VI, 19.  
 Maurica agmina VI, 297 sq.  
 Mauroceni triumphus VI, 303.  
 Mavortius I, 17.  
 Medi V, 141.  
 Medica villa VI, 7.  
 Meltium (Melzi) VI, 81.  
 Memnonius III, 408. V, 143.  
 Memphis I, 87. 161. 248. 286. III, 92.  
 VII, 83.  
 Mentita Dea I, 29. cf. Selene (He-  
 lene) VIII, 18. 40. 152. IX, 259.  
 Miria II, 119.  
 Moab III, 350.  
 Moesi VI, 377.  
 Molorchus III, 378. 469.  
 Molossus I, 326. III, 4.  
 Montanus II, 306.  
 Montia villa VI, 79. Montius II, 306.  
 Mormi III, 318.  
 Mormo V, 333.  
 Murex Tyrius IV, 257.  
 Mustaphus III, 109. VI, 371.

## N.

Nabal I, 440.  
 Nannaea III, 165.  
 Nazareae matres IX, 163. Nazarei  
 I, 7. 42. II, 5. IV, 380. VIII, 321.  
 IX, 60.  
 Nazareth III, 57. VII, 200.  
 Nazareus collis II, 16. pagus 189.  
 Nazariae matres III, 307. 277.  
 IV, 3. flos 199. VI, 415.  
 Nazarides IV, 133. V, 153. VII, 33. 121.  
 Nehemillus III, 245.  
 Nembrod V, 139.  
 Neomenia I, 75.  
 Niliacus I, 120.  
 Nilus I, 51. 254. VIII, 165.  
 Nohemis VII, 291.

## O.

Obedon VII, 213.  
 Odrysus tyrannus IX, 336.  
 Onoscelides III, 127.  
 Olympus I, 25. 209. II, 372. III, 174.  
 280. IV, 92. V, 349.  
 Orcus II, 62. III, 28. 71. 112. 201.  
 394. IV, 1. VIII, 12. 163.  
 Orchia III, 164.  
 Orgia IV, 415.  
 Ornicus V, 360.  
 Orontes V, 274.  
 Orpha II, 118.  
 Oscula justitiae et pacis VI, 392.  
 Osia II, 118.

## P.

Padus V, 168. IX, 27.  
 Palaestina II, 32. III, 313. VI, 135.  
 VII, 157.  
 Pamphilia IV, 248.  
 Pannonia I, 17. VI, 313. Pannoni-  
 cus V, 259.  
 Panther VI, 279.  
 Paradisus V, 45. VII, 4.  
 Paredri III, 127.  
 Parthenis alma I, 1. 313. 386. 571.  
 II, 36. IV, 2. 53. 192. VI, 110.  
 206. VII, 33. IX, 154 tristissima  
 165. 293. 332.  
 Parthenope V, 467.  
 Pastorius II, 307.  
 Pellaeus aruspex VII, 139.  
 Persis III, 102. VIII, 25.  
 Peruvium IV, 450.  
 Phantuae III, 127.  
 Pharia caligo VIII, 13.  
 Pharius, terrae phariae I, 2. regio  
 pharia 94. palla 127. molitrix 298.  
 pharius obeliscus 321. 339. Cano-  
 pus III, 21. phariae orae VII, 129.  
 Phenenna III, 234.  
 Phegor III, 376.  
 Phineus I, 522.

Phison IV, 387.  
 Phlegethon III, 150.  
 Phoebe II, 1. VI, 202.  
 Phoebus II, 200.  
 Phoenix V, 309. *Phoenix arva*  
 VIII, 26.  
 Phoni III, 127.  
 Phosphorus IX, 486.  
 Phrygii flores I, 260. *phrygii mon-*  
*tes* IV, 446.  
 Picenum IX, 248.  
 Pierius V, 177.  
 Pindus Romuleus IV, 236.  
 Pisa VI, 51.  
 Pistorium VI, 51.  
 Portus Lunae IV, 445.  
 Praecursor Numinis III, 289. IX, 489.  
 Punica mala VII, 356.  
 Pupus I, 122.

**Q.**

Quirinalis collis IV, 259.  
 Quirinus VI, 334.

**R.**

Rachel I, 403. 562. II, 250. *moestis-*  
*sima* III, 213. 222. *misera* IV, 376.  
 VII, 280. 361. IX, 524.  
 Raguel VII, 395.  
 Redus VI, 66.  
 Rhaetus III, 166.  
 Rhenus bicornis VI, 356.  
 Riarnus IX, 20.  
 Rictus III, 431.  
 Romana Sacraia Divae IV, 452.  
 Romelia II, 119.  
 Romuldum rex IX, 335.  
 Ruben II, 221. VII, 284. *pater* 316.  
 323. *maturior annis* 333.  
 Rummus III, 161.  
 Ruta III, 338.

**S.**

Sabellae III, 166.  
 Sacerdos maximus (Innocentius XI)  
 VI, 341.  
 Sacrilegus praedo I, 26. cf. Semon  
 Sanghus.  
 Salim IV, 48.  
 Salomonis aedes IX, 195.  
 Samaris (Samaria) VII, 158. *urbs*  
 VIII, 57. 219.  
 Samaraea juvenus VIII, 375. *Sama-*  
*raea moenia* 13. *Samaraea tel-*  
*lus* 220.  
 Samareius III, 47.  
 Samaritae juvenis VII, 147.  
 Samuel II, 169. 243. 254. 259.  
 Sara II, 169. VII, 304.  
 Satan VIII, 231.  
 Satyrisci III, 444.  
 Satyrus II, 66. III, 853.  
 Sauromata VI, 262.  
 Scaldis V, 134.  
 Scyllae III, 126.  
 Scythicus III, 179. IV, 440.  
 Selene Simonis magi *pelle* VIII, 18.  
 40. 152. IX, 259.  
 Semon Sanghus (Simon magus) VIII,  
 18. *Idem* Simon *sacrilegus* IX, 261.  
 Sena VI, 51.  
 Sephora VII, 297. 327.  
 Seres V, 439.  
 Sibyllae VIII, 136.  
 Sicheu VIII, 363.  
 Sidonius VIII, 31.  
 Silo VIII, 13.  
 Silvia II, 124. 250.  
 Simeon I, 316. VII, 272. VIII, 282.  
 Simiel III, 469.  
 Sinae III, 430.  
 Singara II, 22.  
 Sodoma lacus V, 455.  
 Solyma I, 6. 69. IV, 122. *Solyma*  
*coelestis* VI, 401. IX, 161. 184.  
 194. *Solymae delubra* VIII, 321.

## VIII

Solymaeus III, 407. Solymeia templa VII, 424. Solymeia urbs VIII, 336. IX, 354.  
 Styx III, 138. V, 284. VI, 291. IX, 25.  
 Stygius ales I, 193. gurgēs II, 71. stygios manes III, 48. 72. turmae stygiae 112. 121. rostris stygiis 131. explorator stygius 231. stygium periculum 281. ignis 340. princeps 480. stygium tribunal IX, 9.  
 Sulamitis I, 380. II, 171.  
 Suna IV, 97. VII, 77. olifera IX, 171.  
 Susa V, 138.  
 Susanna I, 115. 127. 279. 384. II, 170. 203. IX, 166. 464. 533.  
 Susdeque V, 385.

## T.

Taenarium vulgus III, 14. tubae t. 197. fraudes IX, 156.  
 Tagus II, 337.  
 Tartara I, 180. VIII, 115. Tartareus volucer I, 183. sceptrum tartareum III, 17. nimbus 200. duces 330. genii IX, 26.  
 Taurus V, 439.  
 Tenechos IX, 539.  
 Thabor IV, 95.  
 Thamar I, 152. Galaditis VIII, 66. formosissima 178. 204.  
 Thebana juga IV, 441.  
 Thersa urbs VIII, 364.  
 Thessala philtia III, 182.  
 Theshites VI, 90. 228.  
 Thraces I, 16. VI, 327. 377. Thracia bella VI, 298.  
 Tiberina flumina IV, 412.  
 Tiburtinus III, 144.  
 Tigris V, 127.  
 Titan IV, 115. V, 234.  
 Tonans VI, 162. 403. IX, 297.

Traunus VI, 364.  
 Triballi VI, 376.  
 Triptes III, 319.  
 Turbo III, 293.  
 Turcius V, 258.  
 Tuscus VI, 33.  
 Typhon III, 160.  
 Tyrrhenus VI, 50.  
 Tyria urbs VIII, 37. Tyrium ostrum VII, 366. Tyrius fornix VIII, 154.

## U.


Urbs alma Quirini VI, 334.


## V.

Vaprum (Vaprio) VI, 80.  
 Vasthi I, 128.  
 Veneti leones VI, 302 sq.  
 Verbana insula VI, 76 sq.  
 Verbanus III, 163.  
 Vesevus V, 464.  
 Vestinus ager V, 558.  
 Vienna III, 111.  
 Vindelicus III, 166.  
 Vistula VI, 553.  
 Visurgis VI, 364.  
 Vitreae lentēs V, 237.  
 Vulturū V, 461.

## Z.

Zabulon II, 132.  
 Zabulus III, 378.  
 Zacharides IV, 12. V, 73. 207. IX, 306. 509.  
 Zagrus V, 139.  
 Zambris I, 405. II, 170. VII, 278. 282. IX, 476.  
 Zebida II, 118.  
 Zelphe I, 153. VII, 247. 291. 305. 314. 323. 361.  
 Zephyri II, 50. VII, 262.






This book should be returned to  
the Library on or before the last date  
stamped below.

A fine is incurred by retaining it  
beyond the specified time.

Please return promptly.

MLc 368.33.5  
Jesus puer;  
Widener Library

004844093



3 2044 088 819 727

